



В.М. Лудыкова

**КОМИ КЫВБЕРДЛÖН
СИНТАКСИС**



Россия Федерацияса йӱзос велӱдӱн министрство
Сыктывкарса канму университет

В.М. Лудыкова

КОМИ КЫВБЕРДЛӱН СИНТАКСИС

Сыктывкар 2003

УДК 801.23:801.55/.56:[809.453.2+808.2]

ББК 81.2Ком-2(я73)

Л 82

Печатается

*по постановлению редакционно-издательского совета
Сыктывкарского университета*

Рецензенты: кафедра методики преподавания русского и коми языков
Коми государственного педагогического института;
Г.В. Федюнева - канд. филол. наук, зав. отделом языка
КомиНЦ УрО РАН.

Лудыкова В.М.

Л 82 Коми кывбердлӧн синтаксис (Синтаксис прилагательного в коми языке): Учебное пособие. Сыктывкар: Изд-во Сыктывкарского ун-та, 2003. 104 с.

ISBN 5-87237-368-6

Велӧдчан небӧгас пыдисянь видлалӧма коми кывбердлысь синтаксиссӧ; тӧдчӧдӧма кывсикасыслысь серникузяын аслыспӧлӧслунсӧ; пыдисянь туялӧма кывбердлысь предикативнӧй да атрибутивнӧй функцияяс. Коми лингвистикаын медводдзаысь торйӧдӧма да видлалӧма предикативнӧй определение, петкӧдлӧма тайӧ кывсикаслысь вежласьӧмсӧ да ладмӧдчӧм подчинительнӧй йитӧдӧн йитчӧмсӧ, зэв пыдисянь туялӧма торйӧдӧм определение. Уджсӧ гижӧма ыджыд кыв материал подув вылын. Велӧдчан небӧгсӧ сийӧма университетын велӧдчысьяслы, школаын велӧдысьяслы, коми кыв туялысьяслы.

УДК 801.23:801.55/.56:[809.453.2+808.2]

ББК 81.2Ком-2(я73)

ISBN 5-87237-368-6

© Лудыкова В.М., 2003

© Сыктывкарский университет, 2003

Тайё велодчан небөгсö дасьтöма университетын велодчысь студентъяслы «Коми кывбердлөн грамматика» спецкурсысь, кодлөн могыс – тырвыйö видлавны коми ашшөр кывсикасьясысь öтиöс – кывберд, эрдöдны сылысь аслыспөлöслунъяссö.

Кывберд – тайö предметлысь предикаттöм признак петкөдлысь кывсикас. Миянöс кытшалысь збыльвывса олöмас эм уна сикас предмет, кодъяс мыйöнкö öткодьюсь öта-мöдыскöд и мыйöнкö торъялöны öта-мöдсьыс; быд предметлы лöсялöны торъя признакъяс, кодъясöс нимтöны кывбердъяс; сёрнитысьыс вермö донъявны предметсö и тайö донъялöмсö бара жö петкөдлöны кывбердъяс. Сидзкö, кывбердыс – тайö зэв тöдчана, колана кывсикас.

Збыльвывса олöмас признакъясыс асьныс, предметтöгыс, оз вермыны лоны, признакыс пыр лöсялö ловъя ловлы либö ловтöм предметлы, та вöсна признак вежöртаса кывъясыс-кывбердъясыс и паныдасьлöны предметсö нимтысь эмакывъяскöд, кывберд да эмакыв костас йитöдыс зэв топыд.

Кывбердыс – тайö важ кывсикас, öд мортлы аслас быдлунъя олöмас предметъяссö гөгөрвоöдны (характеризуйтны), öти предмет торйöдны мöд предметысь кутшöмкö признак серти, аддзыны разнöй предметъяслысь öткодью признакъяссö, донъявны предметъяссö ковмылис зэв нин важысянь. Öнiя коми кывйын эм фин-угор подув кадсянь на воём кутшöмсюрö кывберд, шуам, *сыв* (*сыв лым*), *тшöкыд* (*тшöкыд вөр*). Кывберд – тайö сөвмысь кывсикас, сiйö сөвмö кыв сөвмöмыскöд тшöтш. Уна кывберд артмылис öтувъя перым кадö, коми кыв ашшөра нин сөвман кадö. Адъективнойнöй кывъясыс, торйөн нин эмакывъясысь, артмöны и миян лунъясö. Сөвмöны и кывбердлөн грамматика категориясыс, синтаксисын сылөн позянлунъясыс. Тайö кывсикаслөн историяыс зэв нин ыджыд.

Коми кывйын кывберд – тайö зэв аслыспөлöс кывсикас, кодлөн унатор кольöма важ, подув, кадсянныс на, унатор сөвмöма коми кыв подув вылын и тайö кывсикас сөвмөм вылас ёна тöдчö роч кыв. Öнiя коми кывйын бергалö оз этша рочысь пырöм кывберд, кодъяс кызвынөнсö олöны коми кыв законъяс серти; торйөн нин тöдчанаөн лöны модальной вежöртаса нима кывъяс, кодъяслы лöсялöмъясыс абуöсь коми кывъяс.

Миян кадö кывбердыс – тайö зэв сөвмөм, ёна паськалөм, зэв тöдчана кывсикас. Сылы лöсялöны аслыспөлöс вежöртасъяс, грамматика катего-

рияяс. Туялбмыс петкөдлө, мый коми кывбердыс – тайб зэв «синтаксической» кывсикас, кодлөн став аслысплблслуныс петб синтаксиссыыс. Коми кыв грамматикаясын лыддылысны, мый кывбердыс – вежласьтбм кывсикас. Но тайб нима кывъясыслысь синтаксиссб видлалбмысь тыдовтчб, мый вежласьтбмнас сйб лбб сёрникузяын определение пыдди мунигбн, а предикативнбй функцияын, а сідзжб предикативнбй определение да торйбдбм определение туйын мунигбн сйб вермб босытны уна лыда –бсь суффикс, косвеннбй вежлбг суффиксыяс, корсюрб – и индан-асалан суффиксыяс, сідзкб, кывбердыс вермб вежласыны, и тайб вежласьбмыс йитчбма сылбн синтаксической фукнциясыскбд. Зэв аслысплблсбн лббны и синтаксической йитбдъясыс, найб бара жб торъялбны кывбердыслбн синтаксической функцияяс сертиыс: определение пыдди мунигбн сйб примыкайтб скюрбса змакыв дорас, предикативнбй определение да торйбдбм определение функцияын кывбердыс определяембй кывйыскбд вермб ладмбдчыны, а лбб кб сйб сёрникузяын сказуембйбн, подлежащбйыскбд йитчб координация йитбдбн.

Сёрникузяын кывбердыс нуб кык шбр синтаксической функция – атрибутивнбй да предикативнбй, наын тыдовтчб кывбердыслбн торъялбмыс. Зэв тбдчанабн лбб и сёрникузя да текст вежбртас артмбдбмын. Но кывбердлысь тайб функцияссб коми лингвистикаын абу на тырвуйб туялбма. Онйа кадб абубсь на кывберд синтаксислы сйбм торъя уджыяс; воддза грамматикаясын кывбердлысь морфологиясб видлавлісны синтаксис вылб мыджсытбг, сылысь синтаксической функцияссб тбд вылб босыттбг, а тайб кывсикассб тырвуйб серпасавны позьб сбмын синтаксис подув вылын. Таын и тыдовтчб тайб неббгыслбн коланлуныс.

Кывбердсб туялбм могысь материалсб чукбртбма коми художества да публицистика гижбдъясысь, фольклор текстъясысь, сёрнисикасысысь. Велбдчан неббгыс артбма кывберд предикативнбй функцияын, кывберд-определение, кывберд предикативнбй определение, торйбдбм определение функцияын да кывбердлбн синтаксической йитбдъяс юкбньясысь.

КЫВБЕРД ПРЕДИКАТИВНОЙ ФУНКЦИЯЫН

Кывберд кадакыв моз жö вермö артмöдны кык сюрöса члена сёрникузялысь грамматической подувсö, вермö лоны предикатон. Сийö артмöдö адъективной сёрникузяяс, юöртö мортлön, ловъя ловлön либö предметлön качество йылысь.

Предикат – тайö сёрникузялön сюрöса член. Сийö тöдчöдö подлежащöйын нимтöм ловъя либö ловтöм предметлön предикативной признак йылысь (действие, состояние, процесс, свойство, качество) да петкöдлö сёрникузяыслысь став объективно-модальной да кад вежöртасьяссö. Уна лингвист тöдчöдö, мый предикатыс (сказуемöйыс) сёрникузяын лö медшöр, медся колана, медся тöдчана юкөннас (Бубрих, 1949:14; Попов, 1974:43; Рятсеп, 1974:3 да мукöд). В.Т.Гак пасйö, мый сказуемöйыс и артмöдö сёрникузясö (Гак, 1986:75). Предикатыс сёрникузялön медся колана юкөннас вöлöма нин уральской подув кывйын (Хайду, 1985:253).

Лексической да грамматической вежöртасьяссö петкöдланногыс лö сказуемöйсö сикасалöмыслön подувнас. Тэчас сертиыс торйöдöны сказуемöйыслысь кык медшöр сикас: прöстöй да составной. Прöстöй сказуемöйыс артмö öти кывйысь, öти компонентысь, составнойыс – кыкысь. Прöстöйыс и составнойыс вермасны лоны сьöктöдöмöн. Морфология боксянь петкöдланног сертиыс коми кывйын позьö торйöдны кадакывъя, нима да урчитана сказуемöйяс.

Öнiя коми кывйын кадакывъя сказуемöй моз жö ёна сöвмöма и нима сказуемöй. Нима сказуемöйыс – тайö змакывйöн, кывбердön, нимвежтасöн, лыдакывйöн да признак вежöртаса шöркывйöн петкöдлöм сказуемöй. Тайö зэв важ сказуемöй. Сийö вöлöма нин фин-угор подув кывйын. П.Равила тöдчöдö, мый фин-угор кывъяслы, шуам, венгр кывлы связкатöм нима сёрникузяысыс и öнiя кадö на лöоны зэв лöсяланаöн, а важöнсö сöмын сэтшöмъясыс и паныдасьлöмаöсь (Ravila, 1946:67). К.Е.Майтинская тшöтш жö пасйö, мый кык сюрöса члена сёрникузяясас сказуемöй пыддиыс паныдасьлöмаöсь либö нима кывъяс, либö кадакывъяс (Майтинская, 1974:383). Э.Итконен сiдзжö тöдчöдö, мый уральской кывъяслы лöсялöны сэтшöм сёрникузяяс, кодъясын сказуемöй пыддиыс муно нима кывсикас (Itkonen, 1966:304). П.Ринтала сöвмöдö тайö мöвпсö. Сийö гижö, мый нима кывыслön сказуемöй пыддиыс связкатöг паныдасьлöмыс артмöдлöма важ фин-угор кывъяс синтаксислысь аслысплöслунсö (Rintala, 1976: 43).

Öнiя коми кывйын нима кывсикасысыс, тшöтш и кывберд, сказуемöй пыддиыс вермöны мунны ашшöра, кадакыв-связкатöг (тэчас сертиыс артмö

простой сказуемой) либо кадакыв-связкаяс дорё йитчёмён (та дырйи артмё составной нима сказуемой). Составной нима сказуемойяс лексической да грамматической вежортасьяссё петкөдлёма торйён; грамматической вежортасьяссё петкөдлём могысь паныдасьлө связка, кодлөн тырвыйё лексической вежортасыс абу да оз вермы лоны ашшөр сказуемойён. Связка пыддиыс мунё вуджтём кадакыв, сылөн ставнас либо мыйтакө, джынвыйё, вошөма-вушйөма лексической вежортасыс, төдчөдө нима сказуемойлысь морт, лыд, кад, наклонение грамматика вежортасьяс. Сйё артмөдө сёрникузяыслысь грамматика подуvsё, координируйтчө подлежащейыскөд лыдын да мортын.

Лексической вежортас сертиыс позьё торйөдны вежортастём (отвлечённой), абу тырвыйё вежортаса (полуотвлечённой) да тырвыйё вежортаса (знаменательной) кадакыв-связкаяс. Вежортастём связкаыс – тайё **вөвны** кадакыв, сылөн эмось сөмын грамматика вежортасьяс, лексическойыс ставнас вошөма. Тайё кадакывыйыс овлө сөмын колян да локтан кадын: *Асылыс вөлі букыш да мисьтём. Бара ззырштөма* (Ульянов, 2001:26). *Тшыг вед и вөлі, асывсяныыс сөйлытём* (Напалков, 2000:94). *Мича, шондіа вөлі луныс, мазіяслөн да малямушьяслөн зыньгөмөн тырөма ыглаыс* (Напалков, 2000: 286). *Гожся войыс вөлі шоньид да югыд* (Напалков, 2000:257). Тайё кадакыв-связкаыс зэв ёна паськалөма, сйё паныдасьлө морта сёрникузяысын сказуемой пыдди мунысь уна пөлөс вежлөга эмакывьяскөд, нимвежтасьяскөд, лыдакывьяскөд, кывбердьяскөд, а сідзжө морттём сёрникузяысын безлично-предикативной кывьяскөд. Связкаяс пыддиыс вермөны мунны и абу тырвыйё лексической вежортаса кадакывьяс. Найё оз вермыны тырвыйё восьтны подлежащейыслысь качественсө, свойствосө, ашшөрасө оз вермыны артмөдны сказуемойсө, быть корёны тырвыйё вежортаса мөд кыв. Сказуемойыслысь медшөр вежортассө петкөдлө нима юкөныс, ачыс кадакывыйыс индө грамматика вежортасьяс вылө. Но татшөм кадакывьясыслөн кад, морт, лыд, наклонение грамматика вежортасьяс кындзыыс мыйтакө эм и вещественной содержаниеыс да сетө сказуемойыслы содтөд рөмьяс. Татшөм связкаяс лыдас пырөны **лоны, кольны, овлыны, висьтасыны, шусьыны, пөрны, пөртсьыны** да мукөд кадакыв: *Зумыш лоу Эгатеи, некодкөд оз сёрнит, некодкөд оз ёртась* (Тимин, 2000: 107). *Луныс мича лоу, төвру кокниа пуркйөдлыштө, парма уна ног варовитө* (Тимин, 2000:56). *Урайын ыджыднас колис сйёс* (Тимин, 2000:112). *Би Кабыр айка эськө и повйөн коли, но шыпуртөн дойдөмаось, да сйё кадсяныыс чотө, сера беддён ветлөдлө* (Тимин, 2000:10). *Думайтигад туйыд век кажитчө дженьыд-джык* (Рочев, 1984:376). Связкаяснас овлөны и тырвыйё вежортаса кадакывьяс, кодьяслөн сёрникузяяс пөшти ставнас кольё лексической вежортасыс. Найё петкөдлөны сказуемойыслысь грамматика вежортасьяссө, но налөн эм и лексической вежортасыс. Сказуемойыслысь вежортассө тырвыйё петкөдлём могысь татшөм кадакывьяс дорас содтөны нима кывьяс, буретш найё нуёны медшөр вежортассө, тырвыйё восьтөны подле-

жащойнас нимтём предметыслысь вежортассё. Кадакылыс пасйё действие, кодй торйён босьтём сёрникузяс оз вермы тырвуйё гогорвоодны предметсё, восьтны сылысь вежортассё, сы вёсна кадакывйыслысь вежортассё колё содтыны признакас, качествомас. Торъя сёрникузяс тёдчананас, колананас лоё буретш сйё свойствоыс, качествомыс, признакыс, кодёс пасйёма нима юкёнас. Асшөр вежортаса связакынас лоёны *мунны, ветлодлыны, локны, сувтны, уджавны* да с.в. кадакывъяс: *Гожём пом сүлаліс мича* (Изьюров, 1984:238). *Мича, тыдалё, пуксьё гожёмыс. Турунтё пуктыны* (Юшков, 2001. Т.1:240). *Луныс сүлаліс шоныд, жар* (Игнатов, 1963:72).

Нима сказуемойлөн предикативной юкёныс – тайё асшөр кывсикас, сылөн эм тырвуйё лексической вежортас, кутё сказуемойыслысь вещественной вежортассё. Сйё петкөдлө ловья либё ловтём предметлысь признаксё. Предикативной юкён пыддиыс вермёны мунны нимтан да уна сикас косвенной вежлөгэ эмакывъяс, нимтан да керанторъя вежлөгэ кывбердъяс да шөркывъяс, а сідзжё нимвежтасъяс да лыдакывъяс. Сказуемойлөн нима юкённас вермёны лоны торъя кывъяс и кывтэчасъяс. Кадакыв-связакыс да нима юкёныс артмөдоны сёрникузьялысь өтувья член, сылысь предикативной подувсё.

Сказуемой пыдди мунысь кывберд петкөдлө подлежащойыслысь качественной характеристикасё. М.Ю.Сидорова тёдчөдө: «предикативная позиция прилагательного подразумевает противопоставление (явное или скрытое), выделение характеризуемого объекта среди подобных или его классификацию именно по признаку, названному информативным прилагательным» (Золотова, Онипенко, Сидорова, 1998:89). Предикативной функция кывбердыс артмөдө адъективной сёрникузья. Татшём сёрникузьясылён өтувья вежортаснас лоё субъект да сылөн непроцессуальной признак (свойство либё качество) коста отношениеыс.

Сказуемойнас тшөкыда овлө быд пөлөс вежортаса качественной кывберд. Сйё вермё петкөдлыны предметлысь ыдждасё, пертассё, рөмсё, көрсё, температура признакъяссё, мортлысь либё ловья ловлысь арлыдсё, мортлысь пытшкөсса качествомассё, состояниесё да с.в.: *Тэ тшыг, на – сёй* (Тимин, 2000: 102). *Шондыс югыд, но вой төв со пөлтө* (Напалков, 2000:9). *Пёрысь нин тэ, Нинё тьот, мянөс, том йёзөс велөдны* (Жугыль, 2001:30). *Сёмын шуа – тэ зэв дыш, лодыралан* (Тимушев, 1986:49). *Мөдар берегыс лажмыд, тулыснад век ойдпывлө* (Напалков, 2000:35).

Эмакывъясысь, кадакывъясысь, урчитанъясысь артмём относительной кывбердъяс тшөтш босьтёны сказуемойлысь функциясё: *Деревняд весиг пемыд войыс синма и пеля* (Напалков, 2000:132). – *Ок, төварыш Виттор, ёна өд тэнё номъяс вильөдасны, - шуё Типрө. – «Мусер» вөлөкыд өд зэв номйось!* (Савин, 1985:45). *Матвей абу синтём, ачыс унатор аддзё* (Изьюров, 1984:223). *Крестьянской гөститөдбөмыд өд абу карса...* (Юхнин, 1981:170). *Туйыс төдса* (Юхнин, 1981:282). *Ильялөн синъясыс кунь-*

саось (Юхнин, 1981:190). *Шойччан лунъясь ме гортё кайлывла. Мам сэні, чой и вок, ставыс ас йёз. А ачыд тэ татчос?* (Напалков, 2000:297). Кадакывйысь да урчитанысь артмём кывбердъяс сказуемой функцияс паньдасьлёны шочджыка, а зэв тшөкыда тайё функциясь босьтоны эмакывйысь артмём кывбердъяс, торйөн нин **-а**, **-ось**, **-тём** суффикса адъективной кывъяс, и вежортасыс налён уна. **-А** суффикса кывбердъяс петкөдлёны, мый субъектыслён эм сказуемояс нимтём предметыс, эм сы динё отношение серти признакыс, төдчөдө асалём серти признак; **-ось** суффикса кывъясыс төдчөдөны, мый субъектыслён предметыс зэв уна, предмет дорас отношение серти признакыс лөсялө вывтё ёна, мый подлежащяс нимтём предметсө мыйёнкө вевттьёма, вевтыртёма; **-тём-** суффикса кывбердъяс төдчөдөны, мый субъектыслы признакыс оз лөсяв, мод предмет динас отношениеыс сылөн абу да с.в.: *Ен водзын ставён мыйкө мында грекаось* (Тимушев, 1986:82). *Эн бөрд, Марпа, тэныд оз позы. Со тай, бара на дзоньвидза, киа-кока... Ловья...* (Шахов, 1999:307). *Позьё самөвар пуктывны, ми чай-сакараось, - чуйдис Елизавета Павловна* (Шахов, 1999:357). *Батыс гөгрёс тошка, муртса төдчыштё арся ур гөн рёма ус* (Тимушев, 1986:11). *Васса казяліс: чужомыс Жоралён вирось* (Изьюров, 1984:133). *А вөрыс лөнь, лымйёсь, кокныдик төверуыс оз вермы пыркнитны пуяс-увьяс вылысь кызакодь өшйём өджыд мичсө (...)* (Торопов, 1988:32). *-О-о! Зэв тай сөстём кылан! Чери сьёмось на нырыд. Мыссы да вөлись тадзтө сёрнит* (Юшков, 1979:242). *Да и горттөмось на, би ни ва* (Юшков, 2001. Т.1:25). *Вөралан могөн, шуан, а понтём да?* (Юшков, 2001. Т.1:130). *Казялі, мый өдзөсыс игантём да пыри вежөсөдзыс* (Васютов 1978:3).

Сказуемой пыдди мунысь татшөм относительной кывбердъясыс артмөдөны зэв аслыссяма, коми кывлы лөсялана сёрникузяяс. Найё кутёны ыджыд юөртём (информация). Роч кывйын татшөм адъективной сёрникузясыслы тшөкыда лөсялөны кадакывъя сёрникузяяс, кодъясын сказуемойнас лоё морта кадакыв: *Ме ужина нин талун, Мелек* (Савин, 1985:94) «Я уже ужинал (букв. ужинный) сегодня, Мелех». *Нянь вылө локті вежласьны. Тані пө тай няняёсьджык йёзыс. А миян өд жеба зэв олөны* (Федоров, 1994 I:563) «Приехал (я) обмениваться на хлеб. Здесь, говорят, у людей есть больше хлеба (букв. хлебнее люди)». *Шуёны тай: зэв пө чериа тайё кыс* (Куратова, 1995:142) «Говорят вот: в этой реке, мол, очень много рыбы водится (букв. очень рыбная река)». Роч кывйын сказуемойнас тшөкыда лоёны эмлун вежортаса кадакывъяс, татшөм сёрникузясыслы лөсялөны кадакывъя бытийной сёрникузяяс: *Да и батяёсь кык вок* (Напалков, 1994:179) «Да и отец есть у двух братьев (букв. отцовские два брата)». *Позьё самөвар пуктывны, ми чай-сакараось, - чуйдис Елизавета Павловна* (Шахов, 1999:357) «Можно самовар поставить, у нас есть чай и сахар (букв. мы чайные-сахарные), - сказала Елизавета Павловна». *Ичөт сиктад быд пу, быд өшинь синма и пеля* (Напалков, 2000:19) «В маленьком селе каждое дерево, каждое окно имеет глаза и уши».

Сказуемой пыдди мунысь татшом сяма относительной кывберда сёрникузясыслы роч кывйын вермоны лосьявны и мукод полос тэчасьяс, шуам, кывбердсо поэмо вуджодны змакывьяслон предложно-падежной формаясон, относительной кывбердьясон жо: *Содйыс перилаа* (Жилина, 1998:32) «Лестница с перилами». *Сюыс шепана нин* (Жилина, 1998:35) «Хлеба уже в колосе». *Сылон чомйыс ошуна и вэс'* (Жилина, 1998:113) «Её домик (для детских игр) даже с окошком». *Наташа да Лида гын сапогабсь* (Куратова, 1995: 123) «Наташа и Лида в валенках». *Войыс тон кодзула* (Жилина, 1998: 15) «Ночь сегодня звездная».

Онйа коми кывйын сказуемойнаса зэв тшоқыда овлоны и рочысь босьтом кывбердьяса, пырджык дженьыд формаын: *Вадбож весьтти берегыс крут* (Напалков, 1994:11). *Витя прав* (Изьюров, 1984:201). А чужомыс *блед*, *кабала кодь* (Куратова, 1974:19). *Вот и корлы, коть талун. Ми вед коть кор радбсь Елизавета Павловналы* (Шахов, 1999:89). *Ме тикод согласен*, - *шуис Никифор Давидович* (Рочев, 1984:22). *Ме тэкод соглас*. *Ондреевич* (Шахов, 1999:421).

Колө пасйыны, мый роч кывсыс дженьыд формаа кывбердьясыс комиас пыромомсь важон нин. Найо паныдасьлоны Д.Фокош-Фукс. Утила текстьясын, И.А.Куратов гижодьясын, Калима кывворын: *Mul na te abl ves'el?* (F.-Fuchs, I:33). *Pizanjäs bldsen n'in qE:tov* (F.-Fuchs, I:81). *gis zei jona vE:li ud'ivl'on* (Uotila, II:50).

Онйа коми кывйын ёна паськалома роч кывйысь босьтом **рад** дженьыд формаа кывберд. Сказуемой пыдди мунигон сийо тодчодо субъектыслысь эмоциональной состояниесо: *И ме зэв рад, мый на пыдын тэнад батъюд да мамыд* (Изьюров, 1984:149). Но колө тодчодны, мый тайо кывбердыс паныдасьло оз сомын кык сюрөса члена сёрникузяын, но сийо вермо лоны предикатон и оти сюрөса члена морттом сёрникузяын, сы бердын субъектыс сулалө сетан вежлогын, "состояние" вежортасыс сето позянлун вуджны безлично-предикативной кывйю. Коми кывьяса **рад** кывйыслон бергаломыс паськало, роч кывьяса серти, грамматической подувсо артмоддо оз сомын кык сюрөса, но и оти сюрөса члена сёрникузялысь: - *Кутшом деревня тайо, "Пустынская"? – сидзи, - шуоны кодсюрө. – Но вот, - рад пои лётчиклы* (Савин 1985:38). *Поплы зэв рад, зэв любө* (ОКЗР, 1971:14). *Царлы рад лови, со по, локтис бокөвой морт да нылос висьомысь лечитис дай став царствоысь лечитө йозос* (Висер, 1986:170).

Коми кывйын ёна паськалома и рочысь босьтом **мастер** кывйон водитчом. Сийо кутө кык медшор вежортас: 1) тодчодо мортлысь профессия: *Сийо вөр пилитан заводын мастер; Ме мастер. Дерт ог отнам воч. Заводын мастерала* (Е.Рочев, 1998:17). *Вотчой, энö кольччой. Ылөкодь мунны ковмас, - тэрмодло мастер* (Куратова, 1995:13); 2) кывберд моз жө гогорвоодө предметсө, петкодло предметыслысь качествомсө, гогорвоодө субъектсө сылон кужомлун, способностьса сертиыс: *Кыдзко нин асьныд вай, нывьяс... Ти тай быдтор выло мастеровсь* (Изьюров, 1984:143). *Лым выло пуктылом чайник моз жө одйө и кодзалоны. лөгав-*

ны оз кужны. А кутшом мастерось, пимитö и маличатö быттьö вылы-
сад вурьштасны (Е. Рочев, 1998: 79). Збойось еджыд салдатъяс. мас-
терось удж вылö (Осипов, 1987: 288).

Медводдза вежортасас тайö кывйыс паныдасьлö кык сюрöса члена
сёрникузяын нима сказуемöй, подлежащöй, дополнение функцияын, а мöд
вежортасас – пырджык сказуемöй функцияын (*Тi тай быдтор вылö мас-
терось*), шоча – определение функцияын: *Öдйö тшуписны мастер му-
жикъясыд пывсян срубтö* (Напалков, 2000: 64). *А век жö окота тöдны,
воис эз сёлöм выпад заказыд... медся мастер мортыс вöчис* (Рочев,
1984: 56).

Сказуемöй пыдди мунысь кывбердыс вермас лоны и соссяна форма-
ын. Сэки сийö тöдчöдö, мый предметыслы, мортыслы, ловъя лолыслы кыв-
берднас петкөдлöм признакыс збыльвывса олöмас оз лöсяв. Соссяна вежор-
тас вылас индö **абу** соссяна кывтор, соссяна вежортассö сiдз жö кутöны **-и**
-тöм суффикса относительнöй кывбердъяс: *Найö туй писькөдöны. А туй-
ыс абу кокныид, абу дженьыд* (Игнатов, 1963: 97). *Абу варов бөрья луньяс-
нас и Анна Андреевна* (Изьюров, 1984: 40). *Шорыс эськө абу и ыджыд.*
Ваыс визувтö этша (Сажин, 1981: 60). *А ёна жö нин мичаöсь тани пожö-
мьясыс. Лöз энэжсö пыкöны вылын юрнаныс и пöшти кузялаыс увтöмöсь*
(Торопов, 1988: 205). *Пачтэм на (керка), джоджйэма жэ нин тай-а* (Сорва-
чёва, 1966: 126). *Абу* кывторйыс йитчö и рочысь пырöм кывбердъяс дорö:
tui -nE te abl ves'el (F. Fuchs I: 33). *Тэ век жö абу прав* (Изьюров, 1984: 36).
Сёрвно ме абу сöглас (Шахов, 1999: 425). *Марпа аддзис, мый верöсыс ас*
вылас абу рад да водзö эз мöд юасыны (Юхнин, 1981: 41). Сöмын **рад** кыв-
бердөн петкөдлöм состояние вежортассö соссьöм могысь корсюрö паны-
дасьлö **не** соссяна кывтор: *Аснам ачым н'э рад* (Жилина 1998: 102). *Ачыс,
колöкө, бöрас не рад лои* (Юшков, 1975: 15). Перым коми кывйын кывбер-
дыслысь соссяна вежортассö петкөдлöм могысь зэв ёна паськалöма не
кывторйыс. Сэни сийö паныдасьлö и ас коми, и рочысь пырöм кывбердъ-
яскöд: *Сьöмö менам не чорыт* (Ермаков, 1992: 32). *Тиминаын и сэтöн*
отирыс не öткодьöсь (Федосеев, 1991: 87). *Ния не виноватöсь, - видзис*
ответ Няшин (Климов 1963: 69). Перым коми кывъяс **абу** кывторйыс па-
ныдасьлö зэв нин шоча, сийöс пыр ёнджыка вештö не кывторйыс, художе-
ства гижöдъясысь шоча нин позьö паныдавны **абу** кывторсö: *Тэ мянысь*
эн пов, ми отирыс абу кыз кылаöсь (Федосеев 1991: 104).

Коми кывйын определение пыдди мунысь кывберд некыдз оз вежлась,
сюрöса кывйыскöд оз ладмöдчы, а примыкайтö сы дорö, но кор кывбер-
дыс сёрникузяын босьтö сказуемöйлысь функциясö, сийö вежласьö лыд
серти, подлежащöйыскöд координируйтчö лыдын. Подлежащöйыс кö öтка
лыдын, то и кывберд-предикатыс öтка лыдын: *Сиктыс выль, и олöмыс*
выль (Изьюров, 1984: 221). *Керкаыс абу ыджыд* (Ульянов, 2001: 61). *Ёридз*
ю абу джуджыд, сöмын зэв визув (Тимин, 2000: 77). Подлежащöйыс кö уна
лыдын, то и предикативнöй кывбердыс босьтö уна лыда **-öсь** суффикс:
Асывъясыс пöньöсь, ыркыдöсь (Коданёв, 2001: 19) *Курья дорын видзья-*

сыс медся шыльыдось да паськыдось (Коданёв, 2001: 29). Лун-мод нин таті абу зэрлөма, туйбокса гуранъясыс косось (Напалков, 2000: 227). Сулалө Тикө да видзодө чөсмасьыс челядьыс вылө. Найö айтөмось, и сійö, Тикö, айтөм (Тимин, 2000: 246). Помтөмось да шуштөмось парма-ын арся войяс (Юхнин, 1981: 113).

Сказуемöй пыдди мунысь кывбердыс уна лыда -ось суффиксö босьтö и сэк, кор подлежащöйсö петкөдлөма кыка (парнöй), öтвывтан эмакывъясөн (мам-бать, челядь, рөдвуж, йöз, войтыр да с.в.): Йöзыс шаньось и вежавидзысьось и (Напалков, 2000: 55). Дерт, лөсьыд налы, кодъясплөн бать-мамныс озырось (Изьюров 1984: 112). Ок, мудерось öд йöзыд! (Сажин 1981: 11).

-Öсь суффиксö босьтöны и сказуемöй пыдди мунысь рочысь пырöм кывбердьяс: Ок, грекаось ми ставным, зэв грекаось (Федоров, 1979: 69). Надялөн мугём синьясыс радось (Изьюров, 1975: 118). Ставныс, төдöмысь, радось (Изьюров, 1984: 169).

Коми кывйын -ось суффиксыс – тайö зэв аслыссяма предикативнöй суффикс. Сійö паныдасьлө сказуемöй пыдди мунысь уна пөлөс кывсикаскөд: эмакывъяскөд, нимвежтасьяскөд, öтувтана лыдакывъяскөд, урчитаньяскөд, кывторьяскөд. Уна лыда -ось суффиксыс та дырйи оз инды уна предмет, уна ин, уна морт, уна абутөм да с.в. вылө, кодъясöс петкөдлөны эмакывъясыс, урчитаньясыс, кывторйыс, а сійö координируйтö сказуемöйсö подлежащöйыскөд лыдын: Керкаясныс орччөнось (Изьюров 1984:299). Нывьяс танось нин (Куратова, 1974:123). Ачыс школаын, учительницаавны бөр пөндис, челядьыс яслиынось, сёр рытнас вобны (Куратова 1974:14). Микол дедös зськө и корöны жö, но сійö оз мун. Менам пö вужьясöй татөнось (Васютков 1978:86). И со медбöрын найö гортасось (Куратова, 1995:88). Да öд найö öнi вöрынось (Тимушев, 1986:14). Найö карас кыкөнось. Гашкө, сёрнитчөмөн мунисны öтлаын (Изьюров 1984:299). Öнi купечьясыд абуось (Жугыль, 2001:49). А ми витөнось, -ышловзис зонка (Юшков, 1988:51). Номъяс абуось. Шондi лэччөм бöрын петöны найö (Юшков, 2001:54). Кузьма Илья гозья бара абуось (Безносков, 1964:70).

Уна лыда тайö предикативнöй суффиксыс эм и матыс рөдвуж кывьясын (перым коми кывйын -ось, удмурт кывйын -эсь / -есь). Тайö кывьясас -ось, -эсь суффиксыс сiдзжö координируйтö сказуемöйсö подлежащöйыскөд лыдын: Тöвся луннэс дженытось да кымöраось, гажтөмось (Федосеев, 1991:4). Мыдзось инькаэс (Федосеев, 1991:90). Луннэс гажаось (Федосеев 1991:124). Магазинлөн укноосыз бадзымесь "Лавка öшиньясыс ыджыдось" (ГСУЯ, 1962:128).

Сказуемöй пыдди мунысь кывбердьясыс лыдас подлежащöйыскөд координируйтчöны и мукöд рөдвуж кывйын, а мордва кывйын предикативнöй кывбердьясыс вермöны босьтны нöшта и сказуемость суффикс, кодi индö морт вылө: мон одан "ме том (морт)", тон одат "тэ том (морт)", оцюван / покшан "ме ыджыд", оцюват / покшат "тэ ыджыд", оцю / поки

"сійо ыджыд", *оцюфтама / покштанок "ми ыджыдось"*, *оцюфтада / покштадо "ті ыджыдось"*, *оцюфт / покшт "найо ыджыдось"* (Феоктистов, 1975: 336). Но мордва кывйын сказуемой пыдди мунысь относительной кывбердясыс о́ня кад формаын оз вежласьны лыд сертиыс (*кудсь шуфтонь / кудось чувтонь "керкаыс пуысь"*, *куттне шуфтонь / кудотне чувтонь "керкаысыс пуысь"*), коть колян кадас найо качественной кывбердяс мозыс жо босьтоны сказуемость суффикссы: *кудсь шуфтон-ель / кудось чувтон-ель "керкаыс вөлі пуысь"*, *куттне шуфтон-ельхть / кудотне чувтон-ельхть "керкаысыс вөліны пуысь"* (Феоктистов, 1975: 336).

О́ня кад формаын кывбердыс сказуемойсо коми кывйын артмодо ашора, некутшом кадакыв-связкакод йитчтыог. Связкаыслон абутомыс и индө о́ня кад вылас. Сказуемойыс артмө сомын кывбердсыыс; та дырйи кывбердыс, качественнойыс и относительнойыс, вермас лоны сомын нимтан вежлөг формаын. Татшом сказуемойыс тодчөдо сэтшөм признак, код лөсялө субъектыслы сёрнитигас либө индө предметыслы пыр лөсялана, дыр кад чөж лөсялана, кад тодчөдтөм, урчиттөм признак выло: *Ывлаыс лемыд да лөнь* (Фёдоров, 1979:231). *Керка о́шиньяс битомось жө* (Федоров, 1994 I:762). *Правда ставсыс дона. И ми сійос корсям* (Тимушев 1986:56). *Синьясыс сьөдось, посниось* (Торопов, 1982:51). *И ягьясыс ва чөжсянінад сэтшөм мичаось, нюрьяс гөгөрыс да юяс-шорьяс пөлоньыс ставыс сись кодь пожом коркө сулавліс* (Торопов, 1982:93). *Местаясыс тані со васөдось – гөгөр нюрьяс* (Игнатов, 1963: 74). *Сус кольяс гырысьось, сьөкыдось* (Изьюров, 1980:180). *Ачыд кө бур. и йөзыс бурось* (Жилина 1975:142).

Предикативной кывберднас петкөдлөм признакыслысь предметыслы пыр, дыр кад чөж лөсялөмсо вермөны тодчөдны обстоятельствоысыс. Сёрникузяс вермасны лоны **пыр, век, пырджык** да с.в. урчитаньясон петкөдлөм обстоятельствоыс: *Ме век көсья юавны Митрейлысь, мыйла сійо пыр зумыш, да пола* (Жугыль 2001:130). *Пышъян черийд век ыджыд* (Сахарова, 1976:144). – *Мый ті көсьянный, медым Хватовөс эз мыжавны? Хватов пыр мыжа!* (Куратова, 1995:45). – *Ачыд ещө швеч-Петырөн нимтысян, а азям соскыд пыр дөмаса, - серамө бергөдіс Габө выльөн бөрийөм гөлөваос* (Тимушев, 1986:57).

Нимтан вежлөга предикативной кывбердыс вермө петкөдлыны предметыслысь абу пыр лөсялана, корсюрө овлана, случайной признак. Та выло бара жө индөны сёрникузяс када обстоятельствоысыс, но оз ачыс кывбердыс: *Ой, кутшөм ме шуда талун* (Напалков, 2000:157). *Его сиятельство граф Павел Дмитриевич Киселев талун асывсянныс скөр* (Тимушев, 1986:8). *Войяс о́ні югыдось. Позьө переменаон пыжад и узыштны, а Эжва-матушкаыд кылөдас, сомын бөжав* (Тимушев, 1986:68). *Полиция! Ачыс Левицкий ыджыдныс пыдди! Сэтшөм скөр да лөк талун!* (Федоров, 1982:336). Тайо сёрникузясас када обстоятельствоысыс тодчөдоны, мый субъектыслы сказуемойс сетөм признакыс лөсялө оз пыр, а сомын торья, сетөм кадколастас: ме шуда сомын талун, а абу пыр; Ки-

сеяев скөр сөмын талун, а абу пыр, мёд кадө сылы тайө признакыс оз нин лясяв; войясыс югыдөсь абу пыр, а сөмын торийөн босьтөм кадқоластө, сөмын өні.

Өнія кад формаын эм связкаыс паныдасьлө шоча, сийө медсясө овлө тырвийө тождествоа сёрникузяясын, кор подлежащөйсө да сказуемөй-ыслысь нима юкөнсө петкөдлөма нимтан вежлөга өти и сийө жө эмакывиён; сэтшөм сказуемөйыс төдчөдө подлежащөйыслысь пыр лөсялана свойство: *Уджыд - удж и эм. Мойдыд - мойд и эм. Мамыд - мам и эм.* Подлежащөйыслөн кө эм определение, то сийөс мөдысь шуөма и сказуемөй дорас: *Арся ззырд – арся зэр и эм.* Адъективной сёрникузяясын, кор сказуемөйнас лөө нимтан вежлөга кывберд, өнія кад формаа эм связкаыс корсюрө паныдасьлө жө, но вывтө шоча. Сийө вынсьөдө, эскөдө кывберднас нимтөм признакө, паныдасьлө пырдзык и кывторкөд йитөдын: - *А мыйла Сар-нюр, Егорушко? – Көд төдас. Висьталөны, ачыс пө царыс коркө татө мунөма да вөравны кайлөма. Дерт, сөрөм тайө. Но озыр и эм нюрыс, царскөй и эм* (Васютөв, 1978:37). *Ме видлө (йөра яй) да өна и чуйми: збыль өд, чөскыд и эм, и сэтшөм небыда сылө вомад, быттьө абу яй, а вый и бура пөткөдө, и горштө ыркөдө* (Торопов 1988:55).

Уна мукөд рөдвуж кывиын өнія кад формаа нима сказуемөяс связкаыс оз жө паныдасьлы. Удмурт кывиын вал кадакывиыс өнія кадас оз жө паныдасьлы (Поздеев, 1978:43). Мари кывиын кадакыв-связкаыс оз овлы 3-өд мортын өнія кадын (Коведяева, 1976:91). Связкатөм нима сказуемөйыс овлө венгр кывиын; сэтшөм сказуемөйсө К.Е.Майтинская шуө прөстөйөн (Майтинская, 1960:139). П.Ринтала төдчөдө, мый связкатөм нима сказуемөйыс вөлөма подув кывиын, сийө бура кольөма венгр кывиын, а Балтика бердса фин кывьясын өнія кад формаас связкаыс артмөма-сөвмөма германскөй кывьяс төдчөм улын (Rintala, 1976:43). Й.Балашша сіджө пасйө, мый венгр кывиын татшөм сямә сёрникузяясын, кызд *A hegy magas* “Чойыс джуджыд”, *Varaton orvos* “Өртөй врач”, связкаыслөн абутөмыс оз юөрт сылөн усьөм йылысь, а төдчөдө, мый связкатөм нима сказуемөйясыс артмөдлөмаөсь венгр кывлысь аслыспөлөслунсө, мый тайө кывьяс сказуемөйнас кадакыв кындзиыс вермас лоны и нима кыв (Балашша, 1951:305). К.Е.Майтинская төдчөдө, мый нима сёрникузяясын связкаыс тшөкыда оз овлы: *a ház nagy* “керкаыс ыджыд” (Майтинская, 1976:405). Связкатөм нима сказуемөйясыс өнія кадөдз кольөмаөсь карел кыв сёрнисикасьясын, көть зськө и Балтика бердса өнія фин кывьясын нима кывсикасьясыс сказуемөйсө артмөдөны кадакыв-связкакөд йитчөмөн. Карельскөй сёрнисикасьясын өнія кад формаас связкатөгыс сказуемөйсө вермө артмөдны и нимтан вежлөга кывберд: *hiemat kaidazel* “соскыс векни”, *tukad muššat* “юрсиыс сьөд”, *šuoт šuouret* “нюрьясыс ыджыдөсь” (Федотова, 1990:23). Позьө чайтны, мый коми кывиын сэтшөм сямә сёрникузяяс, кызд *Юыс сөстөм; Төлыс көдзыд; Войыс пемыд; Няныыс небыд; Луньясыс шоныдөсь*, сіджө артмөдөны коми сёрникузяяслысь важся сикас. Өнія кад формаас кадакыв-связкаыс абу усьөма, а сийө

абу и вöвлöма, нима кывъясыс, тшöтш и кывберд, сказуемöйсö артмöд-лöмаöсь асшöра, кадакыв-связкатöд. Татшöм сказуемöйясыс лöсявлö-маöсь подув кывлы, артмöдлöмаöсь фин-угор подув кыв синтаксислысь аслыспöлöслунсö, кодi бура кольöма öткымын öнiя фин-угор кывйын, тшöтш и комиын. Балтика бердса фин кывъясын предикативнöй функция кывберд бердын кадакыв-связкаыс быть колана: фин. *Kukat ovat punaiset* "Дзоридзъясыс гöрдöсь"; *Talot ovat isot* "Керкаясыс ыджыдöсь". Сэни подлежащöйыскöд лыдас координируйтчö кадакыв-связкаыс и предикативнöй кывбердыс.

Коми кывйын нимтан вежлöга кывбердыс сказуемöйсö вермö артмöд-ны и кадакыв-связкаяскöд йитöдын. Сэки кывбердыс петкöдлö сказуемöйыслысь лексической вежортассö, а связкаыс – став грамматическойсö. Связкаясыслы лöсялö кад категория, сiйö тöдчöдö, мый кывберднас нимтöм признакыс субъектыслы лöсялö торъя кадколастö, сёрнитiгас, сёрниöдзыс либö сёрни бöрас. Кывберд дорас связкасö бöрийöмыс йитчö-ма сёрникузя семантической тэчасыскöд. Нимтан вежлöга кывберд вермö паныдасьлыны уна сикас связкакöд йитöдын. **Вöвны, лоны** кадакыв-связ-каяс индöны признакыслөн эмлун вылас либö артмöм-сöвмöм вылас. Коми кывйын тайö медся тшöкыда паныдасьлысь, медся важ связкаяс. **Вöвны** кадакылыс öнiя кадöдз воöма подувкывсянь на, сылы лöсялысь кадакыв-ясыс эмöсь рöдвуж кывъясын: перым коми кывйын – **вöвны**, удмурт кывй-ын – **вал**, венгр – **volt**, фин кывйын – **olla** (КЭСК 1970:67). **Лоны** кадакы-лыс зэв жö важ, сылы лöсялысь кывъясыс эмöсь мукöд фин-угор кывъя-сын: удмурт кывйын – **луыны**, мари – **лияш**, венгр кывйын **lev-**. Тайö кыв-ясас найö сiдзжö паныдасьлöны нима сказуемöйлөн связка функцияын.

Öнiя коми кывйын **вöвны** кадакыв-связкаыс составнöй нима сказу-емöйсö артмöдö быдсикас вежортаса кывбердкöд, качественнöй и отно-сительнöй, субъектнас сы дырйи вермас лоны морт, ловъя лов, ловтöм предмет: *Кольöм гожöмыс миян лөк да кöдзыд вöли* (Федоров, 1982:8). *Асылыс вöли мича да гажа* (Жугыль, 1986:77). *Ывлаыс пемыд на вöли* (Фе-доров 1979:282). *Сыктыв ю вöли лöнь да дэбыд* (Напалков, 2000:277). *Африканлөн бать-мамыс зэв шаньöсь да няня-солаöсь вöлины* (Напал-ков, 2000:221). *Митрей вöли долыд* (Васютов, 1978:87). *Но мортыс вöлöма винёв да ён да вывтiсö оз и шогав, вурсьö лун и вой* (Торопов, 1988:64). *Мича, шондiа вöли* луныс, *мазияслөн да малямущьяслөн зиньгöмөн тырö-ма ывлаыс* (Напалков, 2000:286). *Ок и турунаöсь вöвпины Эжа пöлönса ойдлана видзьясыд* (Напалков, 2000:156). *Гожöмыс вöли вотöса* (Торо-пов, 1988:84). *Асылыс вöли букыш да мисьтöм. Бара зэрыштöма* (Улья-нов, 2001:26).

Вöвны кадакыв-связкаыскöд вермöны йитчыны и рочысь пырöм дже-нынид формаа кывбердъяс: *Степан, тöдöмысь, вöли рад* (Юхнин, 1981:170). *Крут сiйö вöли, сы дiнын оiгöн Марпалы уна синва ковмылис кисьтыны* (Юхнин, 1981:61). *Марпа вöли дөвöлен пьяннас да помся сёрнитiс-ласкөвитiс* (Юхнин, 1981:134).

Предикативной кывбердыс тшөкыда иитчө **вөвны** кадакыв динас и перым коми кывйын, сэни тайö кадакылыс сідзжө ёна паськалөма: Лун вөлі мича (Климов, 1963:75). Вежөртіс? Сідзкө, отирыс пөтөсь вөлісө (Федосеев, 1991:93). Мый баитны. Анята вөлі басөк (Ермаков, 1992:8). Тулысса рытыс вөлі мича, гажа (Шадрин, 1974:82). Связка пыдди мунысь вөвны кадакыв вермас лоны и мөд колян кад формаын: Тыыс коркө вөлөма югыд да сөдз, пырыс тыдалана, но ачыс кадыс вежис ваыслысь рөмсө – пемыдгөрд лоис (Напалков, 2000:60). Видзөдөмпыръяысь, тьощаыс том дырйиыс вөвлөма Катерина кодь жө мичаник (Напалков, 2000:287).

Удмурт гижөд кывйын да сёрнисикасьясас нимтан вежлөга предикативной кывбердыс сідзжө паныдасьлө **вал, вылэм** кадакыв-связкаяскөд йитөдын: Кылем гужем туж пөсь вал (Перевозииков, 1956:1344). Вуыс кзыыт вылэм "Ваыс көдзыд вөлөма" (Кельмаков, 1990:136).

Лоны кадакыв төдчөдө предмет качествоыслысь, свойствоыслысь, признакыслысь лөомсө, артмөмсө. Тайö связкаыслөн кывбердьяыскөд йитөдьясыс паськыдөсь жө, йитчө пөшти став качественной да уна сикас вежөртаса относительной кывбердкөд, но **вөвны** связка серти тайö кадакылыслөн йитөдьясыс векныдджыкөсь, шум, тайö кадакыв динас оз йитчыны кадакывйысь артмөм **-са** суффикса кывбердьяс (куньса, пөдса, восьса да с.в.), урчитанысь артмөм кывбердьяс (татчөс, сэтчөс, төрытья, талунья да с.в.).

Колян када лоны кадакыв-связкаыс петкөдлө, мый предметыслөн признакыс артмөма сёрниөдзыс: Анушлөн синъясыс бөр поины вильышөсь (Рочев, 1984:458). Луныс мича лои, төвру кокниа ыркйөдлыштө, парма уна ног варовитө (Тимин, 2000:56). Зумыш лои Эгатеи, некодкөд оз сёрнит, некодкөд оз ёртась (Тимин, 2000:107). Воис ар. Лунъясыс поины зумышөсь, вель тшөкыда зрмывліс (Коданёв, 2001:65). Пуксис нин ноябрь. Гораджык лоис ывлаыс (Коданёв, 2001:55). Во лои вотөса, тшака (Изьюров 1975:75). Сёрни налөн лои ыджыд (Изьюров, 1984:46). Вольной светыс лои муштөм (Изьюров, 1984:237).

Тайö кадакыв-связкаыс вермас лоны и мөд колян кад формаын: Сөмын здук мысти Миш казяліс: төрытья серти ывла вылыс дзикөдз вежсьөма. Югдыштөма быдөн, лөома сөстөм да мича (Ульянов, 2001:75). Но төдса пожөм важ моз тшапа сулаліс аслас местаын. Лөома ещө на кызджык да джуджыдджык, сөмын өткымын вожъяс чегъясьөмаөсь (Коданёв, 2001:32).

Лоны кадакыв локтан кад формаын петкөдлө, мый предметыслы сетөм признакыс, качествоыс кутас лөсявны сёрни бөрас: Бритча. Талун жө и бритча. Аски митинг вылад томджык нин лөа (Шахов, 1999:373). Кузь да гажтөм лөо рытыс Людалы (Напалков, 2000:63). Ещө өтчыд аттьө. Кирилөвич. Но тэ и сідз нин вөчин мянлы бурсө сымда, мый кувтөдз уджйөзайөсь лөам (Тимушев, 1986:124).

Тшөкыда предметыслон колана признак, свойство, качество артмом могсыис колоны торъя условияс, торъя подувъяс. И контекстас тайо условиясыс вермасны лоны юбртөмадсь. Тайо условиясө вермас лоны висьталөма татшөм вежөртаса придаточной юкөнын, кодй пырджык муно сюрөса предикативной подув водзас, көни нима сказуемойнас лоо кывбердыс: *Яслын кө мамыд кутас уджавны – пөт лоо* (Федоров, 1979:241). *Йөлдөкэя луннас кө пл'ушшитас, джен'ыд ловө тулысыс* (Колегова, Бараксанов, 1980:213). Признак артмомыслон подувнас овлывлө збыль-вывса кутшөмкө лоөмтор; сийөс висьталөма водзынджык сулалысь сёрникузяс. Предметыслон сетөм признакыс артмө тайо лоөмтор бөрас: *Пуксис нин ноябрь. Гораджык лоис ывлаыс* (Коданёв, 2001:55). *Помасис март. Луньясыс лоины ёна нин кузьёсь* (Коданёв, 2001:8). *Воис ар. Луньясыс лоины зумышөсь, вель тшөкыда зэрпывліс* (Коданёв, 2001:65).

Лоны кадакылыс связка пыддыис вермө мунны и тшөктана наклонение форманы; сэки сийө петкөдлө сёрнитысьыслысь корөмсө, тшөктөмсө, көсийөмсө, мед зськө вомъёртыслон лои кывбердас нимтөм признакыс. Субъектнас татшөм сказуемой дырйиыс лоо морт: *Лоо шудаөсь, донаяс, ставныд, ог кө волы гортө* (Изьюров, 1975:50). *Дас вит час кеплө поий дасьёсь!* (Парначев, 1999 №10:9).

Сы вылө, мый сёрнитысьыс көсийө, мед предметыслон признакыс артмис, вермөны индыны **мед, медтыкө, медтө** кывторъяс. Сказуемойыс артмө кывторсыс, изьявительной наклонениеа лоны кадакыв-связкаысь да кывбердысь: *Мед көзяиныс пыр лоас няня да сола* (Тимушев, 1986:41). *Меткө тиян ставыс бур лоо* (Сорвачева, Безносикова, 1990:97).

Перым коми кывйын нимтан вежлөга кывбердыс тшөтш йитчө **лоны** связка дорас: *Небоыс лоис сөдз* (Баталов, 1974:207). *Ульяныс рад лоис, что Гаврилыс гортаныс* (Федосеев, 1991:179). *Погоддя лоис невна шоньтжык* (Лихачёв, 1974:20).

Тайо кадакыв-связкаыс эм и өния удмурт кывйын (луыны), сы дорө тшөтш йитчөны кывбердъяс: *Та воргоронъёслэн мешоксыс сөкыт луэм* (ГСУЯ, 1970:105) "Тайо мужичөйясыслон мешөкъясыс сьөкыдөсь лоөмадсь".

Шуанног сертиыс удмурт кыв дорө тайо связкаыс зэв матын лунвыв коми сёрнисикасьясын, луза-летка сёрнисикасын о гласной шы пыддыис сідзжө шуоны у: *Керканыд бара жар луө* (Жилина, 1985:43). *Свад'буйтим йона буга вэс'көнө, да оломыс омөл'луви* (Жилина, 1985:110).

Нимтан вежлөга кывберд сказуемойсө вермө артмөдны и **овлыны** кадакыв-связкакөд йитчигөн. Тайо связкаыскөд кывбердыс йитчө сэк, кор колө төдчөдны, мый предметыслы признакыс, качествоыс, свойствоыс лөсялө оз пыр, а сөмын кутшөмкө торъя кадколастө, оз дыр, кутшөмкө торъя условиясө: *Ми төдам: усьлө нэмнад уна шог, И овлам быдөн зумышөсь и норөсь* (Юшков, 2001:638). *Өд ми, вөркөд топыда йитчөм коми войтыр, кор ковмас, асныраөсь да асруаөсь жө овлам* (Торопов, 1988:202). Кад вылас, кор лоө лөсяланаөн предметыслы признакыс, сёрникузяс

вермё индыны када обстоятельство: *июль помланын көтө и войясыд абу на ёна кузьось. но пемыдось, торйон нин кор пыдөстөм небесасө тупкасны кыз кымөръяс. Татшөм войясө чери овлө рам* (Тимушев, 1986:91). *Кор эжтас дорө быгыльтас пось шондї да сылөн югөръясыс колясны сөмын вөр пуяс йылын, сэк лөсьыд овлө вөрсә рыт* (Юхнин, 1983:41).

Предмет признакыслөн кольөм вылө, вежсьытөм вылас индө **кольны** кадакыв-связка, сы дорө сідзжө вермё йитчыны нимтан вежлөгә кывберд да артмөдны өтүвъя сказуемөй: *Ме куим во германскөй пленын вөлі да ловья коли* (Шахов, 1999:282). *Воалышталісны и Изъядорысь, и Керөсьысь, и Шушуньысь, и Гораягысь мирөвөй войनावывса салдатъяс, кодъяс ловья колисны да вермисны бөр локны аспаныс муса гөтыръясныс, дона бать-мамъясныс да челядьныс дорө* (Шахов, 1999:182). ...*ставөн колисны дөвөленось* (Юхнин, 1981:316). Татшөм сказуемөй дорас субъектнас пырджык овлө морт, ловья лов. Зэв тшөкыда **кольны** кадакыв-связка дорас йитчөны **-ан, -ана** суффикса адъективной кывъяс, найө вермөны лоны сөмын нимтан вежлөгын: *Шердынова лөвтан коли* (Безносиков, 1964:49). *Кыв джын эз шу Семө. Баба коли джодж шөрас сүлалан, и повзөм вөлі сійө чужөмын* (Осипов, 1987:283).

Перым коми кывйын тайө вежөртаса связкаыслы лөсялө **кольччыны** кадакыв: *Не каждой бертө атакасыс бөр, не каждой кольччө повья* (Минин, 1974:119). *Першин Иван зна кыввезөн кольччис өддөбн довольной* (Минин, 1974:123).

Сказуемөй пыдди мунысь нимтан вежлөгә кывбердыс вермөйитчыны и рочысь босьтөм **кажитчыны** кадакыв-связкакод. Татшөм сказуемөйыс петкөдлө предметыслысь, мортыслысь, ловья лолыслысь оз збыльывывса признак, качество, свойство, а сэтшөмнас сөмын кажитчысь, и та вылө збыльывылас эмось кутшөмкө помкаяс, подувъяс, торъя условиеяс. обстоятельствояс, кодъясөс пырджык вайөдоны сёрникузяс, контекстас: *Тэкөд сёрнитигөн и олөмыс мөдкодьджык кажитчө меным* (Федоров, 1979:136). *Кор пө тай мыйкө ёна виччысян, торйон нин кузь кажитчө кадыс* (Федоров, 1982:331). *Войся лөнь вөрад торъя горабсь кажитчисны лыйөм шыясыс* (Рочев, 1984:413). *Первойысьтө төдтөм местаясад гажтөмкодь. И туйыс кузь кажитчө* (Куратова, 1995:22). *Сійө эз нин лубуйтчы вөрнас, эз нин чатрась боквыв, өні пуясыс вөрас ставыс кажитчисны өткодьось, урөсось, шуштөмось* (Игнатов, 1963:30). *Думайтигад туйыд век кажитчө дженьыдджык* (Рочев, 1984:370).

Кажитчыны кадакыв-связкаыскөд өтүвъя сказуемөйсө медсясө артмөдоны качественной кывбердъяс, относительной кывбердъясысь тайө кадакылыскөд сказуемөйыслысь нима юкөнсө артмөдны вермөны кадакывъясысь **-са** суффиксөн артмөм кывбердъяс, кодъяс төдчөдоны предметыслысь признаксө состояние серти: *гөлөсыс төдсакодь кажитчис. өдзөсыс кажитчис пөдса, но восьса вөлөма.*

Связка пьдди мунысь **кажитчыны** кадакывнас вөдитчөны и перым коми кывйын: *Пуксьы. Туйыс дженытжык кажитчас* (Баталов, 1974:248).

Роч кывйын татшөм сказуемöйыслы лөсялө нима сказуемöй, кодлысь предикативной юкөнсö петкөдлöма творительной вежлöга кывбердөн. Сэни **кажитчыны** кадакылыс корö творительной вежлөгсö, сы дорын оз вермы лоны нимтан вежлöга форма.

Нима сказуемöйлөн предикативной юкөн пьдди мунысь нимтан вежлöга кывберд корскорö вермö йитчыны и **шусьыны, висьтасьны** кадакыв-связкакöд; найö индöны сы вылö, мый кывберднас нимтöм признаксö субъектыс ачыс босьтö, ачыс аслыс сетö: *Мун, мун Парчаас, он кут каитчыны. Дерт эськö, карса тай шусян да* (Куратова, 1995:140). *Тэ эськö бур вис'тас'ан, но тэ н'экодлы он коо* (Жилина, 1998:110).

Кывбердьясыс öтувья сказуемöйсö корскорö артмөдöны и **пукавны, пуксьыны, сулавны, сувтны** тырвийö вежөртаса кадакывьясыс. Тайö кадакывьясыс торья контекстын воштöны асьыныс вежөртассö да босьтöны эмлун (бытие, существование) вежөртас, петкөдлöны, мый предметислөн эм, вöли, лöö збыльвылас тайö признакыс. Сказуемöйыслысь медшөр вежөртассö кывбердыс петкөдлö. Татшөм сказуемöя сёрникузясын подлежащöйнас пьрджык лöоны вогögöрся кад колас, суткылысь юкөнъяс, вөр-ваын лöөмторьяс петкөдлысь змакывьяс: *Поводдяыс сулалис мича, гөгөр оналис жарөн* (Коданёв, 2001: 30). *Войыс сулалис лöнь, кöдзыд* (Рочев, 1984:460). *Луныс сулалис шоньид, жар* (Игнатов, 1963:72). *Мича и сулалис луныс* (Юшков, 2001 I:286). *Гожöм пом сулалис мича* (Изьюров, 1984:238). *Луньясыс пукалисны мичаöсь* (Изьюров, 1984:222). *И поводдяыс пуксис мича: луннас вуджөр сайын вый сылö* (Тимушев, 1986:80). *Мича, тыдалö, пуксьö гожöмыс. Турунтö пуктыны* (Юшков, 2001 I:240).

Сёрникузяын, кодьясын субъектнас лöö ловья предмет, пьрджык – морт, тайö жö кадакывьясыс вермöны лоны ашшөр сказуемöйсөн, кывбердтöгыс, сэки найö петкөдлöны субъектыслысь пространствойн положениесö, состояниесö: *Öшинь дорын пукалисны пöчьяс да варовитисны. Керка дорын сулалисны нывьяс да гораа сералисны.*

Öния коми да перым коми гижöд кывьясын да сёрнисикасьясас нима сказуемöйлөн предикативной юкөн пьдди мунысь кывбердыс вермас лоны и **керанторья вежлöгын**. Колö чайтны, мый тайö формаыс сөвмис сёрöнджык, важ, подув тэчасьясас паныдасьлöмаöсь нимтан вежлöга кывбердьяс. Кывбердыслөн керанторья вежлөгыс сөвмö, буракö, роч кыв тöдчөм улын. Коми кывьяс, тыдалö, медводз вöли босьтöма роч кывсьыс **кажитчыны** кадакыв-связкасö, сы вöсна мый комиас татшөм вежөртасыс абу. Роч кывйын **казаться** кадакывйыс быть корö творительной вежлөг. Коми кывьяс тайö кадакылыскöд тшöтш пьрис и кадакывбердса юкөныслөн тайö вежлөг формаыс (луныс кажитчис шоньидөн, сийö кажитчис тöдсаөн, керкаыс кажитчис ыджыдөн), а сёрөнджык сыён вөдитчöмыс паськалис. Öния кадö керанторья вежлöга предикативной кывбердыс паныдасьлö и **вöвны, лоны, овлыны** кадакывьяскöд йитöдын, кöть накöд

тшөкыдджыка паныдасьлөны нимтан вежлөга формаяс, и кывбердыслөн нимтан вежлөг формаыс зэв на зумыд, сійө вермө лоны весиг рочысь босьтөм тайө **кажитчыны** кадакыв дорас, көть роч гижод кывйын сійө нимтан вежлөг формасө и оз лэдз ас дорас

Кажитчыны кадакылыс коми кывъяс, буракө, пыралөма важөн нин Сійөс пасйөма Я.Калима кывворын (Kalima, 1911:62), паныдасьлө Ю.Вихман текстъясын (Wichmann, 1916).

Өнiя коми кывйын сказуемöй пыдди мунысь кывбердыслөн керанторъя вежлөгыс – ёна сөвмысь форма, сiйö тшөкыда нин паныдасьлө и гижод кывйын и сёрнисикасьясын. Колө чайтны, мый өнiя кадö тыдовтчö предикативнöй кывберд грамматическöй вежөртасыслөн торъялөм: керанторъя вежлөг формаыс заводитö петкөдлыны предметыслысь активнöй, торйөдана признак, а нимтан вежлөг формаыс тöдчөдö предмет признакыслысь пассивнöя петкөдчөм, предметыслы пыр лöсялана, кадсö тöдчөдтөм свойство, качество. Керанторъя вежлөг формаас паныдасьлөны качественнöй и кутшөмскюрö относительнöй кывберд.

Кажитчыны кадакыв-связка дорас йитчигөн керанторъя вежлөга кывбердыс тöдчөдö предметыслысь ортсыса боксянь тыдовтчысь, петкөдчысь признак, оз збыльвывса, а сөмын кутшөмкө помкаяс вöсна, кутшөмкө условиеясö, торъя кадö кажитчысь признак: *Батыскөд орччөн сiйö кажитчис ещö на кузьөн збыль дорсьыс* (Юхнин, 1981:34). *Светланалы юыс и берегыс мыйлакö кажитчисны шуштөмөн* (Напалков, 1994:125). *Кар бöрад сиктным кажитчис гажтөмөн* (Изъяуров, 1984:248). *Эжва скöрысь пессис, и татшөмнас сiйö Домналы кажитчис ещö на мичаөн, вынаөн, ёнөн* (Федоров, 1994 I:420). *Рыжөйөн кажитчис турунтөм му веркөс, рудөн – вөр, висьлөсөн – кельыд öзима ыбъяс* (Юхнин, 1981:249). *Коз пуяс бьидмөмаөсь гырысьсьсь, дзугсьөм рой тошкаөсь (...). На улын Ёгор аслыс кажитчис кага кодь ичөтикөн да винтөмөн* (Федоров, 1979:149). *Тайö пöрйö шома азя шьид Пилялы кажитчис ёна чöскыдөн* (Тимушев, 1986:16). *Кымын ичөтджык пызаныд, сымын озырджыкөн кажитчө пызан вылыд* (Напалков, 2001:94). *И век жö тайö рытыс кажитчис сыпы сэтшөм выльөн сы олөмын, сэтшөм допыдөн да мичаөн!* (Федоров, 1979:166).

Тайö кадакылыскөд йитчö сөмын кутшөмскюрö относительнöй кывберд, медсясö – мортлысь интеллект петкөдлысь, состояние серти признак петкөдлысь: *Сiйö кажитчис төлкаөн, вежөраөн. Сiйö кажитчис төдсаөн. Синмыс кажитчис куньсаөн.*

Керанторъя вежлөга кывбердыс сказуемöйсö артмөдö и **шусьыны, висьтасьны** кадакывъяскөд. Татшөм сказуемöйыс тöдчөдö, мый субъектыс ачыс аслыс сетö кутшөмскюрö свойство, качество. Субъектнас та дырйи вермө лоны сөмын морт: *Анатолый, гөтыртөмөн жö висьтасян, а вай ми тэкөд юкам тайö кык бабасö* (Юшков, 1975 №4:8). *Сiйö төдсаөн висьтасис.*

Керанторъя кывбердсö корöны **лыддъыны, шуны, чайтны** кадакывъяс, кодъяслөн тырвыйö лексической вежөртасыс абу, сказуемöйыслысь

вежортассо восьтом могысь быть коланаоьсь субъектыслысь качествосо, свойствосо петкөдлысь кывбердыясыс, татшом сказуемояс ясыда тыдало субъектыслон объект дорас отношениеыс; субъектнас объектсо донъяломыс: *Мыйла сэтшөма дөзмин, Лиза? Менө пöрысьөн нин пыддьян? Ог нин жоник туйд шогмы, чайтан?* (Шахов, 1999:404). *Кутшомкө геодезист картасо составитгөн, көнкө, пыддис нюрсо вывти чөтөтөн и абу пасылома* (Игнатов, 1963:77). *SijE tIsE vEli va En n'in šuu:nl ga tEmEn* (F.Fuchs, 1:229). *Мийанли аслиним шан' жэ, йөз бат'-мамидли эд, колэкэ, оз кут шогмини-а. Ми тай шан'эн шувам-а* (Сорвачева, 1966:221). *Ме чайти тиянос шудтөмөн, шог сьоломаөн, ме көси чужтыны сэни радейтөм. Ти онө дивитөй?* (Шахов, 1988:40). *Ми некод ого и чайтөй тэнө мыжаөн, Маша!* (Федоров, 1979:240). Татшом сёрникузясас тшөкыда объектнас ло ачыс субъектыс: *И таын Дуня асьсө тшөтш пыддис мыжаөн* (Изьюров, 1984:85). *Му вылас медся шудаөн пыддис асьсө Анфиса* (Напалков, 1994: 134). *Со локтис сийө сиктө татарин купеч и пыддьө асьсө тожө вынаөн* (Юхнин, 1981:28). *Шудтөмөн пыддис асьсө Чуистова* (Юшков, 1979:370). *И ме ачимос ог пыдды мыжаөн* (Куратова 1995:46).

Сказуемой пыдди мунысь кывбердыслысь керанторъя вежлөгсө корө и петкөдчыны кадакыв, кодлөн торъя контекстын тырвийө вежортасыс абу, да сы дорө колө содтыны кывберд: *Гажыс бырө да, нарошнө корас матыстчывны, мед любуйтчыштны пинас да Маврасо казтыштны. Сэки и сьолөм вылас кокняммыштлас, олөмыс мичаджыкөн петкөдчылас* (Изьюров, 1980:146). *Сылы ар ветымын саяс нин, но оз на петкөдчы пöрысьөн: пельпомъяс вылө лэччөм кузь русой юрсиа, шыльыд чужөма, кыз, ён гөлөса* (Федоров, 1994 1:505). Татшом сказуемойыс петкөдлө предметыслысь ортсыса признакьяссө, серпасалө предметсө ортсыса боксяныс.

Керанторъя вежлөгас кывбердыс вермас лоны и абу тыр лексической вежортаса лоны кадакыв-связка дорын: *Кузь вой чөжөн кымөрьяс удитөмаоьсь кыпөдчыны вывлань. Ывлаыс поёма сөздзжыкөн, кыпыдджыкөн* (Юхнин, 1981:72). *Да и матысмысь тулысыс син водзын небзьөдис ывласө, яг сынөдыс пыр өтарө кораджыкөн поис да сөстөма пожьялис вирсөнтө* (Торопов, 1988:214). (...) *бөрья кадас Вера лои жугыльөн* (Юхнин, 1981:332). *Сьола кыйигөн Ваньолөн ырзис лопыс и быттьо содыштисны вынъясыс, да весиг быттьо друг верстьөджыкөн сийө лои* (Торопов, 1982:80). *Юрсьыд вылө он чеччышт, ай-мамсьыд ыджыдөн он ло* (Куратова, 1974:83).

Лоны кадакыв-связкаыс овывлө и тшөктан наклонение формаын. Изъявительной наклонениеас кө сийө петкөдлө предмет признакыслысь артмөмсө, то тшөктана наклонениеас – сёрнитысьыслысь вөзийөмсө, корөмсө, тшөктөмсө, сийө төдчөдө, мый сёрнитысьыс көсийө, мед субъектыслон лои тайө признакыс: *Ло сюсьөн, но и рамөн астьө кут, вөрпөльтө эн дөзмөд* (Тимин, 2000:32). *Сидзкө, лоий дасьөн. Пемыднас на колө петны* (Изьюров, 1984:266).

Кольны, кольччыны кадакывъяс дорын сіджэ вермас лоны керанторъя вежлѳга кывберд: *Куимысь ранитчыліс и ловйѳн коли* (Изъюрв, 1980:176). *Пекла вѳлі дась чѳвтны медся лѳк кывъяс та дыра узьысь казачкаяс вылѳ, но сылѳн вомыс сідзи и коліс восьсѳн* (Юхнин, 1981:197). *Иван тай со ловйѳн коли, сиктсаяс водзын сійѳ сѳстѳм* (Ульянов 1992:88). *Но, Лутонюшка шогѳн коли: тайяс эз босьтны, мѳд партия локтас, колѳкѳ ешшѳ оз бось* (ОКЗР 1971:54). *Ар дас витъясѳдз зонка вѳлі тушанас кузъджык нывка серти, но воис кутшѳмкѳ кад, и Алик кутіс быдмыны-пасъкавны зев нѳѳжйѳ. Сзэся татшѳм жебиникѳн и коли* (Напалков, 2000:299). *Аски асывнас водз, зумышѳн петісны пѳчинѳкысь Свежев, Микит да Ѳльѳш. Зумышѳн кольччис и Прокопейлѳн семьяыс* (Юхнин, 1983:34). Медся тшѳкыда кольны связкаыскѳд паныдасьлѳ ловъя кывберд.

Ѳнія коми кывйын керанторъя вежлѳга кывбердыс вермѳ лоны и вежѳр-тастѳм вѳвны кадакыв-связка дорын: *Педѳра ѳні эз вѳв шудтѳмѳн* (Юхнин, 1981:411). *Ягыс вѳлѳма зев мичаѳн* (Юхнин, 1981:394). *Но, висътав папа, кыдзи тэ чужин, кыдзи олін, кор ичѳтѳн вѳлін* (Шахов, 1988:7). Но тайѳ кадакыв-связкаыскѳд ѳтувъя нима сказуемѳйсѳ артмѳдигѳн кывбердыс тшѳкыдджыка сулалѳ нимтан вежлѳгын.

Колѳ тѳдчѳдны, мый коми кывйын сказуемѳй пыдди мунысь керанторъя кывбердъясыс оз вермыны босьтны уна лыда предикативнѳй -ѳсь суффикссѳ. Уна лыд формаа субъект дырйи, парнѳй змакывйѳн петкѳдлѳм субъект дырйи лыдас координируйтчѳ сѳмын кадакыв-связкаыс, ачыс кывбердыс сулалѳ ѳтка лыдын: *Сиктѳ кутісны локтавны фрѳнгі вылысь мужикъяс, эз, дерт, ставыс, кодъяс ловйѳн колісны* (Куратова, 1983:66). *Енмыс со видзѳма да, слабѳг, ловйѳн-дзонъвидзаѳн кольѳмныд да* (Шахов, 1999:349). *Сідзкѳ, лоѳй дасьѳн. Пемыднас на колѳ петны* (Изъюрв 1984:266). *Шорсайса ягын пожѳмъяслѳн пемыд туганъясыс ѳта-мѳдсьыс джуджыдджыкѳн кажитчѳны, дзик мойдвывса ловъя багатыръяс кодъѳсь* (Белых, 1997:79). *И кымын водзѳ, сымын гырысьджыкѳн, розъяджыкѳн кажитчис пувйыс* (Напалков, 2000:167). *Аслысног мичаѳн кажитчисны Татьяналы берегпѳлѳнса бадъяс, помтѳм-дортѳм сѳдз энзжыс, катер бѳжын муткылясьысь веж гыясыс* (Напалков, 2000:304).

Коми кывйын сказуемѳй пыдди мунысь кывберд вермѳ лоны и пыран вежлѳгын. Тайѳ вежлѳг формаас кывбердыс ѳтнас, асшѳрасѳ сказуемѳйсѳ оз артмѳд, а пыр йитчѳ кадакыв-связкаяс дорѳ, кодъяслѳн тырвйѳй вежѳртасыс абу, ѳтнаныс, кывбердтѳгыс оз жѳ вермыны лоны асшѳр сказуемѳйнас. Предикативнѳй кывбердыс йитчѳ пуктыны, пуксъыны кадакывъяскѳд, кодъяс торъя контекстын воштѳны асьыныс веськыд вежѳртассѳ да босьтѳны мѳд вежѳртас. Пуктыны кадакылыс пыран вежлѳга кывбердыскѳд йитѳдын петкѳдлѳ, мый предметыслы сетѳны кывбердас нимтѳм признаксѳ, татшѳм сказуемѳяс тыдовтчѳ предметсѳ донъялѳм, субъектыслѳн объект дїнас отношениеыс, тшѳкыда объектнас лѳѳ ачыс субъектыс: *Мисьтѳмѳ ни мичаѳ Римма асьсѳ эз пуктыв, сідз, шѳрвы-*

яс асьсö лыддис (Юшков, 1979:329). Молодеч мортис. Асьсö ыджыдö оз пукты, йöзсö ышöдны кужö (Безносиков, 1964:78). Эн дзик пыр лёкö пукты да шыблась ловья мортнас, кöзьяинөн кö кöсьян лоны (Юшков, 1981:253). – А мый ме сэтшöмсö шуи? – веськöдчис ныв. – Томö на менö пуктанныд (Юшков, 1981:175). Ошсö ми вежаö пуктам (Юшков, 2001 I:139). Тэнö оз лёкöд и. Бурö пуктö (Юшков, 2001 I:195). Вöрсö Тикö ич-öтдырсянныс бурö пуктылис, öд сийö вердö, пасьтöдö, оланін сетö мортлы (Тимин, 2000:100). Томнас том, а Борган сerti Адасыс версьтöд-жыкö асьсö пуктис, олысь тöдысьö (Юшков, 2001 I:62). Выльöн воём морт-тыдлы сиктад оз на ков уналы висьтасьны, кодi тэ сэтшöмыс, öдйö кывяс и тöдса лоан. Сöмын поньяс сиктад дырджык тэнö тöдтöмö пуктöны, быдыслы колö исыштлыны ли зрыштлыны (Юшков, 1979:303).

Пуксьыны кадакыв индö сы вылö, мый кывберднас нимтöм признаковсö субъектыс ачыс аслыс босьтö-сетö, ачыс асьсö лыддьö сэтшöмнас, ачыс асьсö доньялö: Мустöмас тэ ачид пуксян (Юшков, 2001 I:121). Облезьяна кодь и эм, а бурö пуксьö! Энлы, вöтлысьны на пондан (Куратова, 1974:39). Оз, буракö, ыджыдö пуксьы, – пасйыштитис аслыс Егор (Куратова, 1995:18). Дерт, эз вöв еджыд чужöма нылыс, йöграыслөн вижоват сiмыс и сылы вуджöма, но нырыс казьялана векни вöли да синьяс весьтас и тшупöда. Мичаö и пуксис, тöдöмысь, йöгра костас (Юшков, 2001 I:136). Пуксьыны кадакыв-связка пиддиыс вермас мунны тайö кадакывсьыс жö артмём шөр кыв, код дорын быть колана кывбердыс, артмö зэв аслыспölöс сказуемöй: – Колö сийöс чукöстлыны, сылысь юасьыштны. – Да öд пырас-ö ещö? – Пырас! Көть и учитель, а абу ыджыдö пуксьысь (Юшнин, 1981:83).

Пыран вежлöга кывбердсьыс да пуктыны, пуксьыны кадакыв-связкаыс артмём сказуемöя сёрникузясас субъектнас овлö пырджык морт, шоча – ловья лов, но ловтöм предметьяс оз вермыны лоны.

Пыран вежлöга кывбердыс сказуемöйсö артмөдö и абу тыр вежөртаса пöрны, пöртчыны кадакывьяскöд, кодьяс петкөдлöны субъектыслысь кывбердас нимтöм признаковсö босьтöм, тöдчөдöны, мый субъектыслөн лои тайö признакыс. Субъектнас тшöкыдджыка овлö ловья предмет, морт, но вермас лоны и ловтöм предмет: Мый ланьтöмыд? Немöйö пöрин! (Жугыль, 2001:18). Пöрыс' вдовеч гөтрас'ис. Гөтырыс том и пондас гул'айтны. мужикыс гөгөрвоас, вөрö ветлас да пöрас с'л'эпöйö да глукöйö (Жилина, 1985:269). BednEJE pErtt's'ini (F.Fuchs, I:60). Рөмдыны нин кутис ывлаыс, сук пемыдö пöрис Эжава пöлöныс вöрыс, он нин и торйöд синнад пуйссö, он кö йывланыс видзöдлы (Юшков, 2001 I:134).

Сказуемöй пидди мунысь пыран вежлöга кывбердыс йитчö и лэччысьны кадакывкөд; татшöм сказуемöйыс петкөдлö признак, кодöс субъектыс аслыс босьтö ас вöлясьыс: – Мый висьтала? – Мый шум но! Йöйö сэн лэччысян (Юшков, 2001 III:480). Дышад мяен лэччысян нинём оз ло (ОКЗР 1971:77). Коркөтö меным эн мойд. Меным öнi колö, мый колöыс. – Абусö ог вайöй. Йöйö сэн лэдзчысян (Юшков, 1981:103).

Татшом жо вежортас кутю уськөдчыны, сетчыны кадакывьясысь да пыран вежлөга кывбердысь артмом сказуемой. *Век сэсся татзи Валентина мөдлаө кежөдліс сёрнисө, оз кө көсийи веськыда вочавидзны. И выльысь юавны сылысь эз позы: скөрмыліс либө пельтөмө уськөдчыліс (Юшков, 1979:378). *Йөрмас сэтчө (низь), и кучкан юрас бедьнад. Куыс оз тшык ни. А понийд кыті на курччас, - варовө сетчис Бияр* (Юшков 2001 I:130). Пыран вежлөга кывбердкөд связка пыддиыс паныдасылө и усьны кадакыв, сийө индө субъектыслөн признак артмом вылас: Шогө усьлө *Өпрөсь, кор став олөм туйсө казтыштас* (Изьюров, 1987:270). Жальө усь, доброй молодец Илья, мезды менө татысь. оройдлы чепьяссө (Юхнин, 1981:122).*

Предметыслөн признак артмом-лоөм вылас индө и воны кадакыв, кодї сїдзжө йитчө пыран вежлөга кывбердкөд да ськөд өтвылысь артмөдө өтувья сказуемой. *mI:dasIII: burE vois* (F.Fuchs, I:45).

Нима сказуемойлөн предикативной юкөннас вермасны лоны и өткодялан да медвылыс тшупөда кывбердьяс. Өткодялан тшупөда кывбердыс төдчөдө, мый сетөм предметыслы признакыс, качествоыс лөсялө өнджыка мөд предметлөн татшом жө признак серти, либө мый сетөм предметыслы признакыс разной кадө лөсялө оз өткодя, а разнөя. Сказуемой пыддиыс кывбердыс вермө мунны асшөра, связкатөг, либө кадакыв-связкакөд өтвыт: Кузьдзыкөсь лоисны войяс. Көдзыдджыкөсь асывводзьясыс (Белых 1997:68). Лоам сюсьджыкөн (Белых, 1997:48). Сөвтім сумкаясө черисө да мөдөдчим гортлань. Бөр туйыс өна сьөкыдджык (Белых, 1997:16). Вежджыкөсь лоисны козьяс да пожөмьяс (Белых, 1997:24). Берегьясыс лоины сэтөраджыкөсь (Торопов, 1982:90). Ныр-вомыс Тонялөн ловзьяма-банйөма. руд синьясыс оз нин вундыны, а быттьө чусмыштөмаөсь, меліджыкөсь лоөмаөсь (Юшков, 1979:228).

Тшөкыда контекстас овлө петкөдлөма сийө предметсө, кодкөд өткодялөны подлежащөяс нимтөм предметсө: Тэ гижан патөфон йылысь, кодөс тэныд козьяналісны войнаөдз на, кор тэ вөлін мөысь на ичөт. велөдчин мөд классын (Шахов, 1988:8). Да и кыв-ворнас сюсьджык мукөд дорысь лоөма. Кыдз сэсся татшөм бурлак зон вөснайд он косьмы (Попов, 2001:20). Дерт, вежөктысь бабаыд ранитөм ошкысь лөкджык (Жугыль, 2001:33). А сьлөн рөдвужыс пө Микол, тэысь на мудерджык вөлөма (Торопов, 1988:17). Нелямын кык арөс эськө сылы өні вөлі... Тума дядь серти өна томджык (Торопов, 1988:64).

Сөрникузьяс тшөкыда овлөны и када обстоятельствояс, кодьяс төдчөдөны, мый өти и сийө жө предметыслөн признакыс разной кадө торьялө, вежсьө, торья кадколастө признакыс вермө лөсявны предметыслы өнджыка (либө омөльджыка) мөд кадколаст серти: А ывлаыс пемдө нин, пемыднас көдзыдджык лоө (Куратова, 1995:11). Аски митинг вылад томджык нин лоа (Шахов, 1999:395). Лунысь-лун сийө (Энь Горда) поис верстьөдджык да мичаджык (Белых, 1997:69). Өні ваыс сэні (тыын) вөлі нөшта на сөстөмджык (Белых, 1997:21).

Медвылыс тшупода предикативной кывбердыс тӧдчӧдӧ, мый предметсылы сетӧм признакыс лӧсялӧ медся ӧна, сыын тайӧ признакыс медся уна мукӧд предметын серти. Тшӧкыда татшӧм сказуемӧйсылӧн эм донъялӧм вежӧртас: *Ай-мамидлӧ ракалӧ моз аслад челядыӧд медмичась* (ОКЗР, 1971:67). *Васса первойыс гӧгӧрвоис ӧти ыджыдтор: бур другьяс да пӧдругаяс медся донаӧсь олӧмад* (Изьюров, 1984:156). *Менам мамӧ медся бур*.

Нима сказуемӧй овлӧ съӧктӧдӧмаӧн. Кывберда сказуемӧйсылӧн тшӧтш вермас лоны уна пӧлӧс съӧктӧдӧм сикас. Сказуемӧйсӧ съӧктӧдӧ нима юкӧнсӧ кыкысь шуӧм. Татшӧм предикатыс тӧдчӧдӧ предметсылы качествоыслысь, признакыслысь ӧна лӧсялӧмсӧ. Кыкысь шуӧм кывбердыс сказуемӧй пыддиыс вермӧ мунны асшӧра (а) либӧ кадакыв-связкаяскӧд йитчӧмӧн (б). Кыкысь шуӧм кывбердсыыс кыкнанныс вермасны сулавны нимтан вежлӧг формаын либӧ ӧтиыс, водзынджык сулалысьыс – петан вежлӧгын, а бӧръяджыкыс – нимтан либӧ керанторъя вежлӧгын: (а) *Чӧрнӧй мореыс лӧз-лӧз* (Шахов, 1988:31). *Сынӧдыс сӧстӧм-сӧстӧм, он пӧт лопавны* (Коданев 2001:10). *Юлӧн ваыс небесаын кодъ жӧ лӧз-лӧз* (Федоров, 1982:78). *Сийӧ со радысь рад выльӧн воӧм мортлы* (Безносиков, 1964:30). *Урлӧн тӧвся паськӧм мичаысь-мича нин* (Коданев, 2001:54). Водзынджык сулалысь петан вежлӧга кывбердыс пырджык босьтӧ инданасалан суффиксыяс: *Енӧжыс пыдӧстӧм, ӧти помсяныыс мӧдӧдзыс лӧзсыыс-лӧз, кымӧрттор некӧн абу* (Ульянов, 2001:4). *А луныс мичаысь-мича, шондӧыс енӧжын биа ӧгыр кодъ, чужӧмыс сотӧ* (Ульянов, 2001:70). *Асьныс зоньяс шудасысь-шудаӧсь* (Куратова, 1995:10). *Коймӧд лун Платов эз гӧгӧрво – вӧт тайӧ ставыс али вемӧс. Удж вылын скӧрсыыс-скӧр* (Изьюров, 1984:232).

Перым коми кывйын сказуемӧй пыдди мунысь кывбердыс вермас жӧ лоны кыкысь шуӧмаӧн. Водзынджык сулалысь кывбердыс вермӧ босьтны ӧткодялан (сравнительной) вежлӧглысь -ся- суффикс (коми петан вежлӧглӧн -ысь- суффикс пыдди): *Но воннӧс китрӧйся-китрӧйӧсь воӧмась* (Кривощекова-Гантман, Ратегова, 1980:30). *Но вокьяс сюсыысь-сюсь вӧлӧмаӧсь. Вӧыс ыджытсь-ыджыт вӧл, да бурся-бур* (Кривощекова-Гантман, Ратегова, 1980:36) "Вӧлыс ыджыдысь-ыджыд да бурсыыс-бур".

Кадакыв-связкаясыыс кыкысь шуӧм кывбердъясыскӧд медсясӧ паныдасылӧны **вӧвны, лоны, кажитчыны** кадакывъяс: *Рытъя шондӧыс вӧлӧ гӧрдсыыс-гӧрд* (Напалков, 1994:170). *Егор сэки вӧвлӧ радсыыс-рад* (Куратова, 1974:53). *Онӧ Машалӧн мича гырысь синьясысь ыльӧбӧн петис кутшӧмкӧ вӧвлытӧм югыд, кодӧ кажитчис шоньдсыыс-шоньдӧн да мелӧсыыс-мелӧн* (Торопов, 1982:67). *Нимьян татшӧм кывъяс бӧрад босьтӧс киас юр кышӧдсӧ, и князьлӧн ыджыд чом пытшкыс пои югыдсыыс-югыдӧн* (Тимин, 2000:127). *Быдса во джын Аннушка вӧлӧ шудасыыс-шуда* (Куратова, 1983:156).

Коми кывйын паныдасылӧ аслыспӧлӧс сказуемӧй, кодӧ артмӧ ӧти и сийӧ жӧ кывбердсӧ кыкысь шуӧмӧн, но найӧ сулалӧны разной вежлӧг фор-

маын: воддзаджыкыс – пыр индан-асалан формаа керанторъя вежлө формаын, а бөръяджыкыс – век нимтан вежлөгын. Вермас лоны связка. Татшөм сказуемойыс кутö уступительной вежортас. Татшөм сказуемоя сёрникузаяс пырджык эм мод сказуемой, кодi йитчö сы динö паныд сувт-öдана а, но, да сочинение союзьясөн. Индөм формаа сказуемоя юкөныс зэв матын уступительной вежортаса придаточной дорö, сийö зэв кокниа вермö вуджны уступительной придаточнойö: *Томнас том, а Борган серти Адасыс верстьöджыкö асьсö пуктiс, олөм тöдысьö* (Юшков, 2001 I:62). *Пöрысьнас пöрысь, багыльсьö пемыдгöрд гöна да джудждаммөм син көршаяса вöли вöлыс, да абу на изсьөм пиньяса да веськалөм мыш выла* (Юшков, 2001 I:95). Öткодялөм вылö: *Кöть и том, а Борган серти Адасыс верстьöджыкö асьсö пуктiс (...). Кöть и пöрысь (...) вöлыс, да абу на изсьөм пиньяса да веськалөм мыш выла.*

Кывбердөн петкөдлөм сказуемойсö вермö сьöктöдны кывтор. Бытьтö в кывтор сказуемояс пыртö öткодялан вежортас, найö тöдчöдöны, мый кывберднас петкөдлөм признакыс збыльвылас оз лöсъяв предметыслы, а кутшөмкö подув условияс дырйи, торъя помкаяс вöсна предметыс кажитчö татшөмнас: *А дзик туй бокас посни понöльяс бырсмунöмабсь. Найö öни кыдзкö торйөн нин аслысногөн петкөдчöны. Бытьтö ловьясьö* (Белых, 1997:72). – *Мед грöзитчöны! – нимкодя серöктiс Витя, кодi пыр дась пырöдчыны сёрниö. Кывьяс сылы öдйö сюралiсны, бытьтö зепьясас дасьсьö* (Изьюров, 1984:219). Сказуемойыс лөб сьöктöдöма, сзэни кö эм кык öткодь либö матын вежортаса кывберд. Найö вынсьöдöны, тöдчöдöны предметыслысь признаксö: *А керкаыс, ен ськөд, тай дзөнь-здоров на* (Торопов, 1988:38).

Нима сказуемойыс вермö артмыны кык асшөр кывбердысь, кодьяслөн вежортасыс разной, кыкнанныслөн аслас, öтувья сказуемой пыддиыс мунигөн уна боксянь гөгөрвоөдöны предметсö: *А лун-войясыс сзэки буретш да вöлины көдзыдöсь-сзэсьсь, лым зз усь* (Торопов, 1988:199).

Кутшөмсюрö кывберд öтнас, асшöрасö оз вермы тырвийö петкөдлыны подлежащöяс нимтөм предметыслысь признаксö. Сказуемойыслысь вежортассö петкөдлөм могысь найö быть корöны ас дiнаныс зависитысь кывпод. Предикативной признаксö артмөдöны кывбердыс да сы динö примыкайтысь кывподыс. Татшөм кывбердьясыс кутöны уна сикас модальной вежортас. Дась кывберд тöдчөдö субъектыслысь действиесö вöчны дась-лун состояниесö. Сийö вермö йитчыны уна сикас вежортаса кывподьяскöд: активной действие петкөдлыськөд, сёрнитөм, мөвпалөм петкөдлыськөд да с.в.: *Уджалöй, а уком век дась тiянлы отсавны!* (Федоров, 1979:185). *Мишка пасьтасьöма нин, дась мөдöдчыны!* (Юхнин, 1981:126). *Ме дась лэбзыны тзкөд тöлысь вылөдз* (Напалков, 1988:120). *Ме нин дась скөрмыны ыджыд чой вылө* (Куратова, 1983:43). *Но и Надя сёрнитö ськөд сiдзи, синваид дась петны* (Изьюров, 1984:159). *Со Иван Тимофеевич. Опонь Зюзев дасьсьöсь сетны тэныд рекомендация, шыöдчан кө* (Шахов, 1999:455). *Юась, ме дась вочавидзны* (Куратова, 1995:27). *Ёгор томмы-*

ны бытттьо кутіс, гажмис, сёрниаджык лои, быдёнкөд сёрнитны дась, мыйкө вөчигон нускө-сьылө (Васютов, 1978: 79). Викторлы любө таысь, и аттьоавны дась, да кыдзи гораа шуан, кор ставон чөв олоны (Е. Рочев, 1998:80).

Тайо жө вежортассө петкөдлө и рочысь босьтөм **гөтов** кывберд. Гөтов кывбердысь да кывподысь артмөм тэчасьясыс ёна паськаломаось сёрнисикасьясын, а Эжва горув сёрниын сийө дзикөдз нин вештөма дась кывсө, коді онія кадө сэні оз нин и паныдасьлы: Ме гөтов тэныд отсавны. Ме гөтов мунны. Ме гөтов ытшкыны петны. Рочысь босьтөм гөтов кывбердыс ёна паськалома и Сыктывйив сёрниын: Кык син коссыйд ныртө гөтов нетшышыны (Жилина, 1975:142). И серам бырис, гөрзыны гөтовось (ОКЗР, 1971:147). Серпаса литератураын тайо кывбердыс паныдасьлө 20-өд воясө нин: Радысла гөтов сийө коть өні мунны да кыскыны Олимөс (Савин, 1985:91). Найө вина вылас юрнысө вузавны гөтовось (Шестаков, 1987:149). Чумбаров-Лучинский ыджыд сьолөма морт, нинөмысь вөлі оз пов, гөтов биө коть ваө пырны революция вөсна (Савин, 1985:19).

Тайо кывбердыс ёна паськалома и перым коми кывйын; сэні тайо кывсө шуөмын фонетика боксянь шуөмас некутшөм вежсьөм абу лоөма: Да кыдз тэ он нетшковт ягөд тусьсө, көр сия ачыс өмө гөтов пырны? (Климов, 1963:75). А саякй вөдзыс (лөдз) да мошкараыс шуксьө-вебавө, гөтов синө пырны (Кривошекова-Гантман, Ратегова, 1980:27).

Кывподас нимтөм действиесө вөчны субъектыслысь сямсө, бура кужөмсө петкөдлө рочысь босьтөм **востер** кывберд: Востерось йөзыд лөсьөдлынытө (Юшков, 1972:71). А черитө кыйны сийө и водзджык на востер вөвлі (Васютов, 1978:22). Сийө востер пинясьнытө. Татшөм нима сказуемойыслон синонимон лоө **кужны** отсаян кадакылысь да кывподысь артмөм составной глагольной сказуемой: Кужоны йөзыд лөсьөдлынытө. Кужө сийө пинясьнытө. Торъя действие вөчны субъектыслысь кужөмсө, сямсө петкөдлө и рочысь пырөм **мастер** кыв, коді коми кывъяс босьтө "способной, кужысь" вежөртас, вуджө кывбердьяс лыдө, предикативной функцияс босьтө уна лыда –**ось** суффикс, сы дорын вермасны лоны мера да степень вежөртаса **зэв, вывті** урчитанъяс, кывбердьяс моз жө вермө босьтны өткодялан тшупөдлысь –**джык** суффикс да медвылыс тшупөдлысь **мед-** кывводз либө **медся** кывтор. Тайо вежөртасас сказуемой пидди мунігас **мастер** кывйыс быть корө кывподсө, коді векнөдө сылысь вежөртассө, төдчөдө, мый буретш кужө бурасө вөчны субъектыс: Серавныд мастер, а делө вылө кө и ... (Безносиков, 1964:89). Көсьысь-ныс өд сөмын сийө мастер (Куратова, 1974:57). Көзятныд быдөн мастерось (Безносиков, 1964:79). Ок өд бура вөлі ворса том дырйид. Некод вөлі ме мозатө оз куж. Йөктынытө вөлі мастер и (Шахов, 1977:184).

Татшөм тэчасьясыс зэв тшөкыдөсь 20-өд воясса гижөдьясын нин: Сёрнитысьяс пөръясьны мастерось (Сажин, 1987: 107). Лун шөр бөрын ветлім матрос ордө. Төрыт на миянлы висьтавлісны: матрос пө зэв

мастер сьывны (Савин, 1985:65). *Борсяньыс кык еджыд салдат: пукалоны Семё вёв доддын. Найо мастерось тешитчыны: нем виччысьтог кучкасны вёвлы, вёв чепёсийлас. но козяин выло оз кай – уськөдчас боко* (Осипов, 1987:289).

Мастер кывйысь да кывподысь артмём сказуемой лоо **кужны** отсаян кадакывйысь да кывподысь артмём сказуемойлы синонимон: *көсийсыны мастер – кужо көсийсыны: көзиятныд мастерось – кужоны көзиятны да с.в.* Но тайо кык сикас сказуемой вежөртасас тыдало торьялом: **кужо** кадакылысь да кывподысь артмём составной глагольной сказуемойыс сомын индо субъектыслон действиесо вочны кужом выло, а **мастер** кывбердысь да кывподысь артмём сказуемояс кужомлун, сямлун признак кындзиыс эм ношта и доньялом вежөртас, сёрнитысьыс доньяло субъектсо кужомлун, сямлун сертиыс.

Ония коми кывйын **мастер** кывйыс паныдасьло и аслас веськыд вежөртасас, нимто профессия, лоо эмакывйон: *Вотчо, энэ кольччой. Ылокодь мунны ковмас, - тэрмөдло мастер* (Куратова, 1995: 13), *Сэтшөманнин мудзисны зоньяс, а мастер век мунё и мунё* (Куратова, 1995: 13).

Субъектыслысь действиесо вочны кужом, сылысь сямсо ёна көсийомсо петкөдло и рочысь пыром лют кывберд. Сийо сказуемойыслысь вежөртассо тырвийо петкөдлом могысь быть коро ас дорас сувтөдны зависитысь кывпод, кодкөд отыв и артмөдоны отувья сказуемой. Тайо кывбердыс коро ас дорас медсясо активной действие петкөдлысь кывподьяс, вермо йитчыны сёрнитом, кывзом петкөдлысь кывподьяскөд, но оз йитчы состояние вежөртасаяскөд. Татшом тэчасьяснас вөдитчоны серпаса гижөдьясын и сёрнисикасьясын: *Уджавны лют, а гуляйтны сыысь на лютджык* (Федоров, 1989:6). *Ме кодь жо лют вөралны вөли и* (Торопов 1982:87). *Мукөдыслы тай аслыныс пыддьыныто дыш, а дась висьтапанто кывзыны быдөн лют* (Торопов, 1982:14). *Купайтчыны, дерт, лютджыкось томьяс* (Напалков, 1994:132).

Кывподкөд йитөдын отувья сказуемой артмөдо и рочысь пыром **окоч** кыв, коді төдчөдо субъектыслысь действиесо вочны көсийом: *Ой-ой окочось командуйтны да властьюн грөзитчыны* (Шахов, 1988:181). *Окоч вөли пывс'инийид* (Сорвачева, 1966:103).

А соссяна вежөртаса **вынтөм** кывберд петкөдло субъектыслысь действиесо вочны вермытомсо: *Медся мелі арся шонді вынтөм ловзёдны воймөм турунсо* (Юхнин, 1981:410). *Вераос кыскис Илья динө венны позьтөм вын, и Вера ачыс вөли вынтөм откажитчыны таысь* (Юхнин, 1981:56).

Кык сюрөса члена сёрникузясына действие вочны быть колөм, долженствование модальной вежөртасьяс петкөдлом могысь тшөкыда паныдасьлоны рочысь босьтом **должен** да **обязан** кывбердьяс. Роч кывйын тайо модальной вежөртассо петкөдло некымын торья кыв: **должен, вынужден, обязан, надо, нужно, необходимо**. И на пөвстын **должен** кывйыс лоо медся төдчанаон, босьто торья ин, лоо кывьяслон тайо ра-

дас сюрёсаён (доминантаён): «эта лексема наиболее точно передает общее значение необходимости, причем она может быть использована для передачи всех без исключения семантических вариантов данного значения» (ТФТ, 1990:147), та вёсна гөгөрвоана, мыйла коми кывъяс пырёма тайё модальной кывбердыс да мыйла сійё ёна паськалёма и гижёд кывйын и сёрнисикасьясын. **Должен** кывбердыс коми кывйын йитчö уна сикас вежортаса кывподъяскöд. Сылён эмось торья модальной рёмъяс, кодъяс тыдовтчöны контекстысь. **Должен** кывбердыс вермö петкөдлыны быть колана, тшөктана (обязывайтана) вежортас: *Dona, pujan, kor me kula, sek ti bld voj Et'ien dol enes' bErndl meam gu villn* (Uotila, II:38). *Тэ öд комсомолец, мукöдлы пример должен петкөдлыны* (Изьюров, 1984:45). Татшөм сяма сёрникузяясас действие быть лоёмьслы эмось колана условияс, подувъяс, помкаяс.

Должен кывбердыс вермö кутны чайтана (предположение) вежортас. Збыльвылас действиеыс абу на, сійё должен лоны сёрнитысь чайтөм сертиыс: *Изьва йылса сиктъяс пыр пö долженöсь найö Эжва йылö петны* (Шахов, 1999:503). *Домень гөгөрвоис: сійö, тыдалö, пыр на вугралис, и мырдысьөн восьтис синъяссö, видзöдлис гөгөр. Вот-вот долженöсь воны вылыс катищеö* (Изьюров, 1984:50). *Ну час кык-куим нөрэвitasныс, вый сыыны должен пым пачын* (Сахарова, Сельков, 1976:266).

Быть коланлун (долженствование) модальной вежортассö петкөдлö и **обязан** кыв, кодй **должен** кывберд моз жö коми кывъяс пырёма важөн нин. Кыкнан тайё кывъя предикатъясыс паныдасьлöны и фольклор текстъясын и сёрнисикасьясын, 20-öд нэмся 20-öд воясса гижөдъясын. **Обязан** кывйыс сідзжö корö ас дорас кывпод: - *Ме оз куж (сьывны). Сэсся мужикöй тöдлас да нöйтас менö (...). Дай ме тиянлы абу обязан сьывны.* - *шуис бөрвылас* (Савин, 1985:66). *Но, Катерина Вурдова, тадзи оз позь, ме обязан төдмавны ставсö да, висян кө. пуктыны стöч диагноз* (Безносиков, 1995:29).

Коми кывйын долженствование модальной вежортассö петкөдлöны **колö**, **лоö** морттöм модальной кадакывъяс, кодъяс вермасны лоны сöмын öти сюрёса члена морттöм сёрникузяясын. Кык сюрёса члена сёрникузяясөн тайё модальной вежортассö петкөдлөм могысь коми кывъяс абуöсь ас нима кывъясыс, та вёсна гөгөрвоана, мыйла коми кывйыс босьтис рочсьыс **должен**, **обязан** кывбердъяссö. Найö паськөдісны коми кывйыслысь синтаксической позянлунъяссö: долженствование модальной вежортассö öния кадö позьö петкөдлыны и нима адъективной сёрникузяясөн. 20-öд нэмся 20-öд воясö тайё кывъяссö вöлі нин босьтöма гижөд кывйö, лои нин нормаён. Та йылысь А.С.Сидоров гижлис: «заимствование этих вспомогательных модальных имен (обязан, должен, вынужден) объясняется тем, что соответствующие модальные глаголы, существующие в составе сказуемого в коми языке: **лоö** "придётся", **колö** "необходимо" употребляются в безличном значении и образуют пассивные обороты (деятель обозначен дательным падежом), заимствованные же вспомогательные сло-

ва модальное значение долженствования выражают в форме активного оборота, при согласовании с подлежащим, так: "ме обяжан вочны "я обяжан сделать", *ти долженось мунны "вы должны идти"* и т.п. Таким образом, заимствуемая форма, несомненно удовлетворяет назревшую потребность в новых формах в самом коми языке» (Сидоров, 1992:119).

Колö тöдчöдны, мый тайö нима кывъяснас да колö, лоö кадакывъясöн петкöдлöм модальной вежортасьясас тыдовтчö и торьялöм. Колö, лоö модальной кадакывъяса морттöм сёрникузясас коланлун (долженствование) вежортасыс небыдджык, а **должен, обяжан** кывбердьяснас тайö вежортасыс петкöдлысьö чорыдджыка, быть коланлуныс наын ёнджыка тыдовтчö.

Субъектыслысь мыйöнкö öти кывйö воёмсö либö вотöмсö петкöдлöм могысь серпаса гижöдьясын, вомгора сёрниын паныдасьлö рочысь пырöм **сöглас, сöгласен** нима кыв. Сы дорö сідзжö йитчö кывпод да артмö öтувья сказуемöй: - *Ветлам сы дорö да корам. – Ми тэкöд? Кыкөн? – Ми, сöглас кö ветлыны* (Шахов, 1999:244). *Сідзкö, ме сöглас Игушев Косьтаöс примитны кандидатöн. Сідз и вöзъя* (Шахов, 1998 №4:27).

Тайö кывйыс вермö паныдасьлыны ашшöра, кывподтöгыс, но сэки сійö корö быть колана нима формаяс: *Ичöтджык срок вылö öд быдöн сöгласджык* (Парначев, 1999 №10:4).

Субъектыслысь эмоциональной состояниесö, вöчан действие дорас эмоциональной отношениесö петкöдлö рочысь пырöм **рад** кывберд. Сказуемöй пыддиыс сійö вермö мунны ашшöра, сэки сійö пырджык корö быть колана зависитысь кыв, кодöн сійö веськöдлö: *Страда каднад бригадаад быд содтöд морт вылö радöсь* (Безносиков, 1964:58). *Луныс кымортöм, весиг шондi мыччысьлывлö. Ноябрь помланыд татшöм поводдяислы көр видзись зэв нин рад* (Е. Рочев, 1998:83).

Рад кывйыс сказуемöйсö артмöдö и сы динö примыкайтись кывподкöд öтвыс: *Зэв рад газетчиккöд тöдмасьны* (Шахов, 1977:172). *Кöпейка вöсна ваö рад чеччыштны* (КПП, 1973:178). *Рад тöдмасьны. Уездной исправниклөн отсасьысь Левицкий, Николай Павлович, - небзьыштöм гөлöсөн нин шуис жандармской офицер* (Федоров, 1982:35).

Колö тöдчöдны, мый **рад** кывбердысь да кывподысь артмöм нима сказуемöйыс коми кывъяс сөвмöма ёна важöн нин. Татшöм тэчасьяснас тшöкыда вöдитчö аслас гижöдьясын И.А.Куратов: *Радöсь медасьны тай пыр* (Куратов, 1979:289). *Сійö видзöдлыны рад, кутшöм гостьöс енмыс сетiс* (Куратов, 1979:311). *Ола, мед бур вылö йöзöс велöдны: Рад сы вöсна ачым кывзыны ме, Кор морт виысь буртор сёрнитö* (Куратов, 1979:326). (...). *Тöдчö, рад пыр вöлис ачыс сёрнитны кулан пиыс йылысь* (Куратов, 1979:296).

Татшöм сказуемöя сёрникузясас субъектнас пыр лоö морт. Тöдчанаон лоö сійö, мый коми кывйын **рад** кывбердыс вермö вуджны морттöм-предикативной кывйö, артмöдны морттöм сёрникузялысь предикативной подувсö; сэки сійö петкöдлö субъектыслысь эмоциональной, психической

состояниесö, субъектнас сы дырйи лоö сөтан вежлөг форма: Mu ikli i baball vlti loi rad (Uotila, II: 274): *Меным зэв рад лоу*.

Роч кывйын **рад** кывбердыс сказуемöйнас вермö лоны сöмын кык сюрö-са члена морта сёрникузьян, кöни субъектсö петкöдлöма нимтан вежлöга подлежащöйöн; сийö сэни оз вермы артмöдны морттöм сёрникузьялысь предикативнöй подувсö.

Перым коми кывйын ёна жö паськалöма **рад** кывбердысь да кывподысь артмöм сказуемöйыс: *Öддьöн рад тiянкöд тöдсасыны* (Баталов, 1974:191).

Кывбердыс кывподкöд йитöдын сказуемöйсö артмöдö и мукöд рöдвуж кывйын. Татшöм сказуемöйыс сөвмöма фин кывйын. Сэни торъя вежöртаса кывбердыс йитчö III кывподлөн иллативнöй формакод. З.М.Дубровина тöдчöдö: «Иллативная форма III инфинитива может сочетаться лишь с прилагательными определённых семантических групп» (Дубровина, 1972: 158). III кывподлөн иллативнöй формаыс йитчö *halukas* "мыйкö вöчны кöсийысь", *ahkera* "зиль", *innokas* "зиль, старательнöй", *kemos* "окотапырысь мыйкö вöчысь", *herkka* "чуткöй", *utelias* "любопытнöй", *kelvollinen* "лöсялана", *taitava* "кужысь, сяма", *hyvä* "бур", *nopea* "тэрыб" да с.в. кывбердьяскöд: *He olivat halukkaita lähtemään vaikka heti* "Найö сöгласöсь мунны кöть öни" (Дубровина, 1972: 158).

Венгр кывйын татшöм сказуемöйыс артмö *köteles* "обязан", *kepes* "сяма, вермана (способен)", *keptelen* "абу вермана (не способен)", *hajlando* "склонен", *kesz* "дась" да примыкайтысь кывподысь: *A hallgatok kötelesek latogatni minden elöadast* "Кывзысьяс öбязанöсь ветлыны быд занятие вылö". *Mi keszek voltunk meghallgatnia hereset* "Ми дасьöсь кывзыны сылысь корöмсö" (Майтинская, 1960: 148).

Коми кывйын сьöктöдöм нима сказуемöйыс вермö артмыны кывбердысь, морта формаа кадакыв-связкаысь да кывподысь. Сказуемöйыслысь вежöртассö петкöдлöм могысь связкаыс оз ло тырманаön, сийö корö нöшта и кывподсö. Кывподыс йитö кывбердсö да кадакыв-связкасö. Кадакыв-связканас татшöм сказуемöяс овлöны действие вöчны заводитöм да помасьöм вылö индысь фазиснöй кадакывъяс. Кывпод формаас пырджык овлöны **кажитчыны**, **лоны** кадакывъяс. Нима юкөн пыддиыс мунö нимтан либö керанторъя вежлöга кывберд: Кöдзыдöн, мустöмön мöдiс кажитчыны *Элялы светыс* (Изьюров, 1984:298). Шуштöмön күтiс кажитчыны *Патовъяслөн короминаыс* (Изьюров, 1970:131). *Коли куим вежон. Ирина тетялы татшöм олöмыд күтiс тешкоддьжык кажитчыны*. *Лунлун öтнас* (Жугыль, 1986:38). Кадакыв-связканас лоö фазиснöй кадакыв, а кывпод формаас – **лоны** кадакыв: *Зэв нин тшапöсь мöдiд лоны!* (Изьюров, 1984:52). *Тэ, Грушенька, стрöг күтiн лоны, нач эсийö Временнöй правительствöыс кодь жö* (Федоров, 1994 I:469).

Морта форманас вермöны лоны модальнöй вежöртаса кадакывъяс: **вермыны**, **зильны**, **кöсийыны**, **кужны**, **мöвпавны**, **окотитны**, **думыштны** да с.в. На дырйи кывпод формаас пырджык овлöны **лоны**, **кажитчы-**

ны, шуны, петкӧдчыны, пуксьыны кадакывъяс. Кывбердыс татшӧм формаа кадакывъяс дорас пырджык овлӧ керанторъя вежлӧгын, шочдыка – нимтанын: *Степан кӧсйис лоны стрӧгӧн, но нимкодлуныс мешайтис талы* (Юхнин, 1981:382-383). *Быдӧн кӧсйис петкӧдлыны асьӧ ёнӧн, мичаӧн, повтӧмӧн* (Юхнин, 1981:92). *Ывлаыс кодзид кӧсйӧ лоны* (Пыстин, 1987:87). *Эз лысьт шуны шудаӧн тайӧ лунсӧ Миша Даныщиков* (Изьюров, 1975:42). *Луныс кӧсйис пуксьыны шондӧа, жар* (Федоров, 1979:50).

Куим юкӧнысь артмӧм сказуемӧяс вермас лоны модальной вежӧрта-са кывберд: *А мойдны сйӧ вӧлі мастер* (Федоров, 1979:211). *Ачым дась вӧлі и войколавны* (Белых, 1997:65). *Да и бать, буракӧ, эз вӧв лют тыш-касьнысӧ* (Шахов, 1988:11).

Кывбердыс зэв тӧдчанаӧн овлӧ змакывйӧн петкӧдлӧм нима сказуемӧйын. Уна пӧрйӧ змакывйислӧн сёрникузяыслысь предикативной подувсӧ артмӧдигӧн абу тырвйӧ вежӧртасыс либӧ сылӧн вежӧртасыс вывтӧ пасыкыд. Найӧ сказуемӧйыслысь вежӧртассӧ тырвйӧ петкӧдлӧм, востӧм могсьыс быть корӧны сувтӧдны ас дӧнас кывберд, буретш кывбердыс петкӧдлӧ сказуемӧйыслысь шӧр вежӧртассӧ. Татшӧмъяснас, шуам, тшӧкыда овлӧны мортӧс нимтысь морт, йӧз, войтыр, ныв, нывбаба, мужичӧй, олысь, зон, зонка, пи да с.в. змакывъяс: *Илья – шань морт* (Изьюров, 1984:232). *Сйӧ – ыджид тушаа, шань, мича зон* (Куратова 1974:38). *Пилпыд зсыкӧ мян абу шыблас морт да ...* (Тимушев, 1986:88). *Ыджид батыс мастер мортӧн нимавлӧс* (Напалков, 2000:64). *Нэмсӧ сйӧ вӧлі ёсь да ярскӧб нывбабаӧн. Пӧрысьладорад тай рутӧ он-нин веж* (Попов, 2001:7). *KutšEm ti vElEmnId omEl' jEz!* (F.Fuchs, II:1192). *Со тэ кутшӧм шуда морт вӧлӧмыд!* (Федоров, 1994 I:388). Татшӧм сяма сёрникузяясас кывбердыслӧн тӧдчанлуныс зэв ыджид. Наын сёрнитысьыс буретш кӧсйӧ тӧдчӧдны субъектыслысь качестваысӧ, свойствояысӧ. Кывбердыс востӧ субъектыслысь характерсӧ, пытшкӧсса качестваысӧ, сямсӧ, гӧгӧрвоӧдӧ сйӧс арлыд сертиыс, ортыса признакъяс боксяныс.

Быть коланаӧн кывбердыс овлӧ сикасалана сёрникузясын, торъя контекстысь сӧдз нин гӧгӧрвоана, мый подлежащӧяс нимтӧм предметыс пырӧ предметъяслӧн кутшӧмкӧ сикасӧ (классӧ), а сёрнитысьыслӧн могыс востыны тайӧ предметыслысь признаксӧ, качестваысӧ: *Угдым абу ыджид ю* (Савин, 1985:196). *Лыско вӧлі бур ныриса да ыджид сьӧлӧма пон* (Юхнин, 1981:29). *Сйӧ тӧдӧс: Зарни – колхозын медся бур мӧс* (Изьюров, 1984:114).

Быть коланаӧн кывбердыс овлӧ и мукӧд вежӧртаса змакывъяс дорын, мукӧд сяма сёрникузясын.

Зэв аслыспӧлӧсӧн и коми кывлы лӧсяланаӧн лӧӧ кывберднас кадакыв-сказуемӧй дорын вӧдитчӧм. Морта кадакывйӧн петкӧдлӧм сказуемӧй водзын вермас лоны сэтшӧм жӧ кыввужъя кывберд. Сйӧ тӧдчӧдӧ, вынсьӧдӧ состояниеыслысь вежӧртассӧ: (...) *сйӧ вӧлі кос-косымӧма да мышкыртчӧма на* (Юшков, 1981:171). *Кӧдзыдысла вомдорыс пӧз-пӧзӧдӧма. Чужӧмыс гӧрд-гӧрдӧдӧма.*

Аслысплӧсӧн коми кывйын лӧӧ и сійӧ, мый состояние вежӧртаса **рад** кывберд йитчӧ морта кадакывъяскӧд. Сійӧ тӧдчӧдӧ субъектыслысь эмоциональнӧй состояниесӧ, кодын сійӧ олӧ действиесӧ вӧчигӧн. Татшӧм тэчасьясыс паныдасьлӧны серпаса гижӧдъясын, фольклор текстъясын, вомгора сёрниын: - *Мыська, мыська!* – рад кӧсйыисис *Марья тьӧт* (Федоров, 1994 I:475). *Ме зськӧ, Педӧр Трӧпимович, рад колычча собрание вылад да (...)* *Да ог вермы, ог!* (Федоров, 1979:140). Рад зськӧ волывла, *но нинӧмӧн козьнасьныс* (Безносиколв, 1964:94). *Лэдз пӧ, кӧзяин, узыны, шувӧ пырысьыд.* Рад пӧ зськӧ лэдзи *да вердны пӧ нинӧмӧн* (Висер, 1986:172).

Морта формаа кадакывкӧд йитӧдын **рад** кывбердыс паныдасьлӧ нин 20-ӧд нэмся 20-ӧд воясса гижӧдъясын, Фокош-Фукс текстъясын: *те –re es'kEn rad volivla, n'inemen koz'navni* (F.Fuchs, I: 190). *Тэ кодъ уджалысьтӧ рад босьтам* (Федоров, 1987: 199).

Морта формаа кадакывйыскӧд паныдасьлӧ и **дась** кывберд, сійӧ тӧдчӧдӧ субъектыслысь действие вӧчны дасьлун состояниесӧ, состояниеслысь дасьлунсӧ: *Викторлы дзик пырсӧ эз сюр воча кывйыс, эз вермы шуны, мый сылы татшӧмторйыс веськодъ, но сылӧн шуанторйыс важӧн нин дась опис, сӧмын шуны коліс* (Е.Рочев, 1998:116). *Лэччисны кык друг сиктӧ. Кӧзяинлӧн, рыжӧй коми дядьӧлӧн, пывсян дась руалӧ* (Е.Рочев, 1998:97).

Определение - тайо предметлысь предикаттөм (непредикативной) признак петкөдлысь содтана член; сийо паськөдө, гөгөрвоөдө сёрникузьялысь эмакывйон петкөдлөм предмет вежөртаса член. Н.А.Голикова төдчөдө: «в идентифицирующей именной группе атрибут служит прежде всего для идентификации референта, указывая на его отличительные признаки» (Голикова, 1995:102).

Предметлысь качество, свойство грамматической вежөртасьяс петкөдлөм могысь сөвмөма кывберд, и тайо вежөртасыскөд йитчөма сылөн синтаксической функцияыс. Кывбердыс гөгөрвоөдө предмет нимтысь эмакывьяс, лоо налы определениеон. Атрибутивной функцияыс лоо кывбердыслөн подув функциянас. Сёрникузьян атрибутивной кывбердыс овло торйөдтөмөн и торйөдөмаон, татшөм кывбердыс определение пыддиыс вермө мунны өтнас, но определениесө сідзжө вермө артмөдны и мукөд кывьяскөд өтыв, паськөдөм определение пытшкын вермө лоны. Определение функцияас кывбердыс топыда йитчө субстантивной кывьяскөд, лоо субстантивной кывьясбердса членон. Атрибутивной кывбердьясылөн аслысплөслуныс тыдовтчө предмет вежөртаса кывсө гөгөрвоөдөмын, стөчмөдөмын (конкретизируйтөмын), доньялөмын. И.Н.Кручинина төдчөдө: «если прилагательное-предикат выражает признак, который приписывается предмету как актуальный для данного конкретного случая (трава зеленая), а прилагательное-атрибут обозначает признак, который мыслится как внутреннее свойство предмета, атрибутивные отношения (зеленая трава)» (Кручинина, 1990:349).

Атрибутивной функцияас кывбердыс стөчмөдө эмакывнас нимтөм предметыслысь вежөртассө, векньөдө предмет понятиялысь вежөртассө. Кывберд-атрибутыс колө эмакывйыслысь стөч вежөртассө петкөдлөм могысь; субстантивной кывйыслөн стөч вежөртасыс тыдовтчө сөмын кывбердкөд йитөдын: *лун - гожся лун, төвся лун; юөр - бур юөр, выль юөр. шог юөр, нимкодь юөр; удж - кокни удж, сьөкыд удж, төдса удж, бур удж. сьөд удж, лунья удж, рытья удж; керка - ыджыд керка, ичөт керка, төдса керка, мича керка, джуджыд керка, ляпкыд керка да с.в.* Атрибутивной кывбердыс петкөдлө предметыслысь признаксө кад вылө видзөдтөг, сёрни здуксө төд вылө босьттөг, сы вылө видзөдтөг. Определение пыдди мунысь кывбердыс шуанногнас да синтаксис боксяныыс топыда йитчө эмакывйыскөд, зависитө сыысь. Сёрникузьяс татшөм кывбердыс пырө субстантивной чукөрыскөд (группаыскөд), көні сюрөсанас лоо эмакывйыс.

Определениеыс да гогөрвоодыс (определяемой) кывыйс пасйоны отувья понятие. Определениеыслон сёрникузяс асшөрлуныс абу, сюрёса кыв-төгыс оз вермы лоны. Сюрёса эмакывтөгыс, сюрёса кыв вылас мыджсь-ытөгыс определениеыс оз вермы вежны сёрникузяс ассьыс инсö. К.Е.Майтинская тöдчöдö, мый нима кывъяссьыс зависитöмыс лоö определениелон медшөр грамматическöй признакас (Майтинская, 1960:199). Сюрёса кыв пьддиыс вермöны мунны быдпöлöс эмакыв, субстантивнöй кывъяс, кодъяс сёрникузьян нуöны уна сикас синтаксическöй функция, вермöны лоны сёрникузьяс сюрёса и содтана членьясöн: *Колö шуны, Эля озыр невеста* (Изьюров, 1984:279). *Гожся войыд дженьыд* (Куратова, 1983:31). *Керкаын пуксис чöв-лөнъ, көзьяка чышкалис кос синсö, а көзьян пуксис пызан дорö, кисьтис чай* (Изьюров, 1970:134). *Ичöт пыжөн Эжва шöрын чери кыйысь вуджö. Ворс жö чери, гыбав, чеччав Паськыд Эжва вылын* (Лыткин, 1985:56). *Виль купечлөн сиктö воöm ыджыд вильтор* (Юхнин, 1981:13). *А шондi век лыбöдчö югыдлöз енэжö* (Торопов, 1982:227). *Пуяслөн турунвиж шöвк коръясыс сiмисны да вочасöн заводитисны гылавны* (Рочев, 1951:59). *А аддзан, кызди няясыс öзйöны? Вижовгöрд биөн...* (Торопов, 1982:34).

Коми кывыйн определение пьдди мунысь кывбердыс оз вежлась, сюрёса кывыйскöд оз ладмöдчы (оз сöгласуйтчы), сюрёса эмакыв дорас сийö йитчö примыкание йитöдөн. Атрибутивнöй кывбердыс пыр сулалö субстантивнöй кыв водзас: *Локтиганыс кыпöдчис чизыр төв, муртса эз уськöд кок йылысь* (Изьюров, 1984:108). *Мöс лысьтысьяс котралисны пöдөнчаясöн. Картаясысь кылисны мöсьяслөн баксöмъяс, нывбабаяслөн мелi гөлöсьяс* (Изьюров, 1984:117). *Ас йывсьыс Филипп эз ставсö висьтав виль ёртъясыслы* (Юхнин, 1981:312). *Вöлины буретш медся дженьыд войяс* (Юхнин, 1981:261). *Яг шувгис лөк төлысь* (Куратова, 1983:164). *Регыд и май пуксис. Прамöя нин шондöдiс. Вежöдыштiс муыс, нырсö мыччисны медводдза коръяс* (Ульянов, 1992:92). *Мый йылысь сьылисны, мый йылысь юргисны Виль олöм тулыслөн медмича дзоридзьяс?* (Лыткин, 1985:34). *Но мый водзö вöчны баржа кодь керйыскöд? Öд сийö метр куим-нель эз сибав алькös берегöдз* (Торопов, 1982:14). *Вöрса пемöсьясидлы быдөнлы сьökыд овны, дона пи...* *Аслыныс колö перйыны кынöмпöт...* (Торопов, 1982:92). *Рытъя рöмыдыс ставсö нин сайöдалöма-дзевбалöма, нинöм пö узян-шойччан кадас бура тыдалöмсьыс...* (Шахов, 1988:116).

Атрибутивнöй тэчасьясын примыкание подчинительнöй йитöдыс лоö важ синтаксическöй йитöдөн, коми кывыйн öнiя кадöдз сийö бура воöма фин-угор подув кывсянь на. Подув кывъяс подчиняйтчысь, зависитысь кывыйс сулалöма сюрёса, подчиняйтысь кыв водзас. Кыв артлөн тайö законыс торйөн нин лöсьявлöма атрибутивнöй кывтэчасьяслы, наын определениеыс пыр сулалöма сюрёса определяемой кыв водзас (Майтинская, 1974:384-385; Майтинская, 1976:406; Хайду, 1985:254). Определение да определяемой кыв костас ладмöдчöмыслөн (согласованиеыслөн)

абутом вылас индоны и ония фин-угор кывъяс. Атрибутивной кывбердыс примыкайтö сюрöса кыв дорас ония венгр кывйын: *A jobb ebéd pedig többet ér a rosszabb ebédnél* «А чöскыдджык пажыныд бурджык чöскыдтöмджык пажынсьыд» (Майтинская, 1960:201). Определение пыдди мунысь кывбердыс примыкайтö ония мари кывйын: *Михайлов ужын: сагажы соталгы ўпан, шыма лицаан цевер ыдыр шалген* «Михайлов аддзис: сы дорын сулалö еджыд юрсиа, лöсьыд чужöма, мича ныв» (Коведяева, 1976:90-91). Мордва кывйын кывбердыс тшöтш вермö босьтны определениельсь функция, сзэни атрибутивной кывтэчасъяслы сідзжö медсясö лöсялö примыкание йитöд: *равжа туця / раужо пель «сьöд кымөр», равжа туцят / раужо пельть «сьöд кымөръяс», равжа туцятненди / раужо пельтнень «сьöд кымөръяслы»* (Феоктистов, 1975:335). Но мордва кыв туялысьяс пасйöны, мый атрибутивной кывбердыс корсюрö вермö босьтны уна лыдлысь суффикс, сюрöса кывйыскöд ладмöдчö лыдын, тайö пырджык тыдовтчö фольклор гижöдъясын: *сюповт братне неизь чарытнень ды арсить «озыр (букв. озыръяс) вокъяс аддзисны көлеса да мөвпалöны»*. *Блюдинеть лангсо кавто садовойть яблучкат «блюд вылын кык садöвöй яблög»* (МЯ, 1961:51). Мордва кывйын ладмöдчöм (согласование) йитöд корсюрö паныдасълöм йылысь пасйö и П.Хайду (Хайду, 1985:254). Определение пыдди мунысь кывбердыс оз ладмöдчы сюрöса кывйыскöд и ония Об вывса йöгра кывъясын (Гуя, 1976:286, 312).

Медматыс рöдвуж, удмурт, кывйын атрибутивной кывбердыс сідзжö пырджык примыкайтö: *Пöсь нунальёс вуизы «Пöсь лунъяс воисны», чебер сяськаос «мича дзоридъяс»* (ГСУЯ, 1970:158). *Эн ушйос кы умой ужэн, сойз но адзозы «Эн ошйысь бур уджөн, сйöс и сідз казяласны»* (Кельмаков, 1990:151). Но ония кадö удмурт кывйын определение пыдди мунысь кывбердыс корсюрö вермö босьтны -эсь уна лыда суффикс да вежлög суффикс, ладмöдчыны сюрöса кывйыскöд лыдын да вежлöгын: *паськытэсь урамъёсь «паськыд (букв. паськыдöсь) уличаяс», вылез корка «сйö выль керкаыс», вылезлы коркалы «сйö выль керкаыслы», вылезтэг коркатэг «сйö выль керкатöгыс»* (ГСУЯ, 1970:158). П.Н.Первошиков пасйö, мый сюрöса гөгөрвоодана нима кывъясыскöд ладмöдчöны сöмын -ез (-эз), -ыс торйöдана аффиксъяса кывбердъяс (Первошиков, 1956:306). Удмурт кыв грамматика небöгын тöдчöдöма, мый определение пыдди мунысь кывбердыс уна лыда эмакывйыскöд лыд формаас ладмöдчö шоча. Тайö овлывлö сэк, кор сёрнитысьыс либö гижысьыс көсйö тöдчöдны предметыслысь признаксö, кыскыны сы вылö вниманиесö (*бадзымесь коркаос «ыджыд (букв. ыджыдъяс) керкаяс»*). Кывбердыслысь эмакывйыскöд уна лыд формаас ладмöдчöмсö петкөдлö -эсь (-есь) суффикс: *чырткемесь пинальёс «збой зонъяс», секытэсь коръёс «сьöкыд керъяс», кузесь лучъёс «кузь потшъяс»* (ГСУЯ, 1962:128). Тайö уджас сідзжö тöдчöдöма, мый гөгөрвоодана эмакывъясыскöд вермöны ладмöдчыны сöмын -ез (-эз), -ыз торйöдана суффиксъяса кывбердъяс (ГСУЯ, 1962:128). Удмурт кыв грамматика уджын торйöдöны кык сикас подчинительной йитöд: при-

мыкание да ладмөдчөм (согласование) (ГСУЯ, 1970:157) да такөд йитө-дын – кык сикас определение: примыкайтись да ладмөдчана (согласуйт-чысь) (ГСУЯ, 1970:157).

Атрибутивной кывберд да сюрөса эмакыв костас согласование подчинительной йитөдсө пасйө и В.К.Кельмаков (Кельмаков, 2000:35). Гашкө, позьө чайтны, мый согласование подчинительной йитөдыс удмурт кывьяс сөвмө роч кыв төдчөм улын, но өнйя кадө помөдзсө сийө абу на сөвмө-артмөма. Определение пыдди мунысь кывбердлөн уна лыд форманас вөдитчөмын роч кыв синтаксислөн төдчөм йылысь гижөны и М.К.Каракулова да Б.И.Каракулов (Каракулова, 1995:329; Каракулова, Каракулов, 2000:42). Налөн чайтөм серти, атрибутивной кывбердыс уна лыдас паныдасьлө шоча, тайө формаыс оз лөсяв удмурт кывлы (Каракулова, 1995:329-330; Каракулова, Каракулов, 2000:42).

С.Сааринен лыддьө, мый определение пыдди мунысь кывбердыс эмакывйыскөд лыд формаас ладмөдчө (согласуйтчө) сөмын сэк, кор сөрнитөны төдса предмет йылысь, но сөрнитөны кө төдтөм предмет йылысь, то определение да определяемой кыв костас ладмөдчөмыс абу: *кузь боды* “кузь бөдь”- *кузесь бодыс* “кузь (кузьөсь) бөдьяс”- *кузь бодыос* “кузь бөдьяс”. Сийө төдчөдө, мый удмурт кывйын паныдасьлө тырвыйө ладмөдчөм сэк, кор кывбердыс босьтө эмакывйыслысь вежлөг суффикс да инданасалан суффикс: *бурыныз синмыныз* “*бур синьяс* (букв. *бурьясыс синьясыс*)” (Сааринен лекцияяс).

Коми кывйын определение пыдди мунысь кывберд да сюрөса эмакыв костас грамматической согласованиеыс абу, но колө пасйыны, мый өткымын кывберд сюрөса эмакывйыскөд ладмөдчө вежөртас сертиыс. Шуам, *ыджыд, ичөт* кывбердьяс паныдасьлөны өтка, торйөн босьтөм предмет нимтысь эмакывьяскөд йитөдын: *Емваль шөрө усьө ичөтик шор* (Коданев, 1970:30). *А со нин неыджыд өшиньыс югыдлөз лоис* (Торопов, 1982:45). *А гырысь, посни* кывбердьяс паныдасьлөны сэтшөм эмакывьяскөд йитөдын, кодьяс петкөдлөны уна өтсыма лыддыны позьтөм предметысь артмөм предмет, өтувья предмет, кодөс оз позь торйөдны, юкны, нимтөны парной предметьяс; тайө кывбердьясыс йитчөны уна лыд сема кутысь, уна лыд формаа эмакывьяскөд: *Дзуртан кос ялаысь да посни тэсь пувйысь өтдор ягас нинөм эз быдмы, пожөм пуяс кө он артав* (Юшков, 2001 I:53). *Асьявылыс посни зэрөн пызйыштіс* (Юшков, 1979:283). *Сийө чөвтліс синьяссө енэжпаны, көні ньөжйө кывтісны гырысь кымөрьяс* (Тимин, 2000:17). *Найө кыскалісны татчө шыльыдөдз гөгрөстөм гырысь изьяс* (Тимини, 2000:177). *Водзылас посни воськовьясөн тюрис Машө, сы бөрысь Вячеслав* (Напалков, 2000:28). *Том, веж турун вылын посни сикөтш моль моз лайкьялө лысва* (Напалков, 2000:57). *Посни воськолөн, пөсялөмысла ульсалөм синмөн, и лашиктіс нөрыс йылас* (Юшков, 2001:232). *Гырысь гыяс локталісны ю шөрпаныыс да кучкалісны, резісны берегсө* (Игнатов, 1963:80). *Жар гожөмын косьмөны нюрьяс да посни шорьяс* (Коданев, 2001:13). *Гырысь чөд тусьяс личкөмаөсь корь-*

яссө (Коданев, 2001:19). Куим пожом вылын, кодъяс кыпöдчöмась ту-
ганöдзис, пукалисны гырысь и посни лэбачьяс (Коданев, 2001:127). Ошинь
сайын посни тусьон зэрис (Тимин, 2000:36). Би Кабыр айкалөн гырысь
керъясысь тэчөм керкаыс зымвидзис вывтасынын, джуджыд ва гөп дор-
сянь неылын (Тимин, 2000:33). Пöчыс төрытнас быдса нөб вайис гы-
рысь пластъясөн кульём сямöдсө (Напалков, 2000:53). Веж видзьяс
пöлөн, посни гальки вывтi, сяльöдчигтыр визувтö ичөтик ю (Куратова,
1974:136). Лывкмунилс да сялькөбтылис пыжыс батыслөн быд сыныш-
тлөмысь, тувөн ордйöдлис ньылыдыс ваян вижоват посни быгсö (Юш-
ков, 1988:72). Мед нин төвнассö пöрöдчöны. Сэк көть муыс кын да быд-
лаб сибалан. И посни вöрыс озджык доймав лымйыс понда (Юшков,
1988:98). Дерт, и мукöд пöлс посни изйыс, гальяис, и рудыс, и лöзыс,
пасьтала куйлис (Юшков, 2001:49).

Мортлысь арлыд петкöдлысь ыджыд, ичöt кывбердьяс сiдзжö па-
ныдаслөны öтка лыда эмакывъяскöд, öти мортос нимтысь эмакывъяскöд
(ичöt чой, ыджыд вок, ичöt нывка, ыджыд пи), а уна мортос, коллектив
нимтысь эмакывъяскöд йитчöны посни, гырысь кывбердьяс: Ме көсья,
дона ёртъяс, медым тiян удж вылад посни челядь вöсна сьöлөмныд эз
вись (Куратова, 1995:6). Ыстiсны менö татчö востны выль детскöй
сад тiян посни челядьлы (Куратова, 1995:69). Эз вöв кокни мамыслы
öтнаслы посни челядькöд (Изьюров, 1980:174). Вичкогöгöрса топыд
потшöсьяс сайын чукöрмисны аняяс, посни челядь да пöрысь пöль-пöчьяс
(Тимин, 2000:90). Ин пэт, пиö, гырысь зонъяс локтöмаöсь (Жилина,
1998:426). Гырысьджык пияныд, Оксинь висьталiс, вöралöны (Шахов,
1999:400). Да, кык вокъяслөн гырысь челядь выим (Шахов, 1999:343).
Гöтырыс кулём бöрын гырысь челядь дiнö выль мамöс налы вайöдны эз
лысьт, көть сиктын сюрисны уна бур дöваяс (Изьюров, 1975:56). Уджа
пö, пиö, гырысьджык чой-вок пыддиыд, ышöдлис бать. И уджавлис гыры-
сьяс моз, быдтор старайтчис вöчны на ног (Рочев, 1998:50). Гырысь
чоя-вокаясыс сылөн öттшöтш пыльснитiсны-серöктiсны (Шахов,
1999:120).

Колö пасйыны, мый тайö кывбердьясылөн пытшкөсса вежортасыс
вермö индыны и сюрöса эмакывйислөн лыд вылас: гырысь (посни) изйыс
пасьтала куйлис тэчасын петкöдлöма, мый изйыс абу öти, а уна, та вылö
индö определение пыдди мунысь кывбердыс, көть ачыс эмакывйыс öтка
лыдын. Но ыджыд из ваас тыдалö тэчасысь тыдовтчö нин, мый предме-
тыс öти, та вылö индö ыджыд кывбердыс. Эз вöв ёна джуджыд ваис (...),
и посни чери сöмын бергалiс (...) (Юшков, 2001:24), (...) посни чери и
босьтiс Бияр Гортсьыс (...) (Юшков, 2001:231) сёрникузясысь сiдзжö
тыдовтчö, мый чериыс абу öти, а уна, и та вылö индö посни кывбердыс,
көть эмакывйыс öтка лыдын, но Ас вылас кыскö ыджыд чериöс (Белых,
1997:122) сёрникузяын петкöдлöма, мый предметыс, чериыс, öти.

Сёрникузяас вермас лоны весиг уна лыда сказуемöй öтка лыда подле-
жащöй дорын, сылөн кө эм гырысь, посни кывбердөн петкöдлөм опреде-

ление. Татшөм определениеыс индө, мый подлежащөяс нимтөм предметыс абу өти, уна, сы вöсна сказуемöйыс координируйтчө подлежащöйыскөд лыдын: *Пемыд вуджөръясыс сэтысь, сой кузяось да пес кызаось, пыр и сюйсисны синмас. Гырысь комыс, вöлөмкө, өксөмаось сэтчө. Петөмаось нин посни ёльяссыс, кытөн дзевсясьоны гожөмнас (...)* (Юшков, 2001 I:71). *Медводз кырта йылас и кайлис Бияр, видзөдис гобликас, сэтөнось абу на гырысь комыс. Ен ськөдөн, сэнось на вöлины* (Юшков, 2001 I:74). *Кымын матыстчис зудья-изья кырта динас, сымын сюсьджыка синмалис Бияр гобликьяссө, зз-ө нин кылөдчыны гырысь комыс, улөджык кытчөкө суетны, но некысь на найөс зз аддзыны* (Юшков, 2001 I:74).

Атрибутивнöй кывбердыслөн зэв аслыспөлөс подчинительнöй йитөд тыдовтчө удора сёрнисикасын. Сэни индан-асалан суффикса эмакывъяс-бердса кывберд-определениеыс тшөтш вермө босьтны индан-асалан суффикссө, тыдовтчө тайө формаас ладмөдчөм: *Любейö мамö шулис* (Сорвачева, Безносилова, 1990:196). *Любовнöйö да батьöйö мянөс тутыштис (быдтис)* (Сорвачева, Безносилова, 1990:55). В.А.Сорвачева аслас уджас вайөдө видлөг, көни сюрөса эмакывыс и атрибутивнöй кывбердыс сулалөны өти и сийө жө вежлөг формаын: *бурö мортö воис* (Сорвачева, 1961:488). Сийө сідзжө пасйө, мый удора сёрнисикасын определение пьдди мунысь качественнöй кывбердыс да шөркывыс керан вежлөга определяемöй эмакыв бердын босьтөны –ө суффикс, кодлы мукөд сёрнисикасын лөсялө –өн: *чойö здоровьесө лёкө гижө* (Сорвачева, 1961:488). Тані тыдовтчө определениеыслөн сюрөса кывйыскөд ладмөдчөм. Но колө пасйыны, мый вайөдөм видлөгас кывбердыс нуө предикативнöй определениельсь синтаксическөй функция. Туялөм материалыс петкөдлө, мый сёрникузяын кывбердыс вермө босьтны аслыспөлөс функция – предикативнöй определениельсь функция. Та дырйи кывбердыслөн тыдовтчө кыкпөвста синтаксическөй йитөд: веськыд дополнение либө подлежащöй пьдди мунысь эмакывыскөд да кадакыв-сказуемöйыскөд. Сийө петкөдлө предметыслысь признаксө и гөгөрвоөдө определениесө, вешйө субстантивнöй кыв дорсьяс кадакыв дорас. Татшөм кывберд-определениеыс веськыд дополнение пьдди мунысь эмакыв дорө йитчигөн босьтө керан вежлөглысь –өсь (-тө, -сө) суффикс. Татшөмторйыс лөсялө оз сөмын удора сёрнисикаслы, но став сёрнисикасылы и гижөд кывлы: *Обязательство-яс ми босьтим гырысьөс* (Шахов, 1977:163). *Петюкөс өд вежөртөмөс менсьым пышйөдисны* (Шахов, 1999:512). (Татшөм определение йывсьыс подробнөйджыка "кывберд-предикативнöй определение" юкөнын).

Откымын өнйя рөдвуж кывйын сөвмөма ладмөдчөм подчинительнöй йитөдыс. Шуам, Балтика бердса фин кывъясын определениеыс ладмөдчө сюрөса определяемöй эмакывъяскөд вежлөг да лыд формаын, фин кывйын: *musta kissa* "сьөд кань", *mustat kissat* "сьөд каньяс", *pieni talo* "ичөт керка", *pienet talot* "ичөт керкаяс", *pienessa talossa* "ичөт керкаын", *pienesta talosta* "ичөт керкаысь", *iso talo* "ыджыд керка", *isot talot* "гырысь керкаяс" да с.в. Карел кывйын: *Verestü sanomaa toin* «выль юөр вайи», *uuhha*

Keitettih Verekšeštä Kalašta «черивасо пуим свежой черивысь» (Федотова, 1990:35). В.П.Федотова тӧдчӧдӧ, мый карел кывйын атрибутивной кывбердыс корсюрӧ, шоча, примыкайтӧ сюрӧса субстантивной кывдорас, но татшӧм вежласьтӧм кывбердыс сэнӧ этша. Аслас уджас сийӧ вайӧдӧ *aika* «изрядной», *ala* «улыс», *eri* «уна сикас, уна пӧлӧс, торъя», *nulko* «порядочной», *toši (to i)* «збыль, збыльвывса, прамой», *pikki* «ичӧт», *taka (taga)* «бӧръя, бӧрвывса, сайса, мышса», *viime* «бӧръя, кольӧм», *ülä* «вылыса» вежласьтӧм кывбердыяс: *mie olin pikki tuttö* «ме вӧли ичӧт нывка», *viime vuotena hian jo käläšti* «кольӧм воӧ ме чери кыйи нин» (Федотова, 1990:35).

Кывтуялысьяс гижӧны, мый определениеслӧн сюрӧса определяемой кывйыскӧд ладмӧдчӧмыс артмӧма-сӧвмӧма сӧрӧн, та вылӧ тӧдчӧмаӧсь балтика да германской кывъяс, кӧни паськалӧма определение да сюрӧса кывкостас ладмӧдчӧмыс. Б.М.Клаас гижӧ: «Согласование прилагательного определения с основным словом является признаком, который объединяет прибалтийско-финские языки с индоевропейскими языками и отличает их от восточной группы финно-угорских языков. То, что согласование прилагательного определения с основным словом развилось в языках, которые были в тесных контактах с балтийскими, позволяет здесь видеть балтийское влияние» (Клаас, 1988:10). Но та вылӧ эм мӧд видзӧдлас. А.Лаанест П.Равила видзӧдлас вылӧ мыджсьӧмӧн, чайтӧ, мый ладмӧдчӧм йитӧд артмӧмыслӧн подулыс вӧлӧма фин-угор кывъясас (Лаанест, 1975:111-112).

Ӑния коми кывйын атрибутивной тэчасьяслы лӧсялӧ зумыд кывпӧрадок: кывберд-определениес пыр сулалӧ сюрӧса определяемой эмакывводзас: *Vois kӧдзыд тӧв. Видз вылын быдмӧны мича дзоридзьяс. Мам пӧжалис чӧскыд нянь.* Эмакыв бӧрас сулалысь кывбердыс сӧрникузяын лӧӧ нин предикатӧн. *Тӧлыс кӧдзыд. Видз вылын быдмысь дзоридзьяс мичаӧсь. Мамӧн пӧжалӧм няньыс чӧскыд.* Татшӧм кывартыс лӧсялӧ и мукӧд рӧдвуж да агглютинативной абу рӧдвуж, шуам тюрк, кывъяслы. Атрибутивной тэчасьясас татшӧм сяма кывартыс вӧлӧма урал подув кывйын на. П.Хайду тӧдчӧдӧ: «В уральских языках управляемое (зависимое) слово предшествует, как правило, управляющему (главному) члену конструкции. Это одно из важнейших правил порядка слов в уральском праязыке. В соответствии с этим правилом определение предшествует определяемому слову» (Хайду, 1985:254). Тайӧ правилӧыс коми кывйын бура воӧма ӧния кадӧдз.

Сӧрникузяын атрибутивной кывбердыслӧн тыдовтчӧ гӧгӧрвоӧдана (*веж турун быдмӧ видз вылын, еджыд пым гӧгӧр*), торйӧдана (*классын эмӧсь дыш велӧдчысьяс*) да донъялана (*бур мортӧс ставыс пыдди пуктӧны*) функция.

Определениенас вермасны лоны качественной и относительной кывбердыяс. Качественной кывбердысыс петкӧдлӧны ловья да ловтӧм предметлысь быдпӧлӧс признак веськыда, найӧ индӧны сэтшӧм признакъяс вылӧ, кодъясӧс ми веськыда аддзам, кылам, чувствуитам. Татшӧм кыв-

берд-определениеыслөн вежортасыс вермас лоны уна сикас. Шуам, сійö вермö петкöдлыны предметыслысь ыдждасö. *Пес вöчан участоклөн контора вöли неыджыд сиктын* (Юхнин, 1981:288). *Бабö, кылö, гольöдчö пескөн, ломтö пач, а дед лапöдö менö ыджыд кинас, узьышт на пö, дитюк, узьышт* (Куратова, 1984:5). *Домень мунис, восьтис гаражлысь паськыд öдзöссö* (Изьюров, 1984:47). *Коді-коді, а Нося, ыджыд карьясын олöм мортыд, кужö торйöдны мичатö мисьтöмсьыд* (Рочев, 1984:348). *Вöвлöм салдат Елесь Иван да Герасим Сладкостиев петисны туйö ва ямны заводитигөн неыджыд пыжөн* (Тимушев, 1986:68). *Петисны вөр дорö. Воссис неыджыд эрд* (Тимин, 2000:52). *Ю шöрас быгялисны гырысь гыяс, вадорланьыс визулыс лöньджык вöли* (Тимин, 2000:83). *Алеша петис автобусысь киас ыджыд сумкайн* (Напалков, 2000:92).

Кызди тыдовтчö видлөгьяссьыс, татшöм вежортаса кывберд-определеиясыс унджыкысьсö йитчöны ловтöм предмет нимтысь эмакывьяс дорö. Зэв шоча найö паныдасьлöны ловья предмет нимтысь эмакывьяс дорын, сэтшöмьяснас пырджык лöоны лэбач, пöтка, чери, пемöс да öткымын татшöмсяма эмакыв. *Вөр керка гөгöр гажаа джива-джавакылисны посни лэбачьяс* (Тимин, 2000:50). *Куим пожöм вылын, кодьяс кыпöдчöмаöсь туганöдзыс, пукалисны гырысь и посни лэбачьяс* (Коданев, 2001:127). *Куканьяслы колö турун. Дай гырысь скöтлы тшöтш* (Жугыль, 2001:17). *Но тайö сöмын ярмөдис мянөс да нöшта нин ызьёдис кыйны Аред моз зэв пöрысьöдз олöм, нитшсялöм нин мышка зэв ыджыд черисö, коді зськö и верстьöяслы вöли лэптымөн* (Белых, 1997:119).

Ныв, зон, чой, вок, пи, челядь мортöс нимтысь эмакывьяскöд йитöдын **ыджыд, гырысь, ичöt, посни** атрибутивнöй кывбердьясыс гөгöрвоөдöны тайö эмакывьяснас нимтöм ловья предметсö, мортсö арлыд сертиыс: *Посни челядь сымда шуксьылис и том йöзлөн рытьяснас гажыс пулывліс* (Куратова, 1995:203). *Эз вöv кокни мамыслы öтнаслы посни челядьыдкөд* (Изьюров, 1980:174). *Вичкоясгөгöрса топыд потшöсьяс сайын чукöрмисны аняяс, посни челядь да пöрысь пöль-пöчьяс* (Тимин, 2000:90). *Гырысьджык пияныд, Öксинь тьöt висьталіс, вöралöны* (Шахов, 1999:400). *Уджав пö, пиö, гырысьджык чой-вок пыддиыд, ышöдліс бать. И уджавліс гырысьяс моз, быдтор старайтчис вöчны на ног* (Е.Рочев, 1998:50). *Ме весьтö копыртчöмаöсь гырысь чой-вок, батьмам да видзöдöны-доньялöны, мый менам артмö* (Шахов, 1988:24). *Мем мыйлакö яндзим петкöдлыны синваös ыджыдджык чойлы* (Куратова, 1983:8). *А на вöсна, гырысьджык пияныд вöсна, Öлексей Пантилювич, нинöм на тöждысьны, асьныс батьяс* (Юхнин, 1983:30). *Менам гырысьджык вокьяс сідзи эз и велавны вадор дїнад* (Белых, 1997:121). *Видзöда, гырысьджык чой-вок гөбöч вывсянь пöлатьö кайисны* (Шахов, 1988:9). *А дзик орччөн моз посни нывкаяс чеччалісны пöv вылын* (Шахов, 1995:74).

Атрибутивнöй качественнöй кывбердьясыс вермöны сетны предметыслы кад серти признак, ловья ловлы, мортлы – арлыд серти признак. Татшöм вежортаса кывбердыс абу уна, кад серти признак вылас, шуам,

индоны **выль, важ, водз, сёр** кывбердъяс, арлыд вылас – **том, пöрысь**. Важ кильчö помын сулалісны *Матвей Степан ая-пиа* (Юхнин, 1981:34). *Тасянь матын сикт эм, со важ туйыс сэтчö пырö* (Напалков, 2000:293). *Ю бокин сулаліс энэвтöм важеник керка* (Коданев, 2001:14). *Гöтрасьöм бöрас том гозья мөвпыштисны лöсьöдны аслыныс поз – кыпöдны выль керка* (Ульянов, 2001:5). *Кайис гöбöч вылас, паччөр öшинь пырыс видзöдліс выль керкаланьыс* (Напалков, 2000:56). *Тайö тай выль самöвар нин босьтöмаось* (Жилина, 1976:122). *Ме водз асывсянь пукалі аслам жырйын вичколаны öшинь дорын, вышивайті тайö көшельсö* (Тимушев, 1986:62). *Сиктса сынöдыс, сөнъяс мудзтан уджыс сьölöм выв Роман Григорьевичлы. Сёр арöдз тан кутас ноксьыны* (Напалков, 2000:61). *Гöстьясыд талун оз бырлыны сёр рытöдз* (Юхнин, 1981:89). *И збыльысь, водз асывсянь сёр рытöдз тюръяліс керкатыс и керка гöгöрыс да збыльысь шуркөдіс-шаркөдіс став гортгöгöрса уджсö* (Шахов, 1999:164). *Найö сёр войöдз пукалісны ас кежаныс, весиг писарлы отсасьысь Елесь Иванös водзджык ыстисны волостной управаысь* (Тимушев, 1986:20). *Том* *войтырыс öні дыш ми сертиным* (Сорвачева, Безносикова, 1990:89). *Пöрысь* *мортыдлы паччöрыд муса* (Жилина, 1976:67). *Шöркос* *нылос верос сайö сеті* (Жилина, 1998:64).

Колö пасйыны, мый татшöм вежөртаса кывбердыс коми кывъяс абу уна, кад вылö, шуам, индоны **важ, выль, водз, сёр** кывбердъяс, арлыд вылö – **том, пöрысь, шöркост** да, кызди вöлі пасйöма нин, **ыджыд, ичöt, гырысь, посни**. И змакывйыс, кодъяскöд йитчöны тайö кывбердъясыс, абу жö зэв уна, кад серти признаксö петкөдлысьясыс йитчöны **тöv, ар, гожöм, тулыс, асыв, рыт** змакывъяскöд, а арлыд серти признак петкөдлысьясыс йитчöны медсясö сöмын мортös нимтысь змакывъяскöд: **пöч, пöль, нывбаба, мужичöй, ныв, нывка, зон, зонка, йöз, войтыр, челядь, чой, вок, чой-вок** вермöны йитчöны пемöсьяс нимтысь змакывъяскöд (*пон, мös, вöв, кань* да с.в.). *Пöрысь* *пон кушö оз улт* (Сахарова да мукöд, 1976:142). Корсюрö татшöм кывбердъясыс йитчöны кад абстрактной змакывкöд, векнöдöны сылысь вежөртассö, сы дорын определениеыс овлö пыр быть колана. *Да, ме öмöй татшöм вöвлі сэки, том* *кадъясö!* *заводитіс Илья* (Юхнин, 1981:122). *Ивашкалысь челядьдырсö да том* *кадсö позьö öткодявны шондіа гажа гожөмкөд* (Парначев, 1999 №10:17). *Пришвинös да Тургеневös лыддигөн Леонид мөвпнас вуджөдліс асьсö сійö* *важ* *кадас, кор вöралöм да чери кыйöм вöлі шойччöм-гажөдчөмөн* (Парначев, 1999 №10:14).

Коми кывйын паныдасьлö зэв аслыспöлös йитöд, **кузь** кывберд йитчö **арбыд, тövбыд** када урчитанъяскöд да кутö кад серти признак: *Том* *гозья сэки пöшти* *кузь* *арбыд и тövбыд пöрöдчисны да кыскачисны, вöралан керкааныс ёнджыкасö олісны* (Торопов, 1995:6). *Öти лунö ставсö жöритісны. Нинöм оз кольны. А тэ на бöрын виньгырт* *кузь* *тövбыд, виньдав паренчаөн да кушманён, сьöд тшакён да капустаён* (Юхнин, 1981:78).

Определение пидди мунысь качественной кывбердьясыс гогорвоодоны сюрёса эмакывнас нимтом предметсё пертас сертиыс: *Модлапöлын, алькös лыа сайын, сьодвидзисны мös гидьяс, а на сайын сулалис лыска вөр* (Федоров, 1981:51). *А со и зогрös пызаныс* (Ульянов, 1992:33). *Кузь пызан сайын районаса военком, шөр арлыда, кос чужöма морт* (Ульянов, 1992:92).

Атрибутивной кывбердьясыс сетöны мортлысь ортсыса признакьяс, гогорвоодоны мортсö ортсыс сертиыс: *Ме пукала Илья Ильичлы паныдөн да казявтөг ог ов, кыдзи злалис мортыслөн косиндзи чужöмыс да кыдзи сийö курччис весиг улыс парсö* (Торопов, 1988:217). *Сапкис уль лым. Орча балкон вылас тшög нывбаба öшлис песпалём колуй* (Напалков, 2000:225). *Косиник чужöмсыс чышкыштис пöсьсö, шильöдыштис гөрдоват уссö и дыр дзөрьялис гөгөр* (Коданев, 2001:14). *Илья öни видзöдис мамыс вылö сэтшöм ногөн, быттö кöсийис аддзыны косиник кузь тушасьыс мыйкö вильногаös – мичаджыкös, лададжыкös* (Юхнин, 1955:173).

Татшöм вежортаса кывбердыс абу жö вывти уна; на лыдö, шуам, пырöны кыз, вöсни, жеб, тшög, кос, ичöt.

Мортлысь ортсыса признакьяссö петкөдлгөн ыджыд, ичöt, кузь кывбердьяс пырджык паныдасьлöны тушаа относительной кывбердкөд йитöдын (*ыджыд тушаа морт, ичöt тушаа ныв, кузь тушаа зон*), рём петкөдлысь кывбердьяс - синма, юрсиа относительной кывбердьяскөд йитöдын (*лöz синма зон, сьöd синма ныв, еджыд юрсиа зон, сьöd юрсиа морт да с.в.*), паськыд, векни да с.в. кывьяс – пельпома относительной кывбердкөд йитöдын (*паськыд пельпома мужичöй, векни пельпома зон*).

Атрибутивной качественной кывбердьясыс вермöны восьтны и мортлысь, ловья ловлысь пытшкөсса качествояссö, вежорсö (умственной качествояссö), характерсö. На лыдö пырöны, шуам, скөр, горш, зиль, рам, дыш, сюсь, мелі, сибыд, зумыш, збой, варов, шань, сюсь, мудер, востер, йöй да с.в.: *Бара, буракö, талун скөр начальныкыд локтöма* (Куратова, 1995:123). *Поезд вөрзöм бöрын йöz чукöрыс быттöкö бөрвыс сетчис, лои вöляджык. Кутшöмкö збой войтыр со кавшасьöны вагон подножка вылас веськыда поезд мунігас* (Куратова, 1995:10). *Сийö эз нин вермы помöдз кывзыны варов пöчös, синьясыс асьныс куньсисны* (Тимин, 2000:150). *Лизаös киöдыс кутöмөн и нуöдис мөд жырьяс пыртан öдзöсланьыс тайö сибыд да мелі аныс* (Шахов, 1999:30).

Татшöм кывбердьясыс восьтöны и пемöсьяслысь пытшкөсса качествояссö: *Юсьылас да сиктса медся скөр поньясыс сыысь пос улö вöлі дзесьöны* (Попов, 2001:145). *Миян юясын да тыясын олö медся горш чери-сир* (Коданев, 2001:38).

Вайödөм кывбердьясыс вермöны босьтны вуджодан вежортас да йитчыны ловтöм предметьяс нимтысь эмакывьяскөд, кывбердьясыс сетöны ловтöм предметыслы ловья предметлы лöсялысь признак, ловзьöдöны предметсö: *Мукöддырйи петавлö дышник төвру, котортас ю кузя, серсер вöчыштас ва вылыссö, бөр ланьтöдчö* (Федоров, 1982:78). *Рам шондi мелiа синьяссö читкыртлö* (Лыткин, 1985:42).

Атрибутивной кывбердьясыс тшоқыда петкөдлөны лөвтөм предметлысь пытшкөсса свойствояссө. физической качествосө. На лыдө пырөны, шуам, уль, кос, небыд, чорыд, сирөд, зыбуч, дзурыд да уна мукөд кывберд: *Но мөд сёрниыс эз нин пансыы, сьылөмыс ни. Уль пескөн биасьом кодь и лои* (Юшков, 1988:198). *Сирөд сартас өзйис өдйө* (Тимуршев, 1986:14). *Брөдитис лунтыр, веськөдчис нин гортлань юрөн и друг веськалис зыбуч нюрө* (Куратова, 1995:88). *Сирөд кондаысь Бияр кералис ломзьөдчыны чаг да би перйис* (Юшков, 2001:12). *Пырөмөн тшөтш дзоля пачсыыс қос пессө ломзьөдис, өдйө и доналис көрт плитаыс* (Напалков, 2000:51). *Пөльыштис төвру, вайис қос турун дук, казьтыштис Иванлы челядьдырсясө* (Ульянов, 1992:96). *Кыв он лысь шуны – ыпнитөны қос сямөд моз* (Ульянов, 1992:126).

Определение пыдди мунысь кывбердыс вермө гөгөрвоөдны и вещьество петкөдлысь эмакыв: *Төлыс лөкысь ува-авакылис, пуркөситис қос лимсө, сьавкйис чужөмас* (Тимин, 2000:123). *Уль лым шляпкис-усис кынмывлытөм на му вылө да здук мысти сылис нин, көтөдис-няйтөсьтис гөгөр* (Ульянов, 1992:31).

Качественной атрибутивной кывбердьясыс вермөны индыны и сюрөса эмакывнас петкөдлөм предметыслөн рөм вылас: *Өти зэв ыджыд лөзовьеджыд дзоридз тыдалис (тыын), ки пыдөс пасьта воссьөма* (Юшков, 1979:7). *Чөвтпис синьяссө вывлань, көні помасьлытөг люньгисныкывтисны рудов кымөрьяс* (Тимин, 2000:112). *Илья синьяс водзын сөмын сьөд пөтөлөк* (Юхнин, 1981:123). *Сйө вольсалис еджыд пызан дөра, вайис нянь да паньяс* (Юхнин, 1981:40). *Сьөдлөз енэж вылө, тулыс воөм вылө видзөдө и Василөк* (Изьюров, 1984:155). *Сьөдлөз ты пласьтвидзө дзик вөр шөрын* (Изьюров, 1970:206). *Пуяслөн турунвиж шөвк корьясыс симисны да вочасөн заводитисны гылавны* (Рочев, 1951:59). *Вылын, керос йылын, сөстөм небесаө кайис сьөд тшын* (Изьюров, 1984:66). *Сынөдыс руакодь, лөнь. Енэжын муртса чутвидзыштөны гөрөд кодзувьяс, оз вөрзыны, сэтшөм жө көдзыдөсь* (Пыстин, 1987:222).

Сьөд кывберд вой эмакывкөд йитчигөн вермө петкөдлыны кад серти признак, сйө петкөдлө войыслысь медшөр юкөнсө, сёр кадколаст: *Ывла уджыс талаялө, көть сьөд войсө эн водлы* (Шахов, 1977:11). *Өтнадтө, Володя, збыль гажтөм. Овлө, сьөд войөдз оз унмовсь* (Ульянов, 1992:39).

Определение пыдди мунысь качественной кывбердыс петкөдлө и сёян-юанлысь көрсө: *Ми со сёям шома пельысь да радлам* (Изьюров, 1984:95). *Попаддя зэв баскөа вотчас, чөскыд пажун да винастор пуктас да мөдөдас* (ОКЗР, 1971:14). *А пөжасян пачсыыс дэльөдана чөскыд сёян көрөн өвтө* (Безносииков, 2001:104).

Атрибутивной кывбердьясыс вермөны петкөдлыны и предметьяслысь температурной признакьяс. Татшөм кывбердыс абу уна, на лыдө пырөны шоныд, көдзыд, дэбыд, пөсь, жар, ыркыд, саль, сайкыд да с.в. На пивысь шоныд, көдзыд, пөсь кывбердьяслөн йитөдьясыс медся паськыдөсь, найө вермөны йитчыны конкретной, вещественной да кутшөм-

сюро абстрактной кывбердкөд: Медводз пось юквасё панялөй, а то көдзала (Напалков, 2000:109). Дмитрий лэччис ю дорө, пожъевтис чужомсё көдзыд ванас (Напалков, 2000:146). Термосысь юис пось чай и петис автобус сувтланінө (Напалков, 2000:274). Шоныд зшкын улын зэв лосьыд (Жугыль, 2001:16). Йёзад шоныд керкаө да дась пызан сайө оз виччысьны (КПП, 1973:144). Бригадир лосьодыштис шапкасө. Петис. Бара ыркнитис көдзыд ру (Куратова, 1995:4). Десятилеткаса интернатын өти койка вылын узылісны. Дзик абу өткодьбось, а көдзыд ваён он торйөд өта-мөдсьыныс (Васютов, 1978:152). Шоныд муясө төвйыны лэбисны юсьяс (Напалков, 2000:72). Вөр кыскалан трасса кынмөма нин крепыда. Кольөм көдзыд лунъяснас сійө төдчымөнья топаліс, и состав лэччис рөвнөя (Изьюров, 1984:68). Унаысь кыйліс ас вылас тайө көдзыд видзөдлассө (Попов, 2001:136). Дэбыд кывберд йитчө вещественной эмакывьяскөд: Дэбыд тшайыд абу тшай. Ыркыд, саль, сайкыд кывбердьяс йитчөны медсясө вөр-ва явленияяс, поводдя петкөдлысь эмакывьяскөд: Ыркыд поводдя пуксис. Сайкыд войяс матысмөны.

Определение пыдди мунысь уна кывберд доньялө сюрөса определяемөй эмакывнас нимтөм предметсө: Гөгөр сулалө мича вөр (Изьюров, 1984:182). Лосьыд книгаяс өд вайи (Куратова, 1974:47). Менам абу правоыс кольны сісьмөм вылө ягсьыс медмича пожөмьяссө (Торопов, 1988:182). Сыктывкарын первой олі домработницаын. Зэв бур семьяө веськалі. (Изьюров, 1984:61). Матігөгөрсө вөрсянь воис озыр арлөн чөскыд көрыс (Изьюров, 1970:257). А ныв быттьө мездмис морөс вылас личкысь сьөкыдысь, сувтис, мича синъяснас веськыда видзөдліс Габө вылө (Тимушев, 1986:88). Чернад Сандра вөдитчыліс – омөлик мужиклы сідз не керасьны. Дөва олөмыд тай абу ма чунялөм (Федоров, 1979:358).

Сёрникузяс определение пыддиыс вермөны мунны оз сөмын подув тшупөда, но и өткодялан да медвылыс тшупөда качественной кывбердьяс: Мый йылысь сьылісны, мый йылысь юргисны Выль олөм тулыслөн медмича дзоридзьяс? (Лыткин, 1985:34). Ёна забеднө лои Мишкалы. Сылөн төмдзык вокыс быд боксянь шудадзык сьысь (Юхнин, 1981:158). Крут-джык зэр көмөдас, керка пытшкөсын узян места оз сур (Доронин, 1995:8). Регыд и май пуксис. Прамөя нин шондөдіс. Вежөдыштис муыс, нырсө мыччисны медводдза корьяс (Ульянов, 1992:92). Сэсся сійө казяліс кыз сьөд пучер вылысь гөрд урөс, на нөшта на долыдмис, медбур төдсалы моз нимкодьмис (Торопов, 1988:228). Менам абу правоыс кольны сісьмөм вылө ягсьыс медмича пожөмьяссө (Торопов, 1988:182). Медічөт вокыс, Шурик, лажыньтчөма водз пуклөс вылө да вильшасьөмөн чарснитлө пыж бокын сяльөдчысь васө (Торопов, 1982:6). Думысь бурджык да мичадзык олөм лосьөддөм ради олі-мырси (Торопов, 1982:229).

Өнія коми кывйын ёна сөвмөны относительной кывбердьяс, наён вөдитчөмыс ёна паськалө. Найө тшөкыда паныдасьлөны гижөд кывлөн быд пөлөс стильын, фольклор текстьясын, став сёрнисикасас. Татшөм кывбердьясыс тшөкыдөсь нин 19-өд нэмся гижөдьясын. Коми кывья от-

носителной кывбердьясыс, буракo, ёнджыка сoвмoмаoсь oткымын рoдвуж кывйын серти. Шуам, карел кывйын найo абу ёна паськалoмаoсь. В.П.Федoтoва тoдчoдo, мый найo ёнджыка паныдасьлoны лунвыв да шoр карел сёрнисикасьясын, кoнi паськалoма карел-рoч билингвизм, нo шoч-джыкoсь вoйвыв карел сёрнисикасьясын, кoнi пoрысь йoзыс рoч кывсo лeкджыка тoдoны. Тайo пoдув вылас да Л.Кеттунен видзoдлас вылo мыджсьoмoн В.П.Федoтoва вoчo кывкoртoд, мый oтнoсительной кывбердьясыс карел кывйын артмoмаoсь сёрoн, налoн артмoм вылас ёна тoдчoма рoч кыв (Федoтoва, 1990:37). Коми кывйын жo oтнoсительной кывберд чукoрыс зeв oзыр, уна сикас, пoшти быд эмакывйысь, тшoтш и рoчысь пырoмаясысь, пoзьo артмoдны кывберд. Эм уна зeв аслыспoлoс, коми кывлы лoсялана кывберд, кoдьяслы, шуам, рoч кывйын лoсяланаясыс абуoсь.

Oтнoсительной кывбердьясыс петкoдлoны принаксo предмет дiнo, мoд принак дiнo, действие дiнo oтнoшение пыр. Налoн вежoртасыс зeв уна сикас.

Oпределение пьдди мунысь **-а-**, **-я-**, **-ся-**, **-ов-** суффикса oтнoсительной кывбердьясыс петкoдлoны предметлысь принаксo кад серти. **-Я-**, **-ов-**, **-ся-** суффикснас кывбердьясыс пьрджык артмoны вoгoгoрся кадкoласт петкoдлысь, суткылысь юкoнъяс нимтысь эмакывьясысь, найo пьрджык паныдасьлoны лoвтoм предмет нимтысь эмакывьяс бердын: *Рытья шондi кисьтiс раммoдчысь Сыктыв ю вылo, вaжoн пушкыртчысь вoр-ва вылo асьыс зарни югoрьяс* (Федoров, 1982:107). *А рытья гoрд шондiыс лeччo-ма нин вoртас пытшкo, оз нин тыдав, сoмын яр биoн сoтчo сыланын* (Тopoпoв, 1982:216). *Но арся лун дженьыд, а Вералы oкoта вoтны пувсo сьoкыда нумoн* (Юхнин, 1955:43). *Лунся став думьясыс вoисны сы юрo выльысь* (Юхнин, 1955:119). *Сeнi лoсьoдчис вoстымасьны-вoрсны вoйся кыа* (Федoров, 1994:484). *Арся зeрьяс нeвaжoн на и дугдiсны швальгыны-кисьтны* (Федoров, 1994 I:667). *Ульдалoм бoрын тoвся кoдзыд* (Юхнин, 1981:197). *Дерт, эськo, шуам, тoвся луныд кoч бoж кузьта и эм* (Тopoпoв, 1982:188). *Весиг пo тoлысья удждoн вoдзвыв сетiсны* (Куратoва, 1983:152). *Шондi петтoдз на, асьявылысь, тувсoв вoйыд быттьo мысьсo пoжoм йoлoн* (Напaлкoв, 2000:56). *Со и oйбыртны кутiс тувсoв луныс* (Напaлкoв, 2000:54). *Гортас чукoртiс нoптoр, кытчo тeчис тувсoв вoрo петiгкежлo дасьтылoм сукар, нeуна кoс йoра яй, пасьтасис шoныдджыка, нo кoкныдыка, бoсьтiс пицаль, oшoдiс сьылio пoрoхoвница да сувтiс кыса лызьяс вылo* (Тимушев, 1986:118). *Тувсoв шoр мoз письтoм синва эз кoсьы помасьны* (Рoчев, 1984:346).

Тайo кывбердьясысь сoмын oткымын кoрсюрo вeрмo йитчыны лoвья предмет, мoртoс нимтысь эмакывкoд да петкoдлыны сылысь принаксo, шуам, *тoлысья кага, арся кукань*.

Oтнoсительной кывбердьясыс артмoны оз сoмын нимтан вeжлoгa эмакывьясысь, нo и кутшoмсюрo кoсвенной вeжлoгьясысь, шуам, вoан вeжлoгa эмакывйысь. Татшoм oпределениеыс петкoдлo сэтшoм принак, кoдi

лөсялө предметыслы эмакывнас нимтөм кадколастөдзыс на: *Татшөм бурасө мийө важөн нин згө уджавлөй вөрад! Войнаөдзса вояссиянь* (Торопов, 1988:207). *Но бабө мян век предалө, виччысьө воддзасө – войнаөдзса председательс* (Куратова, 1983:66).

Кад серти признаковө петкөдлөны и када урчитаньясыс артмөм кывберд-определениеяс: татшөм кывбердыс абу ёна уна, сэтшөмьяснас лөоны: *коркөя, өнтая, сэкса, сэкья, регыдья, тöрытья, аския, талунья, төвбыдья, төвбыдся, гожөмбыдся* да с.в. *Аския лун йывсьыс сийө немтор зз төд. Но өдвакө и ськөд орччөн восьлалысь Эгатай аддзис сэкса олөмсьыс ылөджык емдінса зонкаысь* (Тимин, 2000:104). *Сэкья олөмө прөмыснад, чери-яйнад ярмарка вылө вөлөм петөны* (Шахов, 1977:62). *А ёна шызьөм Ваньө весиг дзөрьялыштис өтарө-мөдарө, бытттьө выльысь көсийс аддзыны коркөя шуштөм серпассө* (Торопов, 1982:88). *И өнтая ыркмунлөмсьыс бөр личалис лолыс зонкалөн* (Торопов, 1982:95). *Воча ыджыд из паныдасис, мышкыс гөпта, а сзні ва чукөрмөма неважөнся зрьясысь* (Тимин, 2000:101). *Сийө зілис овны талунья лунөн* (Тимин, 2000:104). *Аския луныс Биярлөн көрта удж вылас и мунис* (Юшков, 2001:62). *Вуні весиг председателькөд неважөнся сёрниыс* (Изьуров, 1984:104). Татшөм атрибутивнөй кывбердьясыс йитчөны медсясө лөвтөм предметьяс нимтысь определяемөй эмакывьяскөд.

Кад серти признаковө петкөдлөны и эмакывийысь либө качественнөй кывбердысь, дыр кывийысь да -са суффиксысь артмөм кывбердьяс: *Жаль, оз позь бергөдны томдырся воястө* (Изьуров, 1970:258). ... *челядьдырся олөмсө думнас казтылигөн Проня зз и казявлы, кызди небесаас помысь помө өтуритчөм кыз кымөрьяс нылыштисны вөр весьтысь векныидика дон гөрд визьөн чуксалысь кыасө* (Федоров, 1981:120). *Татысь сийө аддзис вунлөм нин Челядьдырся йөзс* (Шахов, 1988:122). *Томдырся өртьяслы воөм вылө Леонид вөлі рад* (Парначев, 1999, №10:16).

Атрибутивнөй относителнөй кывбердьясыс төдчөдөны и ина отношенияс. Найө артмөны -өс, -я, -и, -ыс суффиксьясөн урчитаньясысь, -са суффиксөн - эмакывьясысь: *Кызкө тай бөр сетисны татчөс видзмусө, мельничасө сөмын зз-а* (Торопов, 1982:88). *Весиг бытттьө сиктыс өвтө татчөс юясөн, тыён да чериөн* (Напалков, 2000:53). *И кор гижис медводдза повестьсө, син водзас сулалисны муса Еншорыс аспас мича вөр-ваөн, сэтчөс йөзыс асланыс радлунөн и шог-печальөн* (Напалков, 2000:52). *Карө Иван да Герасим воисны асьявыв. Пыжсө сувтөдисны изкар улө, көні видзисны асьыныс пыжьяссө сэтчөс олысьяс, лэптисны васянь вылөджык да пөрөдисны кымыньөн* (Тимушев, 1986:68). *А примитлисны сэтчө (детдомө) медсясө ылі деревнясысь воөм Челядьсө, нывкаяссө да зонкаяссө* (Напалков, 2000:291). *Лида сөмын на пырис тайө керкаас. Сийө первойысь петис гортсьыс ылі туйө, локтис тайө сиктас удж вылө* (Жугыль, 1986:63).

Ин сертияс признаковө тшөкыда петкөдлөны эмакывийысь артмөм атрибутивнөй кывбердьяс. Найө вермөны йитчыны и лөвтөм предметьяс (а) , и

ловья предметъяс (б) нимтысь эмакывъяс дорö: (а) Карса петераас джодж кузя жöдзис Роман Григорьевич (Напалков, 2000:73). Лазар лунтыръясöн шöйтис карса уличаясöд (Тимушев, 1986:66). Вöрса туйöд, кодöс гөгöрбок кытшалöмаöсь тусяпуяс, вöсныдык бадьяс восьлалис геолог (Коданев, 2001:41). Сиктса керкаыд вайö некор помасьлытöм удж да тöжд (Попов, 2001:231). Видлöй карса вöлөгасö (Юшков, 1988:74). Нелямынöд вöся гожöм пуксис. Войвывса рытъясыд сэки лун югыдöсь (Попов, 2001:27); (б) И шензöдöс мянöс: карса челядыс оз вöтчыны машина бöрсяыс, кыдзи ми, деревняын (Шахов, 1988:69). Тадзи век вöли и эм: гортса пемöсьясöс вердöны пызан сайö пуксытöдз, медвöйдöр (Тимин, 2000:22). Меным зэв мусаöсь сиктса коми пöчъяс. Налöн авъялуныс да шаньлуныс век шензöдлис, сьёлöм сетлис. Карса пöчъясыд абу сэтшöмöсь (Попов, 2001:43).

Коми кывйын татшöм вежöртаса атрибутивной кывбердыс ёна унджык роч кывйын серти, найö овлöны зэв ыджыд юöраöсь, роч кывйын татшöм определениеясылы вермöны лöсявны косвенной вежлöга эмакывйöн петкöдлöм, причастной оборотöн петкöдлöм определениеяс, корсюрö – определительной придаточнойяс: *Ефим Иванович Гилев не сöмын веськыд ки (председательлöн), но и колхозса партийной организацияса секретарь* (Изъюров, 1984:144). «Ефим Иванович Гилев не только правая рука (председателя), но и секретарь колхозной партийной организации». *Кысянь локта? Сылавса зонъяскöд доминоөн ворсiм* (Напалков, 1994:45). «Откуда иду? Играли в домино с ребятами, работающими на Сылове». *Чукöртчанной кö – унаён локтасы (репетиция вылö).* – *А мыйла библиотекаса Аняыслы он висьталöй та йылысь?* (Шахов, 1988:187). «Если соберётесь (вы) – многие придут (на репетицию). – А почему об этом не скажете Ане, работающей в библиотеке».

Зэв аслыспöлöсь, ыджыд юöраöсь и определение пыдди мунысь кывбердыяс, кодъяс артмöмаöсь конкретной вежöртаса нимтан вежлöга эмакывйысь, суффиксыясö вуджöм ина вежöртаса кывбöрысь да адъективной -са суффиксысь. Найö зэв стöча петкöдлöны ина (пространственной) вежöртассö. Роч кывйын, шуам, татшöм кывбердыясыс абуöсь, и сэни коми татшöм сяма определениеяслы лöсялöны причастной оборотöн петкöдлöм определениеяс, кодъясын сюрöса кыв пыддиыс мунöны *находящийся, располагающийся* шöркывъяс, либö определительной придаточнойяс. Коми кывйын определениеыслөн тайö вайöдöм сикасыс ёна паськалöма, сийö паныдасьлö гижöд кывйын, вомгора сёрниын: *Кыв-вора Овдöття эз дöзмый бокöвöй йöзысь, кодъяс частöкодъ пыравлисны туйбокса керкаö* (Изъюров, 1975:6). *Вöрбердса* керка öдзöсын. *кöни олис Вера, öшалис томан* (Напалков, 1994:163). *Ме оз кут тiянылы мешайтчыны, пукся да пукалышта, öшиньдорса* лабич дiнö мунiгас шуыштiс *Домна* (Федоров, 1994:774). *Ывлаын вöли сап пемыд. Ёна кылис öшинювса* турунлөн пöрысьмöм кöр (Юхнин, 1981:42). *Василий Вадоров мöд дай коймöд луннин олис Москва кардорса* Писательяслөн керкаын (Шахов, 1988:3).

Татшом сяма определениеясыс вермёны лоны и ловья предмет, мортос нимтысь эмакывъяс дорын: *И пызансайса кык зонкаыс да нывкаыс эз дугдыны видзодны писательён шусьысь дядьö вылө, муртса нюмкерисны-серавлісны быттьö* (Шахов, 1988:125). *Пöлатювса том йöз абу на вунöдöмаось, кызди Мишка щöкөлдывайтіс пöкрөв лунö Ладимер компанияса том йöзкөд да öні на та кузя и шмонитісны* (Юхнин, 1981:141). – *Мый нö оз пет, - пöлатювса том йöз чукөрись торъяліс лэчыд гөлöса.* – *Ме öд век важкодъыс, видзөд, колөкө, сөмын тай öти чуньöй талун доймис-ыж ку небзьөдігөн* (Юхнин, 1955:109).

Колö пасйыны, мый татшом сяма относительной кывбердъясыс сёрникузяын босьтöны сөмын атрибутивной функция, найö оз вермыны лоны сказуемöйөн, ни öтнаныс, асшöра, ни кадакыв-связкакөд йитчөмөн, оз вермыны лоны сэтшөм тэчасъяс, кызд зонкаыс да нывкаыс пызансайса, том йöзыс пöлатювса, öшиньыс лабичдорса да с.в.

Татшомсяма определениеа прöстöй сёрникузясыслысь вежөртассö позьö петкөдлыны определительной придаточной сложной сёрникузяөн, көні сюрöса юкөннас лөб подув прöстöй сёрникузяыс, а предметыслысь ин сертиыс признаксö петкөдлө придаточнойыс, көні подув сёрникузяса относительной кывберд-определениеыс торъялө сійöс артмөдысь юкөнъяс вылас, и кывбöра эмакывйыс кутö ин вежөртассö. Кывбöра тэчасъяссыс, кодъяс артмөмаось относительной кывбердъясысь, определительной придаточнойяс лөоны ина обстоятельствоясөн, а сказуемöй пыддиыс сэні муноны вöвны, сулавны, пукавны да мукөд татшом сяма кадакыв: *Надялы пыр и тöд вылас усис, кызди воддза вежоннас мөд сменаын старшöй группыын уджалігөн нуөдліс челядьсö посёлоксайса тундраö* (Куратова, 1983:181). – (...) нуөдліс челядьсö тундраö, коді вöлі посёлок сайын. Öшиньдорса лабич вылын гöрбыльтчөмөн пукалө му рöма чужöма нэмөвöйся крестьянин дядь да шпуткө-куритö ас табак (Шахов, 1988:142). – *Лабич вылын, коді вöлі öшинь дорас (...)*. Дерт, подчинительной йитöда сёрникузясыс сөвмисны ёна сёронджык. Подувнас, ваяджыкнас, лөоны ин вежөртаса атрибутивной кывберда прöстöй сёрникузясыс.

Татшом сяма коми кывбердъясыс зэв матынöсь венгерской кывбöра тэчасъяслы. К.Е.Майтинская тöдчөдö, мый венгр кывйын «послелог получает суффикс -i, т.е. суффикс, посредством которого производятся прилагательные от существительных (поэтому послеложная конструкция в целом приближается к прилагательному): *Budapest két fontos üzeme a MÁVAGéés a Ganz vagon sokezer dolgozója gyült összea MÁVAG-gyár...előtti udvaron* "Mabar" да "Ганз-вагон" – заводьясыс Будапештысь тöдчана предприятиеясысь, уна уджалысь чукөртчис "Маваг" заводводзса двoryн» (Майтинская, 1960:30-31).

Венгр кыв туялысьяс тöдчөдöны, мый венгр кывйын татшом тэчасъяссыс паныдасьлөны тшöкыда, «они допустимы во всех случаях, когда зависимое существительное сопровождается послелогом, к которому суффикс -i- может присоединиться. Таковы послелог общеместного значе-

ния: *alatt* «под», *mellet* «около», *előtt* «перед», *mögött* «позади», *között, közt* «между», *fölött* «над», *körül* «вокруг», *kivül* «вне», *belül* «внутри», *felül* «сверх», *alul* «ниже» и т.п.» (Майтинская, 1960:31). Коми кывйын **-са** суффиксё босьтоны татшом жё вежортаса кывбөръяс: **бёрын, водзын, костын, дорын, гөгөр, улын, вылын** да с.в. Эмакывйыскөд найё артмөдоны кывбердъяс. Венгр кывйын кывбөра тэчасьясыс да коми кывйын кывбөра эмакывсьыс артмөм кывбердъясыс вежортаснас оз торъявны, на костын торъялөмыс, буракө, сөмын гижанногас.

Коми кывйын атрибутивной относительной кывбердыс вермө артмыны **-са** суффикснас кадакывьясысь. Татшом определениясыс предметыслы признаксө сетöны состояние серти. Татшом кывберд-определениеыс абу зэв уна, на лыдö пырöны **восьса, пöдса, куньса, тупкөса, сувтса, тöдса**. Найё признаксө петкөдлöны ловтöм предметьяслысь: *Дуня ылысянь на аддзис сылы веськыда восьса öдзöс* (Изьюров, 1984:4). *Сувтса турунсö ваыс босьтö, мый вöчам?* (Безносиков, 1964:141). *Чангыр и збылысь увтис пöдса öдзöс дорын* (Тимин, 2000:49). *И зэрис сэсся лун кост мысти и шливган сувтса зэрöн* (Юшков, 2001 I:40). *Дыр пукалi восьса öдзöс дорын* (Коданев, 2001:56). *Вокöс корся. Сэни пö сийö, висьталöны, - тупкөса люк вевт вылö индiс Домна* (Федоров, 1994 I:404). Ловья предмет нимтысь эмакывьясысь найё йитчöны **морт, ныв, зон, нывбаба, мужичöй** да с.в. кывьяскөд (*тöдса морт, тöдса ныв, тöдса зон*), морт мыгөрлысь юкөнъяс нимтысь кывьяскөд (*куньса син, восьса син, восьса сьылi, пöдса вом, восьса вом* да с.в.): **Восьса синъяс водзас сувтис Вералöн мыгöрыс, сьылöн шогсьысь чужöмыс** (Юхнин, 1955:88). *А доналöм небесасянь яр шөндi чишкалö восьса сьылitö* (Безносиков, 1964:65).

Коми кывлы зэв лöсяланаөн лöоны тэчасьяс, кодьясын определение пыддиыс мунöны **-а (-я)** суффикса кывбердъяс. Найё ёна сөвмöны öня кывйын, зэв тшöкыдöсь гижöд кыв быд стильын, сёрнисикасысын. Татшом определениясыс петкөдлöны уна сикас вежортас. Определение пыдди мунысь **-а** суффикса кывбердыс индö асалöм серти признак вылö, сийö тöдчöдö, мый предметлөн эм кутшöмкö мөд предмет, сы дiнö отношение: *Патераа гöтырöс вайис, а тайöс вузалiсны миянлы* (Напалков, 2000:87). *Асывдорыс нин шор йывлань кайöма пияна ош...* (Юхнин, 1981:161). *Челядя дöваыд пö – челядя дöвечлы энь пöв* (Рочев, 1984:348). *Котöртысь зон сувтис, видзöдлiс нюрланьö, кытчö пышйис пияна ош, и мөдöдчис Вера дiнö* (Юхнин, 1981:58). *Челядя нывбабаыс, тыдалö, вöли кутшöмкö ыджыд мортлөн гöтыр* (Федоров, 1994:545). *Вылыс судтаас асьныс олiсны: кöзьякаыс да кагаа нылыс* (Напалков, 2000:275). *Сы дiнын шуксисны чемоданьяса зонкаяс да дзик öти нывка* (Куратова, 1995:11). *Кодi оз ю, мужика семьяыд ставыс чериöн-ййöн олö* (Напалков, 2000:112).

Татшом определенияыс петкөдлöны кык ловтöм предмет костысь отношение, тöдчöдöны, мый сюрöса эмакывйыслөн эм определениенас петкөдлөм предмет дiнас отношенииыс, мый сьылöн эм тайö предметыс: *Сэни жö, вьвтасiнас, и Людаяслөн квайт пельöса верандаа керкаыс* (На-

палков, 2000:9). Пачводза да палатя керкаад олом бõрын тешкодõн кажитчис Викторлы баракод (Напалков, 1994:10). Õшина гõбõч вылыс югид, шонид (Шахов, 1988:9). Воча стенмас õти õшинь, стен пõлоныс кузь пызан, пызан гõгõрыс лабичьяс. А веськыдладор стен пõлоныс õшина стен дорсяныс кõtшасõдзыс нар лõсьõдõма (Шахов, 1999:29). Карсõ, да торья нин вичкоа мылькьяссõ, мудõдьясõн гõгõртõма да ёсь йыла керьясысь потшõсьясõн- кортõм войтырысь дорйõг (Тимин, 2000:8).

Татшõм кывберд-определениеясыс тõдчõдõны, мый сюрõса змакывна- нас нимтõм предметыслõн мõд предмет динас отношениеыс зэв ыджид, зэв ёна лõсялõ: Машõлы, сиднад, мойвиõма мужикнас. Деньгаа мортõс крукыштõма (Напалков, 2000:5). Вот и кутасны тышкасыны еншорса- яс, мед помõдз эз мырддыны чериа тысõ быд пõлõс чиновникьясысь (Напалков, 2000:60). Мырпома нюрõ воим (Напалков, 2000:294). Рочья- гын быдмõны шылыд кока тшап пожõмьяс, кыдзьяс, ловпуяс. Арнас тайõ медся тшака местаяс (Коданев, 2001:29).

Определение пыдди мунысь -а суффикса относительной кывбердья- сыс петкõдлõны и материалсõ, мыйысь вõчõма сюрõса змакывнас нимтõм предметыс (а), тõдчõдõны тайõ предметыслысь составсõ, содержаниясõ (б): (а) Изья мостõвõй кузя кõрт подковаясõн зяткакылигтыр верзьõма йõз кыка-кыкаõн прõйдитисны на дорти (Федоров, 1994 I:436). Малича- над да нõшта и гõна эшкынõн шебрасьõмõн, мышнас додь бõрас мыджсьõмõн небыд турун вылад Лизалы пукавны вõли шонид, лõсьыд и сьõлõмыслы нимкодъ (Шахов, 1999:23). Эжва катыдõ асфальта трас- саыс нюжалõма сиктъясысь, деревнясысь да посёлõкьясысь бокити (Напалков, 2001:104). Найõ пуисны сёй горшокõн пызя шыд... (Жилина, 1998:57). Но и юр. Эг удитõй ми сийõс гõсти корны. Чимиа чери няньõн кõtъ вердим (Васютов, 1978:6); Заводитчис понõля вõр, син водзтиыс вуджõртисны-мунисны том веж корьяса расьяс, шорьяс пõлõн пушкыр- тчысь нюдз бадьяс (Федоров, 1994:547). Уна йõза улича кузя восьпалис вõляникысь (Напалков, 2000:207). Но пуыд кõ ылõ ветпытõг и сюрõ, кытчõ кутшõм лõсялõ, то кõрттõ абусьыд он сывды, а кõрта изсõ Га- мысь сõмын и висьталõны (Юшков, 2001 I:68). Тувсов кыа водз кыпõдчõ асыв-войланьыс, кельыдвиж рõмõн пуксьõ чõла сулалысь ягьясõ да кыд- дза расьясõ (Тимушев, 1986:43). Уквавомõ писькõдчõ сизим морта бело- кулацкõй отряд (Шахов, 1999:287).

Материал серти предметыслысь признаковõ петкõдлõм могысь лунвыв коми сёрнисикасыясын сõвмõмаõсь -õвõй суффиксõн змакывийысь артмõм кывбердьяс: Пуõвõй бекарьяс вõлõмаõсь (ОКЗР, 1971:179). -Õвõй суффикса кывбердьясыс ёна паськалõмаõсь перым коми кывийын: Мийõ узьны пон- дамõ õтõрын, ньылõвõй лысийез вылын (Кривощекова-Гантман, Ратегова, 1980:67). Кыдз тõкõ пемдыны понас, сзк жõ õшиннэсõ пõдналõны. Пуõвõй ставнязз тодиль керлõмаõсь (Кривощекова-Гантман, Ратегова, 1980:65). Коми гижõд кывийын татшõм вежõртаса кывберд-определениеяслы лõсялõны нимтан вежлõга змакывьяс-определениеяс: пу бекар, ньыв лыс да с.в.

Татшом относительной кывберд-определенияеясыс вермõны тõдчõдны и предметыслысь назначениесõ, мый вылõ лõсьõдõма-дасьтõма сюрõса эмакывнас нимтõм предметсõ: *Вõла туйыс южмыштõм дай выль лым-нас тырыштõма нин вõли. Сьõкыда сэтi восьлавсис* (Юшков, 1979:309). *Петыр Трõпим вõзйõм серти мунисны эз вõла туйõд, а веськыда, визирка кузя* (Шахов, 1999:294).

-А суффикса атрибутивной кывбердыс вермõ петкõдлыны сюрõса эмакывнас нимтõм предметыслысь артманногсõ, кызди сийõс вõчõма. Кутшõм предметõн вõчõма, шуам, *чера удж* - тайõ удж, кодõс черõн вõчõны, *самõвара тшай* - тайõ тшай, кодõс пужьõдõма самõварõн да с.в. *Чайник-сьыс тз гумшитчы, Василей, - серõктис Ваньõ дядь. -А ме и самõвар на сямма пуктыны. Шомыс эм, важ сапõгыс эм жõ пõльтнысõ. Чайника чайтõ нõ кодi юас: ме али корреспондент...* (Шахов, 1977:48). *А пõльд нõ (верõс), - Микол видзõдлис челядь вылõ, - чера удж вõчõ али му-видз вылын кõнкõ?* (Тимин, 2000:222). *Самõвара тшайыд чõскыд* (Жилина, Бараксанов, 1971:103). *А то õд ме, кõtь и шуам, чера-пилаа уджтõ бура тõда, лючкисõ тшупсьыны ог на вõли куж, чашка-пельбõсыс оз на вõли сэтшõм гõгрõса артмы, а õтарõ йывмõ, õни кõtь, бур мастерьяс дiнас, тшõtш велõдчышта* (Торопов, 1988:91).

Определение пыдди мунысь -а суффикса кывбердыс вермõ кутны и õтуттана вежõртас, татшõм кывберд-определениееясыс шымыртõ некымын, уна предмет, кодысь артмõ, кодi пырõ сюрõса эмакывьяс нимтõм предметас: *Бõрья воясõ ёна содiс лыдыс роч купечьяслõн, кодьяс воливлисны татчõ дона куясла да нулисны куяссõ быдса додвясõн. Сы пыдди кольлисны кõрта кõлуй, дона паськõм, чõскыд сёян-юан* (Тимин, 2000:156). *Аскиа луныс Биярлõн кõрта удж вылас и мунис* (Юшков, 2001 I:62). *Кõрта удж дорад быд чунь сылõн синма* (Васютов, 2001, №9:9).

Татшõм атрибутивной кывбердыс тõдчõдõ предметкостса сэтшõм отношенииясыс, кодьяс дырйи сюрõса эмакывнас нимтõм предмет дорас содтысьсõ мõд предмет, сийõ тшõtш эм, тшõtш колõ шõр предметыскõд: *Асывнас вõли юам кампета тшай, Николай Васильевич гургõдас посводзысь велосипед, пуксяс бõрас, йõtкыштчас Микõлайõ и тю-урам улич кузя, тiньгам-звõни-там* (Шахов, 1977:18). *Румка бõрас сакара чайсõ жõ ырскыштис: пõсь на вõли да лõсьыда шильõдiс-лõньõдiс вина бõрад пытшкõссõ* (Шахов, 1999:383). *Педот дядьяссõ корны котõрглис Лиза жõ, да найõ õдийõ и локтисны. Витõн. Кампета чай на весиг морт õти чашкаõн удитисны юны* (Шахов, 1999:358). *А тэныд, Вась дядь, ырõша кушман колõ* (Жугыль, 2001:42). *KElat's'a štšai jElen juvan vil' samEvariš'* (Uotila IV:416).

Татшõм определенияеясыс петкõдлõны кад серти признак: *Луна туй нин коли Емдiнõдзыс, бõрьяясыс сувтисны узынысõ* (Юшков, 2001 I:257). *Нуõдчыны Прокõ Васька ветлис, мед пõрõдны Толяыскõд керка вõрсõ да лымья туйõн на петкõдны гожõм кежлас, и тайõ весиг эз отсав* (Юшков, 1988:24). *Ыркõдлыштис шоньид тõвру, вылын шуньгисны-кывтисны*

кокни кымөръяс, на гогор жодзисны иоз, карыс оліс аслас рытъя оломон (Тимин, 2002, №3:38).

Татшом кывберд-определениеясыс тшоқыда паныдасълоны мортос серпасалигон, сылы содтод ортыса признакъяс сетигон. Найо тодчодоны, мыйон вевтыртома мортлысь мыгорсо, мыгор юконьяссо: Соглас, Косьта. Эн жо бара ылод мено-а, -дыр чов олом борын одва кывмон шуис Лиза да кепыся кияснас тупкис чужомсо (Шахов, 1999:405). –Лоньджыка, катшаяс! –сапога кокьяснас няйт берег дорсо чурско Илья. –Став черыс пышьяс (Безносиков, 1964:108). Ещю отчыдысь отышитис кепыся кинас да мододчис котортны туй кузя карлань (Федоров, 1994:626). Но сзки лои виччысьтомтор: Ладимер тайо жо перчаткиа кинас лосышитис урадниклы веськыда ныртшакас (Юхнин, 1981:102). Одьо Глапир паськома вероссо вотлис жырсьыс (Куратова, 1983:171).

-А суффикса атрибутивной кывбердыясыс петкодлоны и состояние серти признак: Биа бшиньясянь муртса югдыштом сикт кузя Илья мододчис вичко дорлань (Юхнин, 1981:42). Серонджык пажнайтан – дырджык позяс уджавны биа рытнас (Юхнин, 1981:297). Самарин дзикодз шойовошис. Видзодлис биа комнаталань. Сэни некод эз вов (Напалков, 2000:181).

Татшом атрибутивной кывбердыслон вермас лоны и откымын мукод вежортас.

Коло пасыны, мый -а- суффикса откымын относительной кывберд серникузяын вермо босьтны сомын определениельсь функция, оз вермы лоны сказуемойон, шуам, самовара тшай, но абу тшайыс самовара, чера удж, но абу уджыс чера, корта удж, но абу уджыс корта да с.в.

Ония коми кывйын -а суффикса атрибутивной кывберда серникузяясыс зев ена паськаломаось. Найо зев ыджыд юораось, зависитесь определениеа субстантивной группаыслон вежортасыс матын серникузялы, матын сийо синтаксической тэчасьяслы, кодьясос шуоны серникузя эквивалентьясон; найо пыроны шор серникузяас, налон серникузя формаыс, тэчасыс абу, но вежортаснас матын серникузяыслы. Татшом тэчасьясас этша кывйон поэю унатор йылысь юортны. Найо артмодоны коми синтаксислысь аслысполослунсо. Роч кывйын татшом определениеа серникузяясыслы зев шоча лосялоны согласуйтом да согласуйттом определениеа серникузяяс: Дуня чукортис колуй курас-карассо, игналис сисьмом керка повсо да оти зэра асыло мододчис сиктысь (Изьуров, 1984:61). «Дуня собрала свои вещички, закрыла на замок двери прогнившего дома и в одно дождливое утро отправилась из села». Плаща морт сулалис век сэни, чуть матыстчома сомын кильчоланыыс (Куратова, 1983:185). Унджыкысьсо видлалом сикаса определениеяссо роч вылас коло вуджодны причастной оборотьясон, определительной придаточной предикативной юконьясон, кодьясын сказуемойнас лоны иметься, находиться, проводиться да мукод татшом сяма кадакыс: Дядя, кони но ошпиа дядьоыс? (Игнатов, 1963:110). «Дядя, где тот дяденька, у которого есть медвежо-

нок?» Олимпиадаа сійё гожомнас ми гортё одва и воим (Шахов, 1988:79). «В лето, когда проводили олимпиаду, мы едва до дому добрались». Видзёдліс биа комнаталань (Напалков, 2000:181). «Посмотрел он в сторону комнаты, в которой горел свет». Ура пу вылё моз видзёдёны. «Смотрят на кого-либо, что-либо, словно на дерево, на котором сидит белка». (Жилина, Бараксанов, 1971:102) (...) сійё пукаліс телефона пызан сайын да веськыда синмаліс общежитиеё быд пырысьёс (Юшков, 1988:392). «Он сидел за столом, на котором был телефон, и изучал каждого входящего в общежитие». Самовара тшайыд чёскыд. «Чай, вскипяченный в самоваре, вкусный». (Жилина, Бараксанов, 1971:103). Тайё жё пароходнас тшотш катіс и Космортов готырыскёд да челядя нывбабакёд (Федоров, 1994:559). «На этом же пароходе плыл и Космортов с женой и женщиной, у которой были дети».

Татшом кывберда нима чукорьяссё (группаяссё) позьё паськёдны, -а суффикса относительной кывбердыслён аслас вермасны лоны зависитысь, сійёс гөгөрвоодысь кывьяс: Уна скёта козяева чукортлісны вёв дас виткызьёдз (Юхнин, 1981:198). Кок улын шарёдчёны виж да гёрд корьяс, лёсьыдика гильёдёны кокни сандалиа кокьястё (Куратова, 1983:140). Од и водзё вылё на быдёнлы ёна ковмас мян вёрным... Чёскыд чериа юясным водзё на ковмасны... (Торопов, 1988:191). Ичот кагаа нывбаба да Аннушка вундісны сю (Куратова, 1983:154). Пызан весьтас ёшаліс югыд стеклёа абажура лампа да бура югзьёдіс пызан вывёс да пызан саяс пукалысьяссё, и ыджыд керка пытшкёссё тшотш ставё (Шахов, 1999:338).

Коми кывйын -а суффиксыс вермё нуны аслыспёлёс функция, сійё вермё лоны сочинение синтаксической йитёдён, вермё йитны зависитём, ёти тшупёда (равноправной) атрибутивной кывбердыс: Леналы да Сашалы колё батя-мама шуд (Шахов, 1988:30). Станцияын Куратовёс виччысис гыма-чарда кымёр (Федоров, 1982:33). Вёлі кө рая-ада олёмыс, кыкнанныды зьскё адын местайс (Шахов, 1977:22). Тшака-вотёса пармаёс Семён Михайлович пыддьывліс медгажа дачаён, а Алешино берегёс – шойччан керкаён (Напалков, 1994:131). Киас лёза-гёрда карандаш (Безносиков, 1964:17).

Д.В.Бубрих тёдчёдліс, мый -а суффикснас сочинительной отношениесё петкёдлёмыс паныдасьлё шоча и мый тайё йитёднас вермё йитчыны сёмын кык кывберд (Бубрих, 1949:82). Но колё шуны, мый ёнія коми кывйын тайё йитёднас вёдичёны паськыда нин, корсюрё вермё йитчыны весиг куим кывберд: Вой улё ёнмысь тёв скорысь шпорёддіс пароход мачта йылысь лёза-гёрда-еджыда флагёс (Федоров, 1994:402).

-А- суффикслён татшом зэв аслыспёлёс функция йывсьыс Д.В.Бубрих гижліс: «Интереснейшее «перерождение» функционирования имен прилагательных на -а получилось в парных сочетаниях вроде мёска-вёла (лошадь с коровой, корова с лошадыё), т.е. корова и лошадь. Суффикс -а, повторяемый при каждом из сочиненных между собою имен существительных, превратился в средство показа сочинительного отношения, совершен-

но отойдя от своего первоначального значения. Употребление – для показа сочинительного отношения – весьма распространено» (Бубрих, 1949:82).

-А суффикса кывбердъясыс определение функцияс паныдасьлӧ-маӧсь важ коми текстъясын нин: *Борда (идзг)ӱасӧн тыдалтӧм кӧз'ин поллӧмныс артӱасӧн, ал'л'илуӱа* (Лыткин, 1952:67).

Коми -а суффикслы удмурт кывйын лӧсялӧ -о- суффикс, сійӧ сәні сдзжӧ артмӧдӧ эмакывъясысь кывбердъяс: *ӱӧло скал «ӱӧла мӧс», шудо морт «шуда морт»* (Алатырев, 1983:573), *кеньыро шыд «шыдӧса шыд», сиро писпу «сира пу», лыса нюлӧс «лыска вӧр», шудо пинальӧс «шуда челядь», шундыӧ нунал «шондіа лун»* (ГСУЯ, 1962:142).

Ӑнія коми кывйын ӧна паськалӧма и -ӧсь суффикса кывбердӧн петкӧдлӧм определение. Сійӧ индӧ сы вылӧ, мый сюрӧса эмакывнас нимтӧм предмет да определениеас петкӧдлӧм предмет костас отношени-еыс зэв ыджыд, ӧна лӧсялӧ, мый сюрӧса эмакывнас нимтӧм предмет пытшкас, составас эм мыйкӧ зэв уна: *Рытив-воиладорысь ньӧжмыда тувис-петіс кодзулӧсь ӧнӧжас кельыдгӧрд чут* (Юшков, 1981:64). *Сылӧн чукырӧсь чужӧмыс ставнас петкӧдліс мыйкӧ ӱылысь ӧтторъя думайтӧм* (Юхнин, 1981:8). *Геня чеччис, лӧкань весьтын ӧшалысь жӧч рукомоӱныкысь мыссис, дӧмасӧсь дӧрӧм вывтӧ вӧнясис гӧрд вӧньӧн, кудриа еджгов юрсиа юрӧ шапкаалис батыслысь вӧралан шапкасӧ и муӱис колпӧдны мӧснысӧ* (Рочев, 1965:8).

Определение пыдди мунысь -ӧ суффикса кывбердыс вермӧ тӧдчӧдны и мыйӧн вевттьӧма, мавтӧма сюрӧса эмакывнас нимтӧм предметыс. Татшӧм кывбердъясыс пырджык артмӧны вещественнӧй эмакывъясысь: *Эжаӧ сатшкӧм мыгӧръяс ӱылӧ ӧшӧдісны сьӧлаяс тыра рач, саӧсь чайник* (Торопов, 1982:83). *Геологлӧн мудз чужӧм вылас мыччысис нюм. Муртса вештыштӧс няйтӧсь сапӧгсӧ водзлань-визяорда тӧрыба чипӧстӧс да пуля моз воши вужля улӧ* (Коданев, 2001:41). *Кӧнкӧ матын гораа чуксасис петук. Бусӧсь туй вылын коньӧра вижӧдісны пасьмунӧм букетысь лясмунӧм горадзуляс* (Торопов, 1982:72). *Сы дорӧ матын пукалысь инспектор – дыша кӧть-нюжӧдіс кисӧ документла, но Юрий зз сет босьтны, тшӧктӧс маслӧӧсь кисӧ косӧдз чышкавны* (Шахов, 1977:75). *Ныла-зонма петӧсны бусӧсь уличӧ, тӧрмасьтӧг восьлалӧсны грезд шӧрлань* (Безносилов, 1964:84). *Илья шняпкис пельпом вывсьыс кӧвтымсӧ няйтӧсь берегӧ* (Безносилов, 1964:106).

-Ӑсь суффиксыс бергалӧ и ӧнія удмурт кывйын, сәні сійӧ сідзжӧ артмӧдӧ эмакывъясысь кывбердъяс. Найӧ сӧрникузяын босьтӧны атрибутивнӧй функция. Татшӧм кывберд-определениеясылӧн вежӧртасыс ӧткодьӧсь коми –ӧсь суффикса кывбердъяс вежӧртасыскӧд: *пызесь соес «пызӧсь сос», вӧесь ки «выйӧсь ки», жазесь кидыс «ӧгӧсь кӧйдыс», мелӧсь дись «мелӧсь паськӧм»* (ГСУЯ, 1962:142-143); *виресь кышет «вирӧсь чышъян», иззесь гурезь «изйӧсь гӧра», иззесь сюресь «изйӧсь туй», луoesь инты «лыаӧсь ин»* (Алатырев, 1970:39). Удмурт кывйын В.И.Алатырев торйӧдӧ –зсь суффикса кывбердъяслысь кык сикас: 1) эмакывъя-

сысь артмояма (изэсь «изйось») да 2) кывбердясысь артмояма (кузесь «кузьось», вожесь «вижось», паськытэсь «паськыдось») (Алатырев, 1970:39). И сійо татшом сяма адъективной кывьясылысь торйодо кык сикас подчинительной йитод – примыкание да согласование. Сійо гижо: «Имена на -эсь, образованные от существительных, в отношении числа нейтральны, т.е. они в роли определения не предполагают форму множественного числа определяемого. Связь определения и определяемого в таких сочетаниях построена на основе примыкания: *изэсь гурезь* «каменистая гора», *изэсь гурезьёс* «каменистые горы», *изэсь гурезьтэк* «без каменных гор»(...) 2) Имена на -эсь, образованные от прилагательных, выражают категорию множественного числа, т.е. они всегда предполагают определяемое, стоящее в форме множественного числа. В данном случае мы имеем согласование с определяемым в числе. *Паськытэсь шурьёс* «широкие реки», *секытэст мешокьёс* «тяжелые мешки», *кузесь урамьёс* «длинные улицы». Не употребляются формы: *паськытэст шур*, *секытэсь мешок*, *кузесь урам*. Таким образом, имена с формой -эсь, образованные от прилагательных, обозначают «наличие признака, выраженного производящей основой, во многих однородных предметах (но не в одном предмете)» (Алатырев, 1970:39-41).

Коми кывйын определение пыдди мунысь эмакывйысь артмом -ось суффикса кывбердыд сюрёса эмакывйыскөд лыд формаас оз ладмөдчы (оз согласуйтчы), примыкайтө сюрёса кыв дорас (*пызьось мешок*, *пызьось мешокьяс*, *саось стөн*, *саось стеньяс*), а асьныс кывбердясыс уна пыда -ось суффикссө босьтоны сөмын сказуемой пыдди мунігөн (*корьясыс вижось*, *уличаясыс паськыдось*, *луньясыс шоныдось*), определение пыддиыс мунігөн кывбердясыс оз босьтны -ось суффикссө, оз вермы лоны *вижось корьяс*, *паськыдось уличаяс*, *шоныдось луньяс*.

Колө чайтны, мый и удмурт кывйын -эсь суффиксыс кывбердсө артмөдо эмакывьясысь, кывбердясысь -эсь суффиксыс выль кывьяссө оз артмөд, а атрибутивной кывбердыс босьто -эсь суффикссө сюрёса кывйыскөд лыдын ладмөдчөм (согласование) подчинительной йитод петкөдлөм могысь. Од кыз пасйоны удмурт кыв туялысьяс, сәні сөвмөма и согласование подчинительной йитод.

Коми кывйын определениенас вермас лоны и -төм суффикса кывберд, сылөн вежортасыс паныд сулалө -ось, -а суффикса кывберд вежортасыслы. Татшом суффикса кывберд-определениеясыс индөны и сы вылө, мый предметыслөн признакыс абу, оз лөсяв, петкөдлөны предметысылысь мыйкө абутом серти признак.

Тайо суффикснас кывбердясыс артмөны ловтөм и ловья предмет петкөдлысь эмакывьясысь, абу кывторысь, определение пыдди мунігөн вермөны йитчыны уна пөлөс вежортаса ловтөм и ловья эмакывьяс дорө: (...) *пу туганыс кыпөдчөма пыдөстөм энэжлань* (Тимин, 2000:99). *Мездисны мыйтакө няньтөм воё емдінсясөс Гор оксы да Иона епископ*

(Тимин, 2000:29). *Сэсся со и Усть-Сысольскянь неважён казътыштисны, быттьокö пö Кулöмдiнын перйöны абутöм недоимкаяс* (Тимушев, 1986:34). *Мытшасисны кутшöмкö шорö. Посйысьöмön позьö вуджны сйöс, но мöдарас пласътвидзö помтöм нюр* (Напалков, 2000:294). *Олисны-вылисны тай некод вылö злясьтöг ни броткытöг, кöть и няньтöм да тырмымön вөлөгатöм кадъясыс ёна топöдисны* (Шахов, 1999:521). *Лöсталö тöльсь джын öтнас. Пыдöстöм енэжтi мунiг* (Лыткин, 1985:59). *Позтöм кöк моз олан* (Жилина, 1975:261). *Кöть и асьсö некор эз пуктыв коньöр туйö, мужиктöм олöмыс этша вайис радлунсö Иннесалы* (Напалков, 2000:56). *Ыдждыд вокыс, дас куим арöса мужичöйыд, уна нин кужис вöчны чера-пурта уджтö. Батьтöм олöмыд тай öдйö быдторъяс велöдö* (Напалков, 2000:53). *Кыськö ылысь, ру пысь моз, локтiс челядьдырыс. Со найö Мишакöд, батьтöм кык зонка, пукалöны Эжва берегын, вуграсьöны* (Напалков, 2000:290).

Татшöм кывбердъясыс вермöны петкöдлыны мортлысь, ловъя ловлысь физической тырмытöмторъяс (*китöм морт, коктöм мужичöй, чунтьöм ки, вуджöдана вежортасын синтöм пöль, пельтöм пöч да с.в.*): *Синтöм корысь грездысь грездö Ветлö-чотö и бандура лöсьöдлiгön сылö бура* (Куратов, 1979:157). *Абу ме кодьöсь тi, пельтöм, синтöм, кывтöм, жеб мем колö, мед ме ог ло артельтöм* (Куратов, 1979:151).

-Тэм суффиксön артмöм кывберд-определениеяс эмöсь и удмурт кивйын, найö сiдзжö петкöдлöны абутöм серти признак: *шудтэм адями «шудтöм морт», кужымтэм вал «вынтöм вöv».*

Определениеön лöоны и -ан, -ана суффикса адъективной кывъяс. Найö артмöны кадакывъясысь, но воштöны нин кадакывлы лöсялана признакъяссö, кывберд моз жö унджыкысьсö петкöдлöны предметлысь признак, свойство, кад вылö видзöдтöг. М.А.Сахарова -ана суффикса кывъяссö (кулитана, шыбитана) пыртö кывбердъяс лыдö (СКЯ, 1955:173). Д.В.Бубрих лыддьö найöс вербальной кывбердъясön (Бубрих, 1949:128-135). Татшöм суффикса кывъяссö сйö торйöдö тырвийö нин артмöм кывбердъяс вылö да абу на тырвийö артмöмаяс вылö, сылön кывъяс серти, эмöсь «нечто напоминающие неполновыраженные имена прилагательные» да «вполне определившиеся вербальные имена прилагательные». В этих случаях вместо -ан всегда может быть употреблено -ана» (Бубрих, 1949:132-133). -Ана вылыс формаяссö адъективированной кывъясön лыддьöны и Г.Стипа (Stipa, 1960:68) да Б.А.Серебренников (Серебренников, 1963:298). Е.А.Цыпанов -ан, -ана суффиксысön артмöм кывъяссö пыртö öния када шөркывъяс лыдö (Цыпанов, 1997:95).

Вежортас сертиыс татшöм кывъясыс лöоны кывбердъясön нин, вешйöны шөркывъясыс. Определение пыдди мунiгön найö тöдчöдöны предметыслысь назначениесö: *Вадоров видзöдыштiс на лёкысь крапкысьöм öдзöс вылö, сэсся пырис аслас уджалан-гижан да узьлан вежöсö, пуксис пызан сайö* (Шахов, 1988:129). *Со и ытшкан видз* (Напалков, 1988:55). *Крут*

кыркөтшөд лэччис шорө, но юан местасө гудыртөмаоьш шорьяс (Безносиков, 1964:75). Туисов дыркодь эз шыась, синьяснас прөйдитис Раковлөн рытйысян паськөм кузя, сэсся быттьө вундыштис, шуис: -Гуляй! (Безносиков, 1964:80). Мийө паччөрын шонтысям. Буасян кад (ОКЗР, 1971:131).

Татшөм адъективнөй кывьясыс петкөдлөны и состояние серти признак: быдман морт, яман ва: Ок и турунаоьш вөвліны Эжа пөлөнса ойдлана видзьасыд (Напалков, 2000:156). Кутшөмсюрө кыв индө и мортлөн эмоциональнөй состояние серти признак вылө; найө тшөкыда йитчөны керанторья вежлөга змакыв дорө, артмөдөны өтувья вежөртас, мунөны өтувья нога обстоятельство пыдди: Со өд, пиө, видзөдтө, котралыштін да мөдысь нин сөян, - радейтана синьясөн Ольоксей вылө видзөдіс мамыс (Безносиков, 1964:50). Сійө радейтан синьясөн жө видзөдіс ыджыд-джык вокыс вылө (Шахов, 1999:44). Ивө Чуд пөль гыжйыштис бальябөжсө, төждысяна синьясөн видзөдліс Тикө вылө, но нинөм сэсся эз шу и чөла пырис керкаас (Тимин, 2000:32).

Өніа коми кывйын определениенас вермасны лоны и рочысь босьтөм кывбердьяс: Казеннөй гач зепьясас кияссө сюлөмөн Коноплев кутіс гоннявны өтарө-мөдарө, корсьны шөйтис поньясөс (Безносиков, 1995:96). Тайө вөлі пермскөй көрт туйвывса рабочөй Василий Артемыевич Мартынов (Федоров, 1994:302). Бура думайтөмыд, Петр Макарович, бура. Инженернөй решение (Изьюров, 1984:53). Дас арөссянь ковмис нуны радбөвөй покос, дас кыксянь – собавны батыскөд вөрын, дас квайтссянь пөшти быд во казачитны (Юхнин, 1981:75).

Колө пасйыны, мый роч кывйын определениеыслысь функциясө босьтөны сөмын тырвийө формаа (полнөй) кывбердьясыс, а дженьыд формаясыс (краткөйясыс) сөрникузяын вермасны лоны сказуемөйөн, оз вермыны мунны определение туйын. Коми кывйын рочысь босьтөм дженьыд формаа кывбердьясылөн синтаксическөй функцияыс паськалө: сөрникузяын найө вермөны босьтны нима сказуемөйлысь и определениельсь функциясө. Определение пыддиыс мунігөн рочысь босьтөм дженьыд формаа кывбердьясыс пыр сулалөны сюрөса змакыв водзас да йитчөны сы дінө примыкание подчинительнөй йитөдөн. Татшөм определениеясыс петкөдлөны мортлысь эмоциональнөй состояние, мортлысь, ловья ловлысь пытшкөсса психическөй качестваыс, характерсө: Сэні и тані кылісны нимкодя горөдлөмьяс, сөрни-юасьөм, уна ног шыалысь рад йөзлөн гөлөсьяс (Федоров, 1994:462). (...) а олөмсө радейтис сідз жө өна, кыдзи радейтө удал зон ассьыс мусасө (Юхнин, 1981:51). Но тадзи жө оз позь. Дөймөм ныв кутас кыссьыны, а здорөв зон весь овны (Безносиков, 1964:76). А сэжи вөлі зэв на том да йөй. Повзис стрөг батысь, эз лысьт вуджны сылысь кывсө, эз лысьт паныд сувтны (Федоров, 1979:258-259). Гөстылы эз во сьөлөм вылас скуп да горш Торачлөн жмитчөмыс (Рочев, 1984:26). Смел йөз дінын кө быдман, и ачыд смел лоан (КПП:48). Стрөг айлөн и челядьыс шаньөсь (Тимин, 2000:238). А здорөв салдатыд вед и воютө өнджыка, сөморө (Торопов, 1982:134). – Лыйтөм пөткатө, шулөмаоьш, оз куштывны, кыйтөм звертө оз кульны.

–Тайотто сідз, бур морттой. Но удал кыйсьысьлы и звер-пёткайд воча локтёны (Тимушев, 1986:119). Ме крут морт (Жугыль, 2001:173). Заводитис нин рёмдыны, а геолог дыр на сулалис пөрөм пу дорын, гашкё, думнас вылись кёсйис аддзывны ичотик удал зверёс (Коданев, 2001:42). Коч сувтис бёр кокъяс вылас, пельыс радысла лои ещё на кузьджык. (...) Сэсса удал зон моз зымкнитис кокнас, чеччыштлис вывлань (Коданев, 2001:17).

Определение пидди мунысь тайо кывбердьясыс вермёны йитчыны и абстрактной вежортаса эмакывьяскөд: Но примитисны исполкомлысь стрөг шуом (Шахов, 1999:365). Капитан Фоминкөд крут сёрни бёрын тёрыт скөрмис майор Никитин, и пыр на скөралё (Изьюров, 1980:79). Познаевлы сёлөм вылө воисны Терёмкинлөн смел думъясыс, решительностьыс, и сийё ачыс быттьокё тшөттш повзис да окотапырысь сёрнитис (Рочев, 1984:22). Стрөг видзёдластөгид сідз лэдзчысисны и бригадирьяс, и звеньевөйяс, и асьныс проходчикьяс (Куратова, 1995:81).

Рочысь босьтөм дженьыд формаа кывбердьясыс вермёны сетны признак и ловтөм предметьяслы, сюрёса эмакывсё найо гөгөрвоөдоны медсясө пертас сертиыс, рөм сертиыс: Ныв восьтис кильчө өдзөссьыс пытшкөс каличсө, крут поскөд кайис вылыс судтаө (Напалков, 2000:305). А крут берегьясыс мичаөсь (Рочев, 1984:397). Со ни пароход виччысьтөг тыдовтчө крут чукыль сайысь да өдийө заводитө матыстчыны татчөс береглань (Белых, 1997:55). База весьтти лэбзис аэроплан. Югыд бордьяснас сийө лөсталис асья блед энэжын, дзирдалысь шондй югөрьяс улын (Изьюров, 1984:35).

Определение пидди мунысь рочысь босьтөм дженьыд формаа кывбердьясыс өния коми кывйын паськалөмаөсь зэв ёна, найо паныдасьлоны и гижөд кывйын, и фольклор текстьясын, и сёрнисикасьясын, коть и лыдыс налөн абу вывти уна. Татшөмьяснас лөоны стрөг, блед, крут, скуп, лукав, слаб, вежлив, дөвөль, смел, удал, здоров, ласкөв, рад да өткымын мукөд кывберд.

Предметлысь признаксө, качествосө төдчөдөм могысь определение пидди мунысь кывбердыс вермас лоны кыкысь шуөмаөн: Кылөдчөм шондй серамбанаөддө став вөр-васө. Сынөдыс вералө. Лөз-лөз энэжын шочиника, көнсюрө, руньгөны нигөн вурун кодь кымөр тупыльяс. Найо энэжыскөд өттшөттш купайтчөны стеклө кодь шыльыд Эжваын (Жугыль, 1986:77). Кильчө вылө петавлывлө мича-мича ныв (Лыткин, 1985:98). Эжва гыыс сувтө паныд, Пансьө чорыд-чорыд кось (Лыткин, 1985:111). Ме аддзыли дона туланөс, и сийө менам син водзысь вошис. Кок туй сертиыс ми Педөркөд муним да кок туйыс пырис татчө. Ми локтимө юавны: оз-ө позь нёбны тайө дона тулансө, мича-мича нывсө. миян доброй молодечлы? (Федоров, 1979:415). Польыштис кодзыд төверу, нёбөдис-нуис лым чирьяссө кытчөкө вывлань. Гажтөма кышакылисны кыдз пуяслөн өтка-өтка корьясыс (Ульянов, 2001:52).

Кыкысь шуөм кывберд-определениесьыс водзынджык сулалысьыс вермас лоны петан вежлөгын (а), индан-асалан формаа петан вежлөгын (б).

Петан вежлөг суффиксыс кутö вынсьöдана вежортас: *Ок, югыд да сөстөм гөгөр! Пуяслөн вуджөръясыс сөстөмысь-сөстөм лым вылас сэтшөм ясыда рисуйтчөмабсь* (Торопов, 1988:203). *Видза ов, дзирдалан шонди! Видза ов, выльысь-выль олом!* (Лыткин, 1985:34). *Нэм чөж аслам жытнिकö ме вöчи ёнысь-ён öдзöс, но нянь йөртöдъяс некор зз тырлыны* (Изъяуров, 1984:74). *(...) и горув гөгыльтчис некымын ыджыдысь-ыджыд из* (Тимин. 2000:136); (б) *Котөртö Ваньö, кыдзи вермө котөртö, ывлаыс шоныд и лолыс öдйö тырö, а юрсö косялöны шуштөмсьыс-шуштөм мөвпяс* (Торопов, 1982:206). *Кытчö он видзöдлы – гөгөр мичасьыс-мича, ловъя мусер* (Напалков, 1994:62). *(...) кыр йылас катöдö мича перилаа паськыдсьыс-паськыд пос* (Шахов, 1988:68). *Лобмаыс петкөдчис син водзас лөксьыс-лөк вөтөн* (Тимин, 2000:75).

Луза-Летка сёрнисикасын кыкысь шуöма кывбердъяысь водзынджык сулапысьыс вермө босьтны –а (-я) суффикс: *кузя-кузь гожөм куйлис* (ОКЗР, 1971:181).

Определение пыдди мунысь кыкысь шуöм кывбердъясыс öт-мөдыскөд вермөны йитчыны öтвывтана сочинительной и союзөн. Дерт, сэтшөм кывбердъясыс петкөдлөны вынсьöдөм-төдчөдөм öтувъя признак. Лөоны öтувъя определениеөн, а оз öтсымаөн. И кывйыс тани босьтö вынсьöдана кывторлысь функциясö, сийö колö вынсьöдана-төдчөдана вежөртассö петкөдлөм могысь, а оз кывъяссö йитөм могысь: *Садьмысь асыв чужтис век выль и выль шыяс* (Федоров, 1981:271). *Вочасөн локталисны выль и выль йöз* (Федоров, 1994:392). *А на местаö локтöны век выль и выль грешникъяс* (Юхнин, 1981:278). *Зэр пыр öддзис и öддзис, быттьö нарoшнö кöсийс кусöдны менсьым биöс. Но ме ньöжйөнникөн пуктали бипур вылö пыр выль и выль песторъяс да эг сет сийöс кусöдны зэрлы* (Белых, 1997:5). *Id Id i Idzid mogEn loktam* (Uotila, IV:452).

Тайö тэчасьясылөн вежөртасыс сэтшөм жö, кутшөм и петан вежлөгa да нимтан вежлөгa кывбердысь артмөм тэчасьяслөн. Найö артмөдöны синонимьяс: *выльысь выль йöз, выльысь выль шыяс, ыджыдысь ыджыд* мог да с.в.

Определениеыс вермө петкөдлыны öтвыв босьтөм кык признак, найö öттшöтш кык боксянь гөгөрвоөдöны предметсö, сетöны предметыслы öти кадö лөсялысь кык признак. Найöс петкөдлысь кык кывбердыс йитчö сюрöса кыв дорас кызд öтувъя компонент, шуигас на костын коставлөмыс абу, налы оз лөсяв лыддьöдлана шуанног, кызд öтсыма членъяс костын, гижгөн найöс оз торйöдны запятаяөн, найö гижсьöны дефис пыр. Татшөм определениеыс вермө артмыны (а) кык качественной кывбердысь, (б) кык относительной кывбердысь: (а) *Мича-паськыд ягъясылөн шөрвийын кымын шыльквидзö зэв ыджыд нюр* (Торопов, 1988:145). *Пемид-көдзыд ывлаас петан шоныд баракысь да пырысь-пырсö повзёмөн чайтсьö, мый талун, буракö, дзикöдз нин турдан милöсть төдтөм ывла вылас...* (Торопов, 1988:97). *Сэсся и ягсьыс лэччисны кузь туруна-вутшка йөнөдö, вуджисны сьöd ваа шор да петисны мөдар керöсö* (Торопов, 1982:94). *...шочиник кызьяс видзөдчöны шыльид ваö, ылынджык пипуа-козья рас тыдалö* (Торопов, 1988:242). *Ыджыд вокыс, дас куим арöса мужичöйид, уна нин кужис вöчны чера-пурта уджтö* (Напалков, 2000:53).

Татшом определениеыс вермө артмыны качественной да относительной кывбердысь: *Со од кутшом мича да состом нимьяс! Кыпид лапа йоз вөлөмаось ним сетысьясыс! Югыд-шуда олөм вөсна вийсьөмаось сьолөм тырнаныс* (Торопов, 1988:94). *Вылісянь, пемыд-пыдөстөм энэжсянь, индалис миянлы туйнымос дзирдалысь лым чир кодь ыджыд-еджыд кодзув* (Торопов, 1988:141).

Предмет качестваыслысь, свойстваыслысь вежортассө төдчөдөм могысь определениеыс вермө артмыны кык өткодь либө матын вежортаса кывбердысь: *Толка-вежөра челядьос быдтісны гозья* (Ульянов, 2001:124). *Кыдзи сійө, Спартакыс, помтөм-пыдөстөм вынйөра да ыджыд вежөра, веськалөма римляналы раб туйө да лоөма гладиаторөн...* (Торопов, 1988:159). *Мед не воштыны мича-гожся лунсө, аскинас жө ми мөдөдчим гузьгыны миян сиктысь жө петлөм мастер бөрся яглань* (Торопов, 1988:7). *Бара воуйтаннид? – веськыда юалис Ойнус, пыр и казяліс Пеклалысь курыд-шог чужөмсө да* (Напалков, 1994:636).

Определение тшөкыда овлө паськөдөмаөн, сійө җна стөчджыка уна боксянь гөгөрвоөдө сюрөса эмакывнас петкөдлөм предметсө, унатор висьталө предмет йывсьыс. Паськөдөм определениеыс вермө артмыны кык либө унджык кывбердысь, кык либө унджык кывбердысь да шөркывйысь, кывбердьясысь да эмакывйысь, кывбердьясысь да нимвежтасысь, кывбердьясысь да лыдакывйысь. Некемын кывъя определениеыслөн артмө өтувъялун, водзынджык сулалысь быд определение йитчө бөрынджык сулалыськөд. Стөчмөдө бөръясө. Татшом определениеясыс өта-мөдыскөд йитчөны подчинительной йитөдөн. Эмакыв дінас матынджык сулалысь определениеыс артмөдө ськөд өтувъя понятие, артмөдө өтувъя тэчас. Сійөс ставнас гөгөрвоөдө мөдыс, водзынджык сулалысьыс; мөд определениеыс содтө, стөчмөдө содержаниясө, сьөктөдө тэчассө. Эмакывбердса определениеыс вежортаснас сюрөса субстантивной кыв дінас йитчө дзескыдджыка мукөдьяс сертиыс, сійө петкөдлө предметыслысь медся төдчана, медся колана признаксө. Либө кык определениеыс артмөдөны өтувъя понятие, өтувъя тэчас, бөрынджык сулалысьыс лоө сюрөсанас, воддзаыс зависитө сыысь, гөгөрвоөдө сійөс, подчиняйтчө сылы, и тайө өтувъя тэчасыс йитчө ставнас сюрөса эмакыв дорас. Татшом определениеяснас торйөн нин тшөкыда вөдитчөны серпаса гижөдьясын: *Веждін весьтті уліникті тэрмасьтөг вуджис ичөтик сьөд кунөр, китырьясөн койыштіс гырысь зэр войтьяс* (Изьюров, 1975:36). *Ыркыдкөдь ясыд рыт ньөжйөнник пондіс лэччыны вөр весьтө* (Куратова, 1983:115). *Войын көть и ыркыдджык, но маличаа том зонлы тайө веськөдь* (Тимушев, 1986:62). (...) *пөльтіс лэчид улыыс төв и некемынысь заводитіс слөт сорөн сапкыны лым* (Тимушев, 1986:5). *Матысмө қөдзыд зэрьяса ар, сэки улич вылад җна он пет* (Изьюров, 1984:290). *Лөня сулалісны пашкыр туганьяса пожомьяс* (Изьюров, 1984:46). *Ловзис водз тулысья вөр-ва* (Тимушев, 1986:13). *Март помын коми парма пыркнитө ассьыс төвсә унзілсө.*

Мездысьёны лым шапкаясъсь пашкы туғанъяса пожъмъяс, шондї водзын дольд синва моз тѣпкѣ коз пу лапъясъсь войтва (Тимушев, 1986:42). Патовъяслѣн куим кильчѣа ыджыд керкаын рытывбыд ѳзыѳны югыд бияс (Изьюрѳв, 1984:227). Шондї вѳлі лѣччытѳм на, дзебсыс вѳр саяс. Нырад ѳвтїс вѣж корйѳн да том турун дукѳн. Гѳгѳр кылїс лѣбачъяслѣн уна гѳлѳса шы (Юхнин, 1981:257).

Кывбердыс вермѳ лоны ѳткодьялан тѣчасын, артмѳдны ѳтувъя определение: Куръя мѳдлапѳлыс туруна да сімгѳрд няйт ва дора. Вылынджык шыдѳс кодъ посныд да мича лыа заводитчѳ (Шахов, 1977:64). Со бара пуксис тѳв. Кѳч гѳн кодъ небыдик лымъя зшкын шебралѳма кын мусѳ (Коданев, 2001:24). Гашкѳ, дум вылас сылы уси гортис, Урал, чепядьдырся вояс, кор тадзи жѳ вуграсьліс синва кодъ сѳдз ю дорын (Федоров, 1994 I:303).

Сѣрникузяын определение туйын мунысь кывберд гѳгѳрвоѳдѳ предмет вѣжѳртаса змакыв, а змакывйыслѣн вермас лоны быд сикас синтаксической функция; сѣрникузяын предмет нимтысь субстантивной кывйис овлѳ подлежащейѳн, нима сказуемойѳн, дополнениеѳн, обстоятельствоѳн да определениеѳн. Сїдзкѳ и атрибутивной кывбердыс вермѳ йитчыны сѣрникузяын став член дорас, сюрѳсаяс дорас и содтанаяс дорас, вермѳ гѳгѳрвоѳдны, стѳчмѳдны быд сикас синтаксической функция змакывлысь вѣжѳртассѳ: Нѳжйѳник шлывгисны руд кымѳръяс (Игнатов, 1963:125). Рытъя рѳмыдыс ставсѳ нин сайѳдѳма-дзѣблалѳма, нинѳм пѳ узян-шойччан кадас бура тыдалѳмсыыс (Шахов, 1988:116). Шоньд муясѳ тѳвйыны лѣбисны юсыяс (Напалков, 2000:72). Дмитрий лѣччис ю дорѳ, пожѣвтїс чужѳмсѳ кѳдзыд ванас (Напалков, 2000:146). Трактористалѳ зонмыс, Дуняѳн увйѳм вѳрсѳ катище вылѳ кыскалѳ песка тракторѳн (Напалков, 1994:153). Сандра вель ылѳ восьлалїс нин вѳлѳстыысь, воис кыддза раскѳ (Федоров, 1979:368). Вѳлі лѳнь рыт. Дыр кадся ззряяс бѳрын шойччис вѳр (Юхнин, 1981:103). Еджыд быгъя ытва ыльѳбтїс видзьяс да сѣнъяс вылѳ (Напалков, 1988:90). Ныв видзѳдліс жар шондїа энж вылѳ (Изьюрѳв, 1984:91). Кутшѳм коми морт оз радейт пукавны бипур дорын пемьд арся рытѳ (Васютов, 1978:178). Кытысь сїѳ аддзывлїс тайѳ пелькиник тушаа нывсѳ (Игнатов, 1963:8). Ывлаыс слѳтитїс, паськыд уль лым усис (Напалков, 2000:177). Ми – рам войтыр, воевода. Новгородлы быд вося вот мынтыны дугдѳм бѳрын, кутїм мынтыны сїѳс Мѳскуалы (Тимин, 2000:201). Пырисны коз пуа вѳрѳ (Тимин, 2000:51). Гѳжѳм помся войыс паськыда шевкнитѳма ассыис сьѳд бордъяссѳ (Тимин, 2000:83). Зонка бара петкѳдліс инмысь лыйсьысьѳн да сюсь вѳралысьѳн (Тимин, 2000:122). И ачыс, Нимьян, вѳлѳма вѣжѳра юралысьѳн, ылѳдз нимавлѳма аслас вынйѳрѳн да мичлунѳн (Тимин, 2000:127). Наталь дыр нинѳм эз шу. Клауди да Ирина костын пансьѳм сѣрни дырйи пыр чѳв олїс, видзѳдїс пѳдса дзиръя ѳшинѳд гожся ывла вылас (Попов, 2001:24). Кыкнанныс вѳліны сюсь вѳралысьяс, компасайс и пищалайс, а со тай ѳнѳдз туй ни пом (Напалков, 2000:125).

Кывберд – предикативной определение

Кывберд петкөдлө предметлысь качество, свойство, и тайо грамматической вежортасыскөд йитчөма сылөн синтаксической функцияыс. Кывбердлөн медшөр, подув функцияыс, кызд нин вөлі төдчөдөма, - атрибутивной. Определение туяс мунігөн сійо гөгөрвоөдө, стөчмөдө либө донъялө эмакывнас нимтөм предметсө, векньөдө сылысь вежортассө. Определение пыдди мунысь кывберд коми кывйын пыр сулалө сюрөса эмакыв водзас и некызд оз вежлась, сюрөса кывйыскөд йитчө примыкание подчинительной йитөдөн. Кывбердлөн мөд шөр функцияыс – предикативной, сійо сёрникузяын вермө лоны нима сказуемөйөн, петкөдлыны субъектыслысь предикативной признак, сетө признаксө кад да наклонение категориясын, төдчөдө сэтшөм признак, код лөсялө субъектыслы сёрнитігас. Сказумөй пыддиыс мунігөн кывбердыс вермө босытны уна лыда **-ось** суффикс, подлежащөйыскөд координируйчө лыдын. Буретш кывбердлысь кык тайо шөр синтаксической функциясө пасйөны грамматикаясын. Но кыв материалыс петкөдлө, мый кывбердлы лөсялө нөшта өти, зэв аслыспөлөс, функция. Шуам, *Удждон көсийсьөмаось тани дорысь ыджыдджыкөс* (Федоров, 1989:152). *Оти рытө бать локтіс зэв зумыш* (Федоров, 1979:53). Тайо сёрникузяясын *ыджыдджыкөс*, *зумыш* кывбердьяс признак жө петкөдлөны, но найө петкөдлөны предметыслы оз пыр лөсялана признак нин, а сэтшөмөс, коді лөсялө сылы сөмын предикатөс нимтөм действиесө вөчигөн, вежортас сертиыс кывбердыс йитчө оз сөмын веськыд дополнение либө подлежащөй дорас, но и кадакывнас петкөдлөм сказуемөй дінас. Татшөм сёрникузяясас кывбердьясылөн функцияыс зэв аслыспөлөс, сэні артмө сёрникузяса аслыспөлөс член, коді торьялө определение – содтана членысь. Татшөм сяма аслыспөлөс членьяссө лингвистической литератураын шуөны предикативной определениеөн (Адмони, 1955:76-77; Грабье, 1978:238; Силкина, 1990:15). Л.Д.Чеснокова тайо терминыскөд тшөтш вөдитчө мөд терминөн, дуплексив терминөн (Чеснокова, 1972:2; 1974:11). Колө чыитны, мый тайо терминьяснас позьө вөдитчыны и коми лингвистикаын сёрникузяын аслыспөлөс определениесө петкөдлөм могысь.

Татшөм сяма определениеслөн аслыспөлөслуныс тыдовтчө сыын, мый налы лөсялө кыкпөвста синтаксической йитөд: найө йитчөны веськыд дополнение либө подлежащөй пыдди мунысь субстантивной кывйыскөд и кадакыв-сказуемөйыскөд, сказуемөйыскөд налөн йитөдыс зэв дзескыд. Найө петкөдлөны предметыслысь признаксө и гөгөрвоөдөны действиесө. Субстантивной кывйыскөд определениеыс йитчө оз веськы-

да, а сказуемой пырыс, признако сето действие пырыс. Предикативной определениенас петкодлом признакыс тыдовтчо предметыслон действиесо вочигон. Признакыс лосяло предметыслы кадакыв-сказуемойнас нимтом действиесо вочигон, артмо действиесо вочигас. Татшом определениеыс вермо петкодлыны предметыслыс кад сертиыс урчиттом признак, дыр кад чож, пыр лосялыс признак, но код сёрнитыссыслы тодчананас ло сёрнитигас, сказуемойнас нимтом действиесо вочигон. Сідзко, предикативной определениеа сёрникузяс предметыслон качествоыс лосяло (соотноситчо) кутшомко действиекод, татшом определениеыслы лосяло синтаксической кад вежортас, а сёрникузяса содтана член – определениелон кад категорияыс абу, оз лосяв кадыскод.

Предикативной определение пыдди муныс кывбердыс оз вермы лоны быд полос эмакыв дорын, а сомын подлежащей либо веськыд дополнение пыдди мунысыс дорын.

Непредикативной (сёрникузьян пыр овлана) определениеыс да сюрёса эмакывыыс ко артмодоны отувья понятие, отувья атрибутивной тэчас, и сийо артмо кык юкёныс (кык компонентыс): определениесыс да определяемой кывсыс (*кодзыд төв, пемыд вой, гөрд дзоридз, сьод му, шань нывка, джуджыд пу, ляпкыд ю, зиль зонка, дыш зонка, сьокыд удж да с.в.*), то предикативной определениеыс сюрёса определяемой эмакывыыскод отувья понятиео оз артмодны. Предикативной определениеа тэчасьясыс артмоны куим юкёныс (компонентыс): подлежащей либо веськыд дополнение пыдди муныс субстантивной кывыыс, кадакыв-сказуемойыс да кыкнан тайо член динас йитчыс предикативной определениеыс: *чой локтис мудз, уджто бурджыкос корсь, нывьяс долыдось петисны, платтьотто мичаос ньоб.*

Предикативной определениеыс сёрникузьян пыр овлана определениесыс торьяло и кыв артнас (порадогнас), кызд воли нин пасйома. Коми атрибутивной кывтэчасын (мукод рөдвуж фин-угор кывыын моз жо) кыв артыс зэв зумыд: определениеыс пыр сулало сюрёса субстантивной кыв водзас (*состом энэж, гөрд шонди, кодзыд луньяс, мича нывьяс, веж корьяс, гырысь сиктьяс, небыд нянь, состом ва*). А предикативной определение пыдди муныс кывбердыс сулало оз сюрёса эмакыв водзас, а кадакыв-сказуемой водзас либо борас, сийо вешийо субстантивной членсыс сказуемой динас и сёрникузьян вермо лоны эмакывсыс ылын, ёна торьяломон: *Кайис звөз вылас да пуксис вөрланыо синмон, кытысь кодко локтис пестера* (Юшков, 1988:15). *Батысь пырис дөзмөм чужөма нин* (Шахов, 1999:141). *Том мужикьяс кодь зумышось да пелькось сулалоны сыналөм зорөдьяс* (Шахов, 1977:150). *Иван Ольош Егор дыр шемөс сулалис* (Шахов, 1999:141). *Отеч Апанасей сувтса юрйыла лөз сатин дөрөма пукалис ен ув пельөсас пызан помас да лыддыысис, буракө* (Шахов, 1999:75). *Иван Алексеевич здук-мөд шемөс сулалыштис, кывыыс зэ пет, быри быттьө* (Федоров, 1982:270). *А мөд вок вовис гортас зэв жугыль* (Висер, 1986:151). *Юыс вопялис шыльыд, лөнь. коть чеччы пыжсьыд да которт* (Игнатов, 1963:15).

Габё сулаліс зумыш. Морос улас быттьо шыр'яс гудйысисны (Тимушев, 1986:103). Онпрей Гриш шемос пукаліс (Попов, 2001:148). Рыт'яснас Микол воліс мудзёма, зумыш (Тимин, 2000:227). Отеч Аланасей недыр кжлө пыравліс пыді жыр'яс да петіс вичкоас ветлан паськёма нин: тупкөс юрйыла, паськыд сосьяса да кок улөдзыс павтырасьысь пөлаа сьөд вөсни ной сюртука (Шахов, 1999:77).

Колө төдчөдны, мый коми кывйын кывбердлөн сёрникузяын аслыспөлөс ин йылысь медводдзаясь пасйыліс Д.В.Бубрих. «Грамматика литературного коми языка» уджын сійө гижліс: «имена прилагательные могут перетягиваться из сферы имени существительного, к которому относится, в сферу глагола... Чаще всего встречаются случаи, когда имена прилагательные входят из сферы существительного-подлежащего. (...) Нередко встречаются случаи, когда имена прилагательные выходят из сферы прямого дополнения» и сійө вайөдө татшөм видлөг'яс: Колхозлөн няньыс быдмө бур. Усьясөс быдті зэв мичаөс (Бубрих, 1949:66-67). Но Д.В.Бубрих тайө уджас оз на төдчөд татшөм кывбердьяслысь аслыспөлөс синтаксической функциясө, оз на видлав найөс кыз аслыспөлөс, предикативной определение.

Кывбердыслөн эмакывйыскөд йитөдыс кө лоө пыр овланаөн, типичнойөн, лөсяланаөн, сійө петө тайө кывсикасыслөн лексико-грамматической вежөртасьясьыс, то кадакывйыскөд сылөн йитөдыс оз по лөсяланаөн, пыр овланаөн, сійөс оз позь гөгөрвоөдны адъективной кывйыслөн лексико-грамматической признак'яснас. Кывбердыслөн кадакывйыскөд йитөдыс вермө лоны сөмын тор'я синтаксической условиеясын, сійө абу пыр овлана. Адъективной кывйыс кадакыв дорас йитчө вежөртаснас, шуанногнас, кыв артнас, кызд вөлі пасйөма нин, татшөм определениееыс вешйө сюрөса определяемөй эмакыв водзсьыс, матыстчө сказуемөй ланыс да пырө кадакыв-сказуемөй чукөрас.

Коми кывйын определение пыдди мунысь кывберд оз вежлась, сюрөса эмакывйыскөд оз ладмөдчы (оз сөгласуйтчы) ни лыдын, ни вежлөг формаын. А предикативной определение пыдди мунігөн кывбердыс вермө вежласьны. Медводз сійө вежласьө лыд серти, өтка лыда эмакыв дінө йитчигөн сійө тшөтш сулалө өтка лыдын: Шемос өні пукалө Римма кухняас, гжж йывнас пызансө визьйөдлө (Юшков, 1979:326). Өти рытө бать локтіс зэв зумыш (Федоров, 1979:53). Кор Косьта бөр пырис, Лиза вөлі пасьтасьөма нин и маличаа сулаліс порог улас (Шахов, 1999:51). Но сюрөса эмакывйыс кө сулалө уна лыдын, то и атрибутивной кывбердсө тшөтш колө сувтөдны уна лыдө, сійө сэки босьтө уна лыда -өсь суффикс: Слабог, кыкнанныс дзоньвидзась локтөны (Тимушев, 1986:16). Шаньөсь войтырыс быдмөны (Тимушев, 1986:91). Наумовыс медводз сэсся и шпыньмунліс да восьлаліс йөрас пыртөдан дзирьяланыс. Сы бөрся и мукөдыс. Шаньөсь да варовөсь и пуксисны пызан саяс, быттьо сідзи и коліс (Юшков, 2001:33). Аскинас Прокопей гозья мунісны гортас зэв нимкодьөсь (Юхнин, 1983:86). Жугыльөсь да аскисьыс на попысьсөсь и водісны,

гашкё, Уна да Бияр, и войыс на, гашкё, пессяна узьсис, эз кё волы Борганыс да висьтась аспас шог йывьсыс, петкөдлы налысь серамсё (Юшков, 2001:36). Вёлі көдзыд. Но мыйлакё, став йёзыс петісны ывла вылө. Сулалісны шапкатомёсь сьод дөра кумач флаг дорын да видзөдісны стенин ошались нейджд портрет вылө (Васюттов, 1978:6). Да, стөча кё сёрнитны, Егор и збыльысь вёлі рад, мый сюрини ловьяюсь Иго да Хватов (Куратова, 1995:45). Аскинас ми котралім ва дорын шырөм югыд юраюсь, пось корөсялөмаюсь, кунваон да майтөгөн унаысь мыськөмаюсь-зыралөмаюсь, кокныд, сөстөмсьыс-сөстөм дөрөмаюсь да гачаюсь (Шахов, 1988:80). Татшөм сяма тэчасьясас адъективнөй кывйыслөн лыд формаыс зависитө сюрөса эмакывйыслөн лыд формасыс, та дырйи артмө аслысплөс подчинительнөй йитөд – лыдын ладмөдчөм. Предикативнөй определение функцияс мунысь кывбердыслөн сюрөса субстантивнөй кывйыскөд ладмөдчөмыс вермө лоны и вежлөг формаын. Тайө овлө сэк, кор татшөм определениееыс йитчө веськыд дополнение да вуджан кадакывйөн петкөдлөм сказуемөй дінө. Адъективнөй кывьясыс босьтөны аккузативлысь -өс, а индан-асалан вежлөгасьөмын -тө, -сө суффиксьяс: Менам өд гортөй абу жө, немеч сотөма миянлысь сиктнымөс. А ми вьлысь стрөитам важсьыс бурөс (Пыстин, 1987:28). Лунсө талуньяюс и пасйы, а номерсө ковмас пуктыны номер один (Шахов, 1999:333). Мый дыра вермам – кутчысям. Одзөсьясөд пырны оз вермыны: купечыд иганьяссө өнөс вөчөма (Пыстин, 1987:111). Мися керка стрөитам вьльөс, жөникыд өдйөджык сюрө (Изьюров, 1975:91). Петюкөс вед вежөртөмөс менсьым пышйөдісны... Сійө абу жө мыжа, - кутчысьөмөн, мед'эз гора кыв, сыркьяліс Елизавета Павловна (Шахов, 1999:512). Оти кывйөн кө, тыр-бурөс виччысис Латкин гожөмсө (Юшков, 1988:387). Быд асыв пө удж вылө мунігөн пось чай крепыдөс юа (Изьюров, 1984:264). Колө төдчөдны статьяын, мый толькө удж да удж медвылө доньявсьө Печора бердса Ниа Шор грездын. Обязательстваояс миян босьтөма гырысьөс (Шахов, 1977:163). Локтөм мыстиыс сьод ракаяс пыр жө босьтчөны удж бердө: дзоньталөны асьыныс позьяс, кодлөн оз нин шогмы оланіныс, заводитөны стрөитны вьльөс, бурджыкөс (Коданев, 2001:8). Посьяссө фрицьясыд быдлаын вөчлісны крепыдөс, өнөс уна вояс кежлө, тыдалө (Изьюров, 1980:134). Йидж улысь мычысьөм асья кыаыс гөрда-вижа орьясян лёддзөн ошалис өбр-пуяс йылас, зэра-төлаөс висьталіс пуксьысь лунсө (Юшков, 2001 I:8). Ыджыдөс на, төдөмысь, пуктылісны могсө (Юшков, 2001 I:203). Урожайтө поэьо и миян чукөртны прамөй бурөс, көзяиныс кө төлка да зіль (Федоров, 1979:46).

Веськыд дополнение дінө да кадакыв-сказуемөй дінө йитчысь предикативнөй определение – кывбердыслөн сюрөса эмакывйыскөд ладмөдчөмыс вермө лоны и лыдын, и вежлөг формаын, но сэки сійө босьтө -яс уна лыда суффикс, а оз -өсь: Тулыснас и ниа пу кажитчө мичаджкөн, лөб ещө на пушкыра. Төдөмысь, кузь төвсья кадб шыбитіс ас вьвьсыс пöрысьмөм да косьмөм лыс емьяссө, на пыдди быдтіс вьльясөс (Кода-

нев, 2001:99). Урожайясто, вёлёмко, и войвылын, позь босьтны бурин-дзикьясёс (Федоров, 1979:46). Кольяссё Ёгор чукёртома гырысьёс, мичаясёс (Федоров, 1979:148).

Лыд да вежлөг сертиыс сюрёса кывйыскөд ладмөдчө и торйөдөм определение функцияын: Мөдарсянь кө, вөлі и любө: сылысь Верасө, сэтшөм мичаникөс да лөсьыдикөс, быдөн ошкөны (Изьюров, 1984:145). Ю мөдар берегас вугралөны татшөм жө козьяс, гырысьёсь, кузь тошкаось (Игнатов, 1963:91).

Предикативной определениеыслысь функциясө вермөны босьтны качественной и относительной кывбердьяс: Отчыд, сёр рыт вөлі, челядьыс узисны нин чөскыд унмөн, локтис Кирө зумыш, пемыд арся вой кодь (Куратова, 1974:102). Но учитель локтис муртса ачыс повья; асьсө колө вөлі видзны кагаёс моз (Куратова, 1974:18). Со кык сарай нин сулалө. Өжигайтчан пач тэчөмыд выльёс (Федоров, 1994 I:330). –Энө шогсьөй, миян граф Монте Кристола замок вөчам зэв ёнөс да бурөс! – Гажтома серөктыштис Паклевский (Федоров, 1989:68). Вера петис фуфайкаа, салөга, кокни чышьяна. Став сертиыс петөма дыр кежлө (Напалков, 1994:163). Мужик локтас гортө – зэв мича дом сулалө, баба паркялө бур домын зэв лөк көмпаськөма, бара видө мужикөс (ОКЗР, 1971:24). Пыдө муө вужьясьөма великан пожөм (...) Пөльтисны вой төвьяс, гожөмьясын сотлис жар шондө, а сийө быдмис и быдмис вылын юра веж да мича (Федоров, 1979:282). Кор Көсьта бөр пырис, Лиза вөлі пасьтасьөма нин, и маличаа сулалис порог улас (Шахов, 1999:51). Сёрни пансис ыджыд (Федоров, 1994:384). Некутшөм прамөй удж вылө найө зз шогмыны. А полицияын найө ветлисны вылын юраось, зэв сюся сяммылисны пычкыны калым, йөз шог вылын озырмөдчылисны да тшөгйөдчисны (Федоров, 1982:348).

Подлежащөй дорө йитчысь предикативной определение пыдди мунысь кывбердыс вермө йитчыны мунөм-ветлөм петкөдлысь, пространствоын ин вежөм петкөдлысь кадакывьяс дорө. Татшөмъяснас лөоны мунны, локны, петны, воны, матысмыны, ветлөддыны, лэччыны, лэбны да өткымын мукөд кадакыв: Долыд лэччис Варнаков трибуна вылысь (Юшков, 1985:293). Рытнас локтас гортө тшыг да мудз, оз и петкөдлы миянлы мудзсө, збодералө (Куратова, 1983:46). Куратов оланинас локтис зумыш, дбзмөм чужөма (Федоров, 1989:143). Любитчис физикаысь велөдысь вылө. Том сэтшөм, лөсьыдик да мича локтис выль велөдысь. Вот йөз серамыд, вот йөз яндзимыд! (Куратова, 1983:169). Кайис зөз вылас да пуксис вөрланьө синмөн, кытысь кодкө локтис пестера (Юшков, 1988:15). Неважөн воис асывнас нимкодь (Шахов, 1988:220). А мөд вок вовис гортас зэв жугыль (Висер, 1986:151). Ольөксан медмуса кум друг пиысь: сылөн батыыс повья воис страда заводитчигкежлө нин (Куратова, 1995:10). Аскинас Прокопей гозья мунисны гортас зэв нимкодьось (Юхнин, 1983:86). Вөлі нин вой шөр бөр, и верзьөма паныдасьлис сөмын некымын ныла-зонмакөд, кодьяс, тыдалө, сөрөдз колльөдчөмаось и котөрөнмоз мунисны гортланьыс сулик вайсь (Напалков, 1994:148).

Предикативной определениемыс вермө йитчыны подлежащой динө да статуальной кадакывйон петкөдлөм сказуемой динө. Сказуемойыс кутө состояние вежортас. Татшөм кадакывьяснас лооны, шуам, пукавны, пуксыны, сулавны, ошавны, быдмыны, куйлыны, ымравны, шылквидзны, волявны, огравны, виньгыртны да с.в. *Сергейлөн батыс, Виталий Кузьмич (...)* пукалис пос тшупод вылас ас кыом шонид ковтаа, еджид вурун носкиа, назодчис вишня рома гудокон (Напалков, 2000:39). *Козяйкаыс, Анастасия Васильевна, пенсионерка,* дженъидик соска ситеч халата пукалис улос вылын пач бокас, видзодис виччысытөм гостыис выло (Куратова, 1995:161). *Сэсся ышловзис да пырис. Косьта Ким, налон участкөвойыс, виччысис нин найос.* Погона паськома пукалис пызан сайын (Попов, 2001:128). *Код төдас, кымын во колис, кымынысы пөрысымылис да пөрласис вөрыс,* выльысы-выль быдмылис, а мортыд век на эз вөв (Юшков, 2001:191). *А дозмөр пө бара төвбыд пожом лыс сөйө? – Да, пиө, куш сөмын лыс төвбыд изө. И видзөд, тарсяид на ыджыдджык да енджык быдмө* (Торопов, 1982:133). *Найө пелька бергөдчисны. Көрт забор бокын сулалис* киссьом пася, гын шляпаа мужик (Тимушев, 1986:29). *Кыйва сулалис кыз-кыз пожом пу сайын сэтшөм нэр, вөсньидик вадор бадь кодь* (Тимин, 2000:76). *Иван Алексеевич здук-мөд* шемос сулалыштис, кывйис эз пет, быри быттьө (Федоров, 1982:270). *Гырысь пожомыс* шочиник сөмын сулалө (Торопов, 1982:129). *Шоссе шуйгаладорыс пөрысь вөрөссис нин. Ройон тырөм козяс да улыс вожтөм гежөдик пожомьяс сулалисны* зумышөсь (Юшков, 1979:286). *Недыр мысти бөр петис ачыс Космортов – чужөмыс* гөрд ымралө (Федоров, 1994 I:475). *Юыс волялис* шылъид, лонь, коть чеччы пажсыс да котөрт (Игнатөв, 1963:15). *Кыкнанныслөн чужөмныс банйөма, нырьясыс тшөтш жө огыралөны* гөрд, а синьясыс югьялөны долыдлаыс (Федоров, 1994 I:735). *Домналы жаль лоу выль пөдругаыс, кодлөн гортас висьөдчысь мам да ичөт чой: найө тшыгось* пукалоны сэнэ (Федоров, 1994 I:534).

Колө төдчөдны, мый татшөм сяма сөрникузясын кывбердыслөн функцияыс (лоб-ө сийө предикативной определениемон либө составной нима сказуемойлөн юкөнөн) йитчөма кадакывйислөн вежортасыскөд. Предикативной определениемыс овлө тырвийө вежортаса кадакыв-сказуемойяс дорын. Кадакывйислөн эм аслас лексической вежортас, сийө ашөра, тырвийө востьө сказуемойыслысь вежортассө. Предикативной определениемеа сөрникузясө кокниа позьө вуджөдны (трансформируйтны) кык ашөр сөрникузяө, өтиас сказуемойнас лоө кадакылыс, мөдас – кывбердыс: *Слабог, кыкнаныс* дзоньвидзайсь локтөны (Тимушев, 1986:16) > *Слабог, кыкнаныс локтөны. Слабог, кыкнаныс дзоньвидзайсь. А вөрын пувйыс сярвидзө гөрд, коть зырийон зырт* (Федоров, 1987:210) > *А вөрын пувйыс сярвидзө. А вөрын пувйыс гөрд.* Составной нима сказуемойлысь кадакыв-связкасө да предикативной юкөнъяссө татшөм ногнас оз позь торйөдны, сыысь оз артмы кык предикативной подулыс: *Сийө кажитчис зумыш сөрникузя оз позь торйөдны сийө кажитчис да сийө зумыш предикативной*

кативной подувьяс вылө, воддза подулас кадакывйыслөн абу тырвыйо вежортас, сийо отнас оз вермы артмодны сказуемойсо, ассыс вежортассо тырвыйо петкодлом могысь сийо быть коро кывбердсо; кадакывсьыс да кывбердсьыс артмо отувья сказуемой, торйодны позьтом йитод. Татшом определение пыдди мунысь кывбердыслөн функцияыс, сідзкө, зэв матын сказуемой функция динө. Предикативной определениесө позьо торйодны, обособитны: *Неважон воис асывнас нимкодь* (Шахов, 1988:220) > *Неважон воис асывнас, нимкодь. Рытнас локтас гортас тшыг да мудз, оз на и петкодлы мянлы мудзсө, збодералө (мам)* (Куратова, 1983:46) > *Рытнас локтас гортө, тшыг да мудз (...)* *Шемос они пукалө Римма кухняс, гыж йывнас пызансө визьйөдлө* (Юшков, 1979:326) > *Они пукалө Римма кухняс, шемос...* Составной нима сказуемойо пырысь кывбердсо оз позь торйодны (обособитны), торйодан кө, кадакылыс оз вермы петкодлыны тырвыйо вежортассо да сказуемойыслөн вежортасыс киссьо, торксьо, и сёрникузаясылөн ставнас вежортасыс торксьо. Веськыд дополнение чукоро пырысь предикативной определение йитчө акциональной кадакывьяс динө. Найо петкодлоны конкретной физической действие. Татшомьяснас лооны вочны, стрөитны, тэчны, лэптыны, пасьтавны, тшупны, корсьны, вайны, керны да мукөд кадакыв: *Сэтшөм шоныд керкаын лоис. И кос. Горйыд коть и тшынодлө, но сынөдсө бурөс өдйө керө* (Торопов, 1988:42). *Со кык сарай нин сулалө. Ожигайтчан пач тэчөмыд выльөс* (Федоров, 1994:330). *Кольяссө Егор чукөртөма гырысьөс, мичаясөс, да өрешкиясыс на пытшыкысь гыпалісны дөбра вылө пемыдгөрдөвөсө, дзык нин сиртөмөсь, чөскыд көраөсь* (Федоров, 1979:148). *Сэсыя вед ме платтьө сылы мичаөс вура* (Куратова, 1983:16). *Пондіс мунны государ двореч дөрө, а сэн вөлі мөд керка лэптөма огромнойөс, ыджыдөс, а сэн вөлі салдатьяс сулалөны караулитчөны* (Висер, 1986:166). *Ная мөдарас вуджисны и керка вөчисны пелькиник, сэтшөм будка, и пондісны сэн овны* (Висер, 1986:163). *Ара чериняньтө кутшөм чөскыдөс кужліс пөжавны мам* (Федоров, 1982:22).

Кадакывйыс, код дорө йитчө веськыд дополнение чукорысь предикативной определениесыс, вермө петкодлыны и физиологической действие; сэтшөмьяснас лооны, шуам, сөйны, юны кадакывьяс: *Ачыд ыджыд и, джуджыд и, нянь еджыдөс сөян* (Сорвачева, Безносикова, 1990:99). *Быд асыв пө удж вылө мунігөн пөсь чай крепыдөс юа* (Изьюров, 1984:264). *Юыштім шампанской дай гөрд вина чөскыдөс, карысь на вайлі* (Изьюров, 1984:245).

Кадакывйыс вермө индыны и кутшөмкө материальной объект сетөм, козыналөм, мөдөдөм, индөм, босьтөм вылө. Вежортас серти кадакывьясыс артмөдоны сідз шусяна денативной действие петкодлысь кадакывьяс чукор. На лыдө пыроны сетны, босьтны, ыстыны, пöлучитны, козынавны, пөдаритны, вузавны, ньөбны, вежсьыны, юксьыны да с.в. кывьяс: *Зэв нимкодь вөлі: примитісны быдөн бура, патера сетісны гажаөс, вылыс судтаас, пельөс комната, отарө и мөдарө тыдалө* (Савин,

1985:111). – Эн эскы Бикмедовлы. Сійо ылодло. –Ылодло ли оз, а ур куяс ыло донсо сетис медся ыджыдос, - смелмодчис шуны Илья (Юхнин, 1981:311). Кымын ичотджык пызаныд, сымын озырджыкөн кажитчө пызан ылыд. А ен ув пельосын сулалысь пызанысь пелькиник вөлі. Люда лэптис сэтчө пушыд көвдумьяс, пельшөр Агни моддодма медся банйомаяссө (Напалков, 2000:94). Дерт, эськө служба боксянь некутшом чин сылөн зз вөв, удждон босьтис ичотос, пасьтасис гөлиника, типографи-яас ветлодліс типографскөй краскаөн съодасьом халата (Федоров, 1989:85-86). Салдат кайис базарө деньгаөн. Сэсь босьтис сёян-юван чөскыдос и вина тшөтш босьтис с бутылочку, тшай-сакар и быдсөн (Висер, 1986:156). Обязательствоясто ми босьтим гырысьос, и найос колө портны оломө (Изьюров, 1970:125).

Объектнөй группаө пырысь предикативнөй определение вермө йтчыны аддзөм-кылөм (восприятие), сёрнитөм акциональнөй кадакывьяс дорө: Кылө, пыис сьолөмсяныис тельгис-сёрнитис мамыскөд, висьталіс мыйкө гажаос (Изьюров, 1975:104). Аддзим ми сійос (гут) довьяос (Попов, 1999-№10:46). Сьолөм лөньодана вөлі рытыс. И аскисө зэв мичаос висьталіс, шондіаос (Юшков, 1979:213). Йидж улысь мыччысьом асья кыаыс гөрда-вижа орьясян лёддзөн ошаліс вөр-пу йылас, зэра-төлаос висьталіс пуксьысь лунсө (Юшков, 2001:8).

Вайөдөм видлөгьяссьыс тыдовтчө, мый кывбердыслөн сёрникузяын вермө лоны аслыспөлөс функция, предикативнөй определение функция, кодлы лөсялөны аслыспөлөс грамматическөй признакьяс. Татшөм определениеыс торьялө сёрникузяын пыр овлана содтана член – определениеысь. Предикативнөй определениенас тшөкыда вөдитчөны серпаса гижөдьясын, найө паныдасьлөны и фольклор да диалектнөй текстьясын. Найө эмось и 19-өд да 20-өд нэм заводитчан кадся текстьясын, поэьо аддзыны татшөм определениеяссө И.Куратов гижөдьясьысь, Ю.Вихманөн, Т.Утилаөн, Д.Фокош-Фуксөн чукөртөм текстьясьысь.

Вайөдөм материалыс сідзжө петкөдлө, мый коми кывйын кывбердлысь поэьо торйөдны кык сикас подчинительнөй йитөд: примыкание да согласование (ладмөдчөм): пыр овлана содтөд член – определение пыдди мунысь кывберд некыз оз вежлась, сюрөса кыв дорас сійө йитчө примыкание йитөдөн, а предикативнөй определение функцияын коми кывбердыс вежласьө лыдын и вежлөгын, и тайө грамматическөй категорияяс ладмөдчө сюрөса субстантивнөй кывйыскөд. Кывбердлөн татшөм ладмөдчөмыс тыдовтчө и торйөдөм определение функцияын.

КЫВБЕРД ТОРЙӨДӨМ ОПРЕДЕЛЕНИЕ ФУНКЦИЯҢ

Определениеыс сёрникузяс вермас лоны и торйөдөмөөн. Татшөм определениеыс петкөдлө сэтшөм признак, кодї лөсялө предметыслы сёрнитігас, төдчөдө ловья либө ловтөм предметыслысь кутшөмкө аслыс-пөлөслун. Торйөдтөм определениеыс кө векнөдө змакывнас нимтөм предметыслысь вежөртассө, торйөдө предметсө мукөд татшөм жө предметысь (*сук вөр воис, керка водзас гырысь козьяс сулалөны, еджыд юрсиа ныв пырис керкаө*), то торйөдөм определениеыслөн татшөм функцияыс абу, сійө оз векнөд змакывйыслысь вежөртассө (*воис вөр; сук, керка водзын козьяс сулалөны, гырысьсь; ныв пырис керкаө, еджыд юрсиа*). Торйөдтөм определениеыс сюрөса змакывьясыскөд артмөдөны өтувья понятие, өтувья тэчас, кодї нуө нимтан (номинативной) функция (*мича ныв, көдзыд гожөм, лөз энж, гожся асыв, зэра ар, ыджыд кар, сөстөм ю да с.в.*). Торйөдөм определениеыс сюрөса кывйыскөд оз артмөд татшөм өтувья понятиесө, өтувья тэчасыс оз жө артмы. Татшөм определениеыс торьялө сюрөса змакывсьыс; сійө торьялө шуанногнас, иннас. Коми кывйын определениеыс пыр сулалө сюрөса змакыв водзас, но торйөдигас сійө сувтө субстантивной кыв бөрас. Торйөдтөм определениеыслөн сюрөса кывйыскөд йитөдыс зэв топыд, а торйөдөм определениеыслөн определяемөй кывйыскөд йитөдыс абу зэв дзескыд, на костын йитөдыс чинө (слабмө). Торйөдөм определениеыс лөө өна асшөрджыкөн торйөдтөм сертиыс, оз сэтшөма зависит сюрөса змакывсьыс, кыдзи торйөдтөм определениеөн. Определениесө торйөдөны, сёрнитысьыслы кө колө торйөдны, төдчөдны предметыслы лөсялана признакьяссө, качестваыссө, свойстваыссө, стөчмөдны, гөгөрвөдны сёрникузяса кутшөмкө членлысь вежөртассө, кыскыны признак вылас вниманиесө, сёрнитысьлы кө колө предмет йывсьыс юөртны содтөд признак, пыртны сёрникузяс содтөд юөр.

Торйөдөм определениеыслы пыр лөсялө содтөд вежөртас, содтөд юөртөм. Найө өтувтөны атрибутивной синтаксической вежөртас да полупредикативность (содтөд юөр) вежөртас. Торйөдөм определениеысь позьө кокниа торйөдны сюрөса змакывсө, сы вөсна мый йитөдыс на костын абу зэв дзескыд, и мыйөн слабджык определение да определяемөй кыв костас йитөдыс, сымын кокниджыка позьө торйөдны определениесө.

Коми кывйын торйөдөманас медся тшөкыда овлө кывбердөн петкөдлөм определение: *Локтас ид му дорас Йөрш Ёгор, сувтас, видзөдө допыд синмөн, кыдзи небыдик төвру улын копрасьө идйыс, чим веж да мича* (Федоров, 1979:60). *Комбинатса начальникыс коридорөд жө довьяліс,*

нюрсмунём чужома (Юшков, 1981:90). Видзьяс вылын пуритіс сук турун. Лун-мод мысти заводитчас страда. Роман Григорьевичлөн йорас туруныс коскодзыс – чоскыд дука да небыд (Напалков, 2000:88).

Кывберднас петкодлём торйодтём определениеыс тодчодё предметыслысь признаксё кад выло видзодтөг, кад серти торйодтөг, петкодлё сёрни здукыскөд йитчытём признак, сылөн абу кад вежортасыс: Дженныдик гожся вой путкыльтчис асьявыв (Ульянов, 1992:86). Вылыс катище вөлі мича пожомъяса яг нөрыс покатын (Изьюров, 1984:53). Жаль вөлі кольны небыд вольпасьсё асьыс, онялан шоныд оланінсё, ордны асья чоскыд ун (Изьюров, 1984:50). Сы водзынджык дзык берег полөн неважон на шувгис ыджыд пожомя яг (Белых, 1997:48). Ю выло надзөник лэччис гожся лөнь рит (Игнатов, 1963:82). Көть и аръявыв нин вөлі, но шорбок-са мича корья туруныс абу на удитома чорзыны да менам косай кок-ниа порөдіс сійё (Белых, 1997:43).

Торйөдём определениеыс оз петкодлы предметыслы пыр лөсялана признак, сійё босьтё кад вежортас, петкодлө предметыслы сёрнитигас лөсялана признак: Улын, джуджыд гурантї гажаа жургө-визувтё шор, век на тувсовья нога ота да варов (Федоров, 1979:111). Яг нөрысьясё чөд да пув ёна артмома. Мукөдлаас пувыйс дорвыв сярвидзё, небыд да чоскыд, вомад ачыс вөзйысьсё. Увтасіньясын, вөрсә ёльяс да шорьяс полөн, сьөд сэтөр кисьмё, мича да гырысь (Федоров, 1982:112). Чардыштліс, быттё коса дорыш югнитліс, сэсся гымыштөмкөд тшөтш ыльөбтис зэр – веськыд, шоныд, гырысь (Напалков, 1988:79).

Торйөдём определениеыс петкодлө оз прөста признак, 'оз предметыслы пыр лөсялана признак, а сійё петкодлө предметыслы торья кадө лөсялысь признак, признакыс йитчө кадкөд, та боксянь определениеыс матысмё сказуемой динө. Сылы лөсялө ыджыдджык ашөрлун, босьтё предикативность вежортас, определениеыс артмөдө сёрникузяыслысь мөд, содтөд, подув. Торйөдтём определениеыс йитчө сөмын сюрөса эмакыв дорас, торйөдём определениеыслөн шөр йитөдыс эмакывыйскөд жө йитчө сюрөса эмакыв дорас, но сылөн эм и содтөд йитөд, кадакывыйскөд йитөд.

Торйөдём определениеыс торйөдтөмсьыс торьялө и сійөс трансформируйтөмнас, мөд сикас тэчасө вуджөмнас: торйөдём определениеыс вермө вуджны определительной придаточной сёрникузяө, петкодлө сылысь вежортассө: Садьмисны онтай да бара аддзисны ты шөрысь юсь котырөс: ая-зняыс да нель пи, вижоват гөнаось на (Юшков, 1979:370). – Садьмисны онтай да бара аддзисны ты шөрысь юсь котырөс: ая-зняөс да нель пи, кодьяс вөліны вижоват гөнаось на. Торйөдём определениеыслөн кө эм помка, уступка, условие рөм, найө вермөны вуджны и помкаа, условной либө уступительной вежортаса придаточной-яссө: Визя гача да тшайпода кока, дөрөмсө вөнялөма мича сера вөньөн, отеч Апанасей ньөти эз вөв поп-батюшко кодь (Шахов, 1999:76). – Отеч Апанасей ньөти эз вөв поп-батюшко кодь, сы вөсна, мый вөлі визя гача да тшайпода кока, дөрөмсө вөнялөма мича сера вөньөн.

Кутшөмсюрө торйөдөм определениелөн вежөртасыс матын пыртан (вставной) тэчасъяс динө, найөс поэьо вежны вставной сёрникузяясөн, кодъяслы лөсялө стөчмөдана, гөгөрвоөдана вежөртас: *Войнас Шулепов вөтасис: быттьө вөлі вөрө муно, чера и нопя, аджуджыд мыльк динө воис, сөмын на лэптөмабсь уль муысь, а мыльк пөкатсьыс зэв паськыд труба вом тыдалө* (Юшков, 2001 I:336). – *Войнас Шулепов вөтасис: быттьө вөлі вөрө муно (сийө вөлі чера и нопя), а джуджыд мыльк динө воис, сөмын на лэптөмабсь уль муысь, а мыльк пөкатсьыс зэв паськыд труба вом тыдалө.*

Торйөдөм определениеыс торйөдтөмсыйс торъялө и вежласьөмнас. Коми кывйын кывберд-определение некор оз вежлась, некор оз ладмөдчы сюрөса эмакывйыскөд лыдын ни вежлөгын, пыр сулалө өтка лыда подув формаас: *Юр весьтын довидзисны өтка кымөръяс* (Тимин, 2000:101). *Гожөмпомся войыс паськыда шевкнитома ассыс сьөд бордъяссө* (Тимин, 2000:83). *Юыс чукуыля-мукуыля визувтис топыд берегъяс костын, ворйөд моз. Воча волісны тшем вөра козьяинъяс* (Торопов, 1982:76). *А сэссия, кызкө төдлытөг өдйө, воис төв. Асыв-войвывсянь шлывгысь сьөкыд руд кымөръяс быттьө крукасисны ыджыд из туганъясө* (Тимин, 2000:121). Но кывбердыс кө босьтө торйөдөм определениельсь функциясө, сийө вермө вежласьны. Тайө синтаксической функцияс сийө ладмөдчө сюрөса эмакывйыскөд лыдын, вежлөгын. Сюрөса эмакывйыс кө өтка лыдын, то и торйөдөм определение пыдди мунысь кывбердыс өтка лыдын (а), а сюрөса кывйыс кө уна лыда формаын, то и атрибутивной кывбердыс босьтө уна лыда -*өсь* суффикс, ладмөдчө сыкөд лыдын (б). Таын сийө матыстчө предикативной функцияа кывберд динө: (а) *Улын, джуджыд гурантї гажая жургө-визувтө шор, век на тувсовья нога ота да варов* (Федоров, 1979:111). *Илья Яковлевич ачыс бөра улөс вылын жө пукалис, кыпыд руа, читкырасис-нюмъялис, аслас ёсь видзөдласөн вочаалис быд пырысьөс* (Шахов, 1989:94). *Чардыштис, быттьө коса дорыш югнитлис, сэссия гымыштөмкөд тшөтш ыльөбтис зэр – веськыд, шоныд, гырысь* (Напалков, 1988:79); (б) *Кызкө өти төвся луно чукөртчисны коинъяс, тшыгөсь, скөрөсь* (Коданев, 2001:120). *Асылыс вөлі шондіа. Кымөръяс посныидикөсь да сераөсь, быттьө ыж табун, котөртисны енэжтї войвывлань* (Юхнин, 1983:84). *Но и казялис Оньө, кызди кыськө друг сывгысисны кодзувкотъяс, гырысьөсь, пемыдгөрдөвөсь, да и пондісны люзьгыны өтар и мөдар* (Торопов, 1982:43). *Ю катыдас, өти көджын, быдмисны зэв мича кызд пуяс – веськыдөсь, улыс увтөмөсь, партчөмөсь* (Юшков, 1979:244). *Кыкнанныс вөліны сюсь вөралысьяс, компасаөсь и пиццаляөсь, а со тай, өнөдз туй ни пом* (Напалков, 2000:125).

Кывбердөн петкөдлөм торйөдөм определениеыс кө йитчө керан вежлөга веськыд дополнение динө, то сийө ладмөдчө сыкөд вежлөгын, босьтө керан вежлөглысь -*өс* суффикс: *Школа стрөитам, гажаөс да ыджыдөс, мед миян челядь өнджыка велөдчасны* (Юхнин, 1983:119). *Өд неважөн на, кольөм во, письмөын чолөмавлі и сийөс, мусаөс да донаөс* (Ульянов, 1992:103). *Вөч меным виль норт, кузьджыкөс* (Юшков, 1981:15). *Позис и*

аслыс кутшомкӧ нӧрыс бӧрйыны, гажаӧс да луна банаӧс, поздысьны сэтчӧ, дыр-ӧ нӧ воча чомтӧ вӧчны (Юшков, 2001 I:19). Сэсья вед асьыныс ӧтувтӧм видз-муяс вылас став уджсӧ ас кадӧ вӧчисны, да ещӧ содтӧд кулачитӧмаяслыс унджыксӧ вермисны ӧдӧлитны. Слабог, урожай чукӧртисны, и зз лёксӧ (Шахов, 1999:466). Тӧвнас нӧшта и шофӧрскӧй курсьяс на помалис, рытьяӧс (Напалков, 2000:201).

Торйӧдӧм определение функцияс кывбердыслӧн вежласьӧмыс ӧткодь предикативнӧй определение функцияя кывбердлӧн вежласьӧмкӧд. Кыкнан тайӧ функцияс кывбердъясыс вежласьӧны лыд серти, уна лыда скорӧса эмакыв дорӧ йитчигӧн найӧ босьтӧны уна лыдлыс -ӧсь суффикс, веськыд дополнение динӧ йитчигӧн -ӧс суффикс. Татшӧм определениеяс пидди муныс кывбердыс йитчӧ сюрӧса кывйискӧд согласование (ладмӧдчӧм) йитӧдӧн нин.

Перым коми кывйын торйӧдӧм определение пидди муныс кывбердыс сюрӧса эмакывйискӧд ладмӧдчӧ жӧ лыдын да вежлӧг формаын. Нимтан вежлӧга уна лыда торйӧдӧм определение-кывбердыс предикативнӧй кывбердъяс моз босьтӧ уна лыда -ӧсь суффикс, а косвеннӧй вежлӧгъясын – эмакывъяслыс -зз уна лыда суффикс: Талун асывъянь усьӧ лым, посньытук, кӧс. Зэр воттес, гырысьсӧсь да сьӧкытӧсь, пондӧсӧ усявны туй вылас. Тӧнсянь ни повзьӧтлӧ кымӧррӧзӧн, сьӧддӧзӧн, зӧрӧзӧн (КПЯ:218). Видлӧгсьыс тыдовтчӧ, мый кывбердыс нӧшта босьтӧ и керанторъя вежлӧглыс -ӧн суффикс, кодын сулалӧ скорӧса эмакывйыс. Перым коми кывйын веськыд дополнение динӧ йитчыс торйӧдӧм определение век босьтӧ керан вежлӧглыс суффикссӧ, татшӧм суффикснас пырджык лӧӧ -ӧ, шочджыка -ӧс: Сашаыс вайис книга, вильӧ, басӧкӧ, и интереснӧйӧ. Колхоз стрӧитис виль керку, ыджытӧ, гырысь ӧшинаӧ да краситӧм джоджаӧ. Пыр гажтӧмчисьӧс да вежӧраӧс сийӧ любитисӧ быдӧнныс (КПЯ:218).

Колӧ пасйыны, мый коми кывйын торйӧдӧм определение функцияя кывбердыс керан вежлӧглыс -ӧс суффикс кындзи корсюрӧ вермӧ босьтны и мукӧд косвеннӧй вежлӧглыс суффикс, вермӧ ладмӧдчыны сюрӧса эмакывйискӧд мукӧд вежлӧгын. Петан вежлӧга косвеннӧй дополнение дорӧ йитчигӧн торйӧдӧм определениеяс тштӧш босьтӧ петан вежлӧглыс -ысь суффикс: Сы бӧрын и кутис мучитны Анастасия Васильевнаӧс мустӧм вӧт. Бытьтӧ кутшомкӧ паськыд улица кузя пышйӧ-пышйӧ кодъськӧ, зэв страшнӧйысь, а кокъясыс оз нуны (Куратова, 1995:172).

Могман вежлӧга эмакывйӧн петкӧдлӧм мога обстоятельство динӧ йитчигӧн да ина вежлӧгъяса (пыран, петан) эмакывйӧн петкӧдлӧм обстоятельствояс динӧ йитчигӧн торйӧдӧм определение-кывбердыс босьтӧ тайӧ жӧ вежлӧг формаысӧ: Ми вед уна черила мунам, гырысьла да (Напалков, 2000:137). Та бӧрын Шабанов сирасьлис Павел динӧ бур ногӧн, весиг вӧзйылис мӧд вежӧсӧ вуджны, куйм мортаӧ (Юшков, 1981:54).

Торйӧдӧм определение пидди муныс кывбердыслӧн сюрӧса кывйискӧд ладмӧдчӧмыс вермӧ лоны индан-асалан категорияын, сюрӧса эмакывйыслӧн кӧ эм индан-асалан суффикс, то сийӧс босьтӧ и торйӧдӧм оп-

ределениеис: Ноддя дорын жö сэсся ковмис узьлыны Ардальонпы. Бур, мый кос козыйс, сувтсаыс и пöрöмаыс, быдлаын тыдаліс, да кокниа шедіс пескыс (Юшков, 1981:109). А Бияр эз и ыштыв бурджыка шердйыштны юрас нылыслыс асныралöмсö, монныс сэтчö воис, Шонаыс. Көдзасö, арсясö да тувсовсö, ветліс сійö видзöдлыны важ тыла вылас да сэтысь на локтіс, кузь воропа кокана (Юшков, 2001 I:196). Мöд чимиöс на лэдзис тадзи Бияр. А коймöдыс, медся на ыджыдыс, быттьö ачыс и шедддчис (Юшков, 2001 I:266). Миян öд быдсяма йöзыс жö эмöсь, бурыс и лёкыс (Федоров, 1994:731). Сія сэсся öшöдіс кучиктö потшыс вылö и чукöстіс ассьыс вöвсö. Локтіс первойыд, гөрдыд, öти пеляс пырис, пывсис, мыс-сис, мөдас көмасис, пасьтасис и сэтшöм молодеч лови, ок кутшöм! (Висер, 1986:98). Но вокьяс мунісны. Седун сія лэччис шорö, кыссис бауөн, чукöстіс первойя вöвсö, гөрдсö, и пырис пеляс (Висер, 1986:95).

Сёрникузяын торйöдöманас вермасны лоны и качественной и относительной кывбердөн петкөдлөм определениееас: Слабог, тыдовтчис тыыс – вель паськыд, мегыр моз ыджыд кусынь вöчö шуйгавыв, вөр керка дорсянныс заводитчö, таті писькөдчö Эжваас (Напалков, 2000:140). Мича ва дорті, гажа ю дорті Тувсов асылö, шонді петігөн Зонка, томиник, муніс туй кузя, муніс туй кузя сьölөмшөр дінас (Лыткин, 1985:91). Здук мысти сійö, пельк да кыпыд, вöлі нин кильчö вылас (Куратова, 1974:41). Öтчыд карательяс шөрö веськалісны. Колонна бөрвылас найö вöлöмаöсь, поньяöсь (Юшков, 1988:228). Тонö, яг нöрысöд, кодьяскö лэччöны, нопьяöсь (Савин, 1985:32). Уткин, кызіник, гөгрöсіник, быд кык воськов бöрын кутышталіс юр вывсьыс важиник, вушйöм-летсьöм шляпасö, медым лыбöм тöв нырыс эз крукышт да ну (Федоров, 1979:42). Локтас Сопрон, кос и жеб, А сюзь синсьыс ем он дзөб (Куратов, 1979:117). Яг выв пожöм керьясысь тшупöм керкаыс сералö-сулалö, чардака и балкона (Федоров, 1979:68). Мартыновлы бура нин тыдаліс вөв вылын пукалысь зон, шапкатöм, көмтöм (Федоров, 1994:304).

Торйöдöм определениееис пырджык овлö паськөдöмаөн, некымын кывйысь артмöмаөн. Татшöм паськөдöм определениееас сюрöса кывнас тшöкыда овлö относительной кывберд, а сыысь зависитысьнас, сійöс гөгөрвöдысьнас – качественной кывберд, шөркыв, шөркывыысь артмöм оборот, шочджыка – относительной кывберд, и тайö зависитысь кывьясыс унаысь овлöны и быть коланаöсь, натөг сюрöса кывйыс оз вермы тырвыйö восьтны ассьыс вежөртассö: Мамлы тыдалö вöлі, кызди нылыс, көмтöм кока, тövзьö-котöртö Читлань (Федоров, 1994 I:320). Син водзас сувтіс вöралан пон – латшкös тушаа, крукыля бöжа, визув (Ульянов, 1992:52). Илья öдйö веськөдчис да сэк жö дрöгмуні: öшинюв лапта кузя сыланьö локтіс ачыс Вишкун Ласей – ён туша тэчаса, водзлань чүргöдыштöм морöса (Юхнин, 1981:27). Кöсьтакөд орччөн, тыртöм мешöкьяс вылын, пукапö ар кызь вита кымын лöсьыдінник ныв Пиля Зоя – дженьыда шырöм рудов юрсиа, вöсни да кузькодь ныра, юрас гөрд чибльöга-чышьяна да көрöм коска пелькиник кучик кышöда, уна кизя ботинкиа зумыд кокьясыс бөвэ-

ялõны телега бокиын (Торопов, 1995:24). Елена, нюмвидзысь вом дора, крепид кõмтõм кокъяснас восьлалõ турун пытшті (Куратова, 1974:150). Настя сулаліс кильчõ вылас, киас ыджыд пу ведраа, съõд кõсаясыс чеччалõны серамысла вылын морõс вылас (Тимушев, 1986:22).

Торйõдõма кõ õтка определение, то сійõ пырджык õтсыма, артмõ кык либõ унджык õта-мõдсыыс зависиттõм кывбердысь: *Но и казяліс Ёньõ, кыдзи кыськõ друг сязгысысны кодзувкотъяс, гырысьсõсь, пемыдгõрдовõсь, да и пондїсны люзьгыны õтар и мõдар* (Торопов, 1982:43). *Сэсыя бура дыр люзьгысны õтка йõз, и медбõрын матыстчис котыр, кõнї вõліны том йõгряс – гораõсь, збойõсь* (Тимин, 2000:91). *Вõлі нин дас кыкõд час вой, кор вокъяс – тшыгõсь да мудзõсь, корõсь нõбъясõн да сирõн воисны гортаныс* (Торопов, 1982:15). *Асылыс вõлі шондїа. Кымõръяс, посньы-дикõсь да сераõсь, быттõ ыж табун, котõртїсны енэжті войвывлань* (Юхнин, 1983:84). *Афанасий, гõтыра и котыра нин, став семьянас аслас машинаõн, вõма гõститны гортас* (Шахов, 1988:66). *Тшõтш вõлі на чукõрын и Терень – шапкатõм, кõмтõм, бокас кõв йылõ мешõк õшõдõма* (Федоров, 1994 I:346). *Локтас Степко рытнад удж вылысь, мудз и тшыг, а Пашка оз сет сылы шойччыны ни ужнайтны, гутõдõзурõдõ Степлюõс быд боксянь* (Куратова, 1974:141).

Торйõдõм определениеыс сулалõ сюрõса гõгõрвоõдана змакыв бõрас. Таõн сёрнитысьыс (гижысьыс) торйõдõ, тõдчõдõ определяемõй кывнас нимтõм предметыслысь сёрни здукас медся колана, медся тõдчана при-знаксõ, качествосõ, свойствосõ, кыскõ сы вылõ кывзысьыслысь (лыддысьыслысь) пельсадьсõ. Сёрнитысьыс торйõдõм определениенас тшõкыда вõдитчõ мортлысь эмоциональнõй состояниесõ, йõзлысь, ловъя ловлысь пытшкõсса качестваысõ петкõдлõм могысь, йõзкостса, семейнõй отноше-нияс, общественнõй положение тõдчõдõм могысь, удж дорõ отношение петкõдлõм могысь, вõр-ва явленияыс, лõмторъяс петкõдлїгõн, кад, ин, материал, действие дїнõ отношение серти предметъяслысь признакъяс тõдчõдїгõн. Торйõдõм определениеыс пыр нуõ содтõд юõр, сетõ предмет йывсьыс содтõд информация, торйõдõм определениеыс коми кывйын пыр-джык лõõ полупредикативнõйõн: *И петїс Надя кабинетсьыс, скõр, гõрдõдõма* (Куратова, 1983:182). *Быттõ артыштõмõн и локсьõма, Африкан Ивановичлõн керкаыс тыдовтчис, югыд биа* (Юшков, 1979:218). *Коркõ сёрõн нин, шог да гажтõм, Куратов локтїс гортас, пырис аслас жырїõ* (Федоров, 1982:246). *Мõдарсянь кõ, вõлі любõ: сылысь Верасõ, сэтшõм мичаникõс да лõсьыдїникõс, быдõн ошкõны* (Изьюров, 1984:218). *Пõрысь Тарас Микул эз эскы аслас синъяслы: сы водзын сулалїсны куим сват: сьõкыдõсь, тошсялõмаõсь, тшыгõсь* (Тимушев, 1986:135). *Найõ, томõсь да ёнõсь, зїля уджалõм бõрын допыда сёлкõдчисны ваын* (Федо-ров, 1982:100). *Водзвылас – Юва, бõрвылас – Олõк, сьõкыд тусаясь киаыс, ваджиктїсны Эжва дорсьыс катõдысь туйõдыс* (Юшков, 2001 I:194). *Весиг Ванюк да Илья, õнõдз на лõньõсь, сэн жõ мõдїсны ноксыны, воддза рытын моз Свежовысь õнї эз нин повны* (Юхнин, 1983:33).

Торйодом определение пидди мунысь кывбердыс вермө гөгөрвоодны, стөчмөдны сюрөса эмакыв дорас вайөдөм нин определениеыслысь вежөртассө. Сёрникузяас эмакывйыслөн определениеыс эм, но сийөс петкөдлөма паськыд вежөртаса, абу тырвийө вежөртаса кивйөн, кодлысь вежөртассө колө стөчмөдны. Тайө функциясө ас вылас босьтө торйөдөм определениеыс, сийө йитчө оз предмет вежөртаса эмакыв дорас, а сёрникузяас вайөдөм нин определение дорас. Татшөм торйөдөм определениеыс лоө нин стөчмөдысьөн, а оз полупредикативнойн: (...) мөдлапөвса пожомө шытөг шывкнитис-пуксис кутшөмкө лэбач, ыджыдкодь, рудов, кузь бөжа (Торопов, 1982:143). Гөгөр кылис аслыссяма дук – төдтөм и төдса, чөскыд и чөскыдтөм (Игнатов, 1963:82-83). Локти ва дорсьыд, видзөда, кутшөмкө дядьб, сера дөрөма, пуджөм сосьяса, чайшө-восьталө сусед керкалысь тупкөса өшиньяссө (Куратова, 1983:188). Эз на вунөд Бияр, кытчө гожөм помнас пыралис Пама динас, да төдана керкаас и веськөдчис, а вөлөмкө мөд керкаын сийө төвий, орччас, енколаыс кодь ёсь вевтаын да сыысь абу и вывти ыджыдын (Юшков, 2001:108). Думысь зськө батьөллысь лөсасян черсө корси, но эз сюр, буракө, ачыс кытчөкө сьөрсьыс босьтөма, ковмис мөдөс котөртөдны, ныжджыкөс, кодөн весиг пес поткөдлам вөли (Юшков, 1979:163). Мамө, тэ меным век татшөм рудзөг нянь пөжав, чөскыдөс. Не-кутшөм еджыд нянь оз ков (Шахов, 1977:220). Ю мөдар берегас вугралисны татшөм жө козьяс, гырысьсөсь, кузь тошкась (Игнатов, 1963:91).

Торйөдөм определениеыс петкөдлө предметыслысь признак, качество, но сылөн сёрникузяын вермасны лоны содтөд рөмъяс, определение динас вермө содтысьны помка, условие, уступка да мукөд вежөртас. Шуам, помка вежөртассө торйөдөм определениеыс кутө татшөм сёрникузяасын: Тэрыб вөраса, быдтор вевъялө вөчны ыджыд мам (Тимин, 2000:22). (Быдторсө вевъялө вөчны, сы вөсна мый сийө тэрыб вөраса). Мусмис өшинь улыс Роман Григорьевичлы – гажа да мича, чигарка помсө весиг оз шыбит кок улас, дульсө оз сьөлышт, а сьөлыштас кө потшөс саяс (Напалков, 2000:89). (Өшинь улыс мусмис, сы вөсна мый сийө вөли мича да гажа). Куртны кө мунан, этайө курансө и босьт, кокни да лөсьыд, кильчө улө шыбити (Куратова, 1983:62). (Тайө курансө босьт, сы вөсна мый сийө лөсьыд и кокни). Дыр мөдис нюжавны ар пом, шоныд да мича, и нимтисны сийөс нывбаба гожөмөн (Юхин, 1981:45). (Нывбаба гожөмнас нимтисны ар помсө, сы вөсна мый сийө вөли мича да шоныд). Зэв лөк тод, вутшкөсь да сёмөм ваа, гудыр-гадыр пөрөм пуяса, кузя нюжалис рытиввывсьянь асыввилө (Юшков, 1981:198). (Тодыс зэв лөк, сы вөсна мый сийө вутшкөсь да сёмөм ваа). Бат'элэн отарис вөли дзол'ан'ик керка-а, а мөдарис с'өд керка, трубатэм (Сорвачева, 1966:230) (Керкаыс сьөд, сы вөсна мый трубатөм). Кыдз тыдалө видлөгъяссьыс, торйөдөм определениенас петкөдлөм признакыс вермө лоны предмет действеыслөн, состояниеыслөн помканас, предмет признакыслөн помкаөн.

Камбалов лөз сатин дөрөма, дзуртышталан кром сапөга – локтис букыш чужөма (Федоров, 1979:161). Сёрникузяысь тыдовтчө уступка вежөртас: көть Камбалов и вөли лөз сатин дөрөма, кром сапөга (сидзкө, бура пасьтасьөма), но та вылө видзөдтөг сийө локтис букыш чужөма.

Кыдзи вöли пасйöма нин, торйöдöм определениеыс сулалö сюрöса змакыв бöрас; и сйöс змакыв бöрас сувтöдöмыс лоö торйöдöмыслөн медшöр, медтöдчана условиеөн. Коми кывйын определение пыдди мунысь кывберд пыр сулалö сюрöса гөгöрвоöдана кыв водзас, а сёрнитысьыс кө сувтöдöма сйöс сюрöса кыв бöрас, то сйö лоö нин торйöдöмаөн: *Быдмис Матвейлөн ныв, русöй көсаяса, чирк кодь тэрыб* (Изьюров, 1984:172). *Кузь да гажтöм лоö рытыс Людэлы. Но бара пуксяс лун – ыджыд да югыд шондйа* (Напалков, 2000:63). *Ваньö, аспас пищэля да нопья, вöтчö сы (дедушыс) бöрся, но сйö абу на велалöма татшöм öтмосасö восьлавны и корсюрöясö кольчыштлö* (Торопов, 1982:105).

Сёрникузяс змакывйислөн вермасны лоны определениеяс, кодъяс гөгöрвоöдоны, характеризуйтоны предметсö, торйöдоны мукöд татшöм жö сямэ предметысь, сетöны предметыслы колэна признаксö, и сэк жö сёрнитысьыс сетö предметыслы содтöд признак, содтöд юөр, признак, кодöс сйö тöдчöдö, кыксö сы вылö кывзысьлысь пельсадьсö. Сёрникузяс вермö лоны торйöдтöм и торйöдöм определение; медводдзэыс на пысь сулалö сюрöса кыв водзас, а мöдыс, торйöдöмаыс, - сюрöса кыв бöрас. Но уна боксянь стöча серпасалöны предметсö: *Верэлан сынöд вевдорын öтка руд кымöр, вёкни да кузьмöс, вёглясис, некодарö зз вешйы* (Юшков, 1981:250). *Кырк-öтшэс тыдалисны улыс кумъясыс, нель-ö-вит керка судтабсь* (Юшков, 2001 I:17). *Родьö локтис рытнас вөр керка дорö и аспас синъяслы зз эскы. Сулалö сэни дзык вэль керка, куим öшиня, мичэ посводзэ* (Коданев, 2001:117). *Воис шор пос. Сы увтй сьяльгис зз шор, а зэв визув ю – вёкны-дик, сöдз* (Напалков, 2000:308). *Ывля вылын öдйö пемдйс. Сикт вёсьтö öшйис сьöд рыт, кузь да гажтöм* (Ульянов, 2001:27). *Накöд тшöтш воис косиндзи мужичöй, сапöга да шляпаа, костюм вылас кизявтöм штормовкаа* (Юшков, 2001 I:47). *Рытиввысянь и войвывсянь, энж пасьталаыс, кыпöдчис лöзов сьöд кымöр – кыз, топыд, эралысь гундыр кодь, дзыкöдз вылö тупйис шондйсö, вочасөн пыр кызис и быдмис (...)* (Торопов, 1982:166).

Определениеыс вермас лоны торйöдöмаөн и сюрöса змакыв водзас сулалёгөн. Тайö овлö сэк, кор сюрöса кывйыс оз кор определениесö, сйö ачыс зэв стöча нимтö предметсö, определениееыс сылы оз лöсяв, йитöдъясыс определение да определяемöй кыв костас зэв слабöсь. Татшöмъяснас лöны собственнöй нимъяс динö йитчысь кывберд-определениеяс. Найö сетöны предмет йывсьыс содтöд юөр: *Ваньö дядь ворсйс гудöкөн. Гöтырыслөн вайöм вэль дөрöма, Ваньö дядь ворсйс джопйöдлöмөн, тшэпа* (Шахов, 1977:164). *Пуджöм соска, еджыд дөрöма, руд гача, Прокö жöдзис сёртсьöм пос тшупöда кильчö дорын, öтарö синйис öдзöсöд петысьясöс* (Напалков, 1994:225). *Неыджыд тушаа, косöдиник, гырысь синъяса, Левонь том дырйыс вöли зэв шань морт* (Изьюров, 1984:77). *Куас ыджыд сумкаа, Машö джöмдалёг вöтчис шофер бöрся* (Напалков, 2000:16). *Васька этшэ жö овлис гортас (...). Кокныдик паськöма, үнджыкысьсö бритчытöм, дженныдик тоша, Васька пыр котöртыштйс да котöртыштйс: то контораö, то ягö* (Изьюров, 1970:222). *Пельпом вылас ружьесö во-*

лысалома, шоньид чышьяна, лазья, Сандра вуджис посни поноля вөр, петіс сьола пэч туй выло да мөдөдчис восьлавны лөсас кузя (Федоров, 1979:384).

Собственной ним бөрас кө сулалө кывберд-определениеыс, дерт жө сэки сійө лоө пыр торйөдөмаөн: Нывьяс діно локтіс ачыс Мишка – выль көч ку шапкаа, руд валегиа, дубья пася; кузь чужоьмыс нюмьялө (Юхнин, 1981:238). Тайө вөлі Яким гөтыр. Сы бөрся вөтчө ачыс Якимыс, ыджыд да ён, ош моз варгыльтө (Федоров, 1979:158). Константин довкнитыштіс юрнас: пырам пө, а син водзас сулаліс төрытья Елена, виж сарапана, көмтөм крепьид кокъяса да гажаа сярвидзысь пиньяса (Куратова, 1974:153). Тайө керьяс вылас йөз кытшын пукаліс Бикмедов – дженьыдик тушаа, гөгрөсіник (Юхнин, 1981:14).

Оз корны определениеяссө и морта нимвежтасьяс, найө стөча нимтөны сёрнитысьсө, вомьёртсө, коймөд мортөс. Сёрнитысьыс вермө на йылысь содтөд мыйкө юөртны, сетны кутшөмкө признак, морта нимвежтас дорас вермас лоны определениеыс, но на костын йитөдыс сідзжө зэв слаб. Определениеыс морта нимвежтасьяс дорас лоө пыр торйөдөмаөн, көть сійө сулалө и нимвежтас водзас: Дзирдалысь кромөвөй сапөга, галифе гача да еджыдысь-еджыд чукрасыштөм дөрөма, сійө пукаліс джодж шөрся улөс вылын (Куратова, 1974:19). Сапөг пытшкас сылөн больскакыліс зэр ва. Көтасьөм паськөма, сійө кокныдыка матыстчис көтшас пельөсө, пөрччис ва көлуйсө, сапөгсө (Юхнин, 1983:140). Тюни вывтійыс пэдзөм гача, гач пиас сюялөм юбкаа, кыпыд морөса, сійө сулаліс Свежов водзын, вына да нимкодь (Юхнин, 1983:92). Веськыда шуа: Тишинсянь тайөс некод зэ виччысь. Косөдіник, зэв рам, арпыда, сійө пыр вөлі сайын. Землянкаын надзөник йөжгылясьө көнкө пельөсын, оз и тыдав (Изьюров, 1980:5). Морта нимвежтас бөрын сулалысь кывберд-определение пыр лоө торйөдөмаөн: Недыр мысти сійө, югыдвиж сарапана, көмтөм кока, сулаліс нин дзик ва бердын да нюммуніс (Куратова, 1974:138). Здук мысти сійө, пельк да кыпыд, вөлі нин кильчө вылас (Куратова, 1974:41). Луншөр гөгөрын кымын ме, водзлань чургөдөм пищала, петі том козья-понөля дзескыд тіплысь гырысь пожомьяса шыльыд да югыд ягө (Торопов, 1988:33).

Эмакывйөн, нимвежтасөн, собственной нимөн петкөдлөм сёрникузьяса член діно йитчысь кывберд-определение тшөкыда сулалө орччөн тайө кывьяс дінас, дзик сы бөрын: Пачын эм юква, пөсь на, – шуыштіс батыылы Лиза (Федоров, 1982:50). Пиыс, ас кузяыс нин, вөтчис бөрсяныыс (Юшков, 2001 I:256). Но постпозитивной атрибутивной кывбердыс вермө и торьявны сюрөса кывсьыс, на костын вермасны сулавны сёрникузьяса мукөд членьяс. Тайө овлө сэк, кор определение пыдди мунысь кывбердыслөн сюрөса кывйыскөд йитөдыс абу зэв дзескыд, атрибутивной членныс абу быть колана. Татшөм тэчасьясас ёнджыка тыдовтчө, мый определениеыс петкөдлө содтана юөртөм, нуө содтөд вежөртас, торйөдөм членныс босьтө ыджыд ашшөрлун. Торйөдөм определениеыс кө йитчө подлежащөй дорас, на костын вермас лоны сказуемөйыс. Татшөм сяма определениеыслөн чинө эмакывйыскөд йитөдыс, ёнджыка тыдовтчө сылөн

кадакывйыскөд, сказуемойыскөд йитөдыс; та дырйи торйөдөм определенеыс лоө зэв ашөрөн: *Верөсыс трактористалө, рам да уджач, гөтырсө Настуся оз тусяөн и шуө* (Куратова, 1983:28). Атрибутивной кывбердсө да определяемой субстантивной кывсө торйөдысь глагольной сказуемойыслөн вермас лоны аслас состав, вермасны лоны сыысь зависитысь, сйөс гөгөрвоөдысь кывъяс, сэки определениееыс эмакывсыс нөшта на ёнджыка ылысмө, сылөн ашөрлуныс ещө на ёнджыка содö: *дедушыс сулалө ыджыд пожом динын, киас чера, да чатөртчөмөн видзөдө вывлань* (Торопов, 1982:104). *Унаөн сулалисны юрнысө öшөдөмөн, зумышөсь, шог чужөмаөсь* (Федоров, 1994:395). *Иван Петрович воча петис мянлы ыджыд пызан сайсыс, важ моз на кузь да косиндзи* (Торопов, 1988:188). *Школа помалөм бөрын кум друг пыр и ытисны заявление Воркутаса горной техникумө да, шудаөсь, пондисны виччысьны воча кыв* (Куратова, 1995:9). *Ткачев локтис дзурс пемыдөн нин, дзик тшыг да мудзөм, гөрдөдөм синьяса* (Федоров, 1981:165). *Арнас быд лун кута вотчыны. Чөд вая, сэтөр. Лукав да сөмын сөй. Мамө варенньө тэныд пуас, чөскыдысь-чөскыд, кывтө нылыштан* (Коданев, 2001:70).

Торйөдөм определениее да сюрөса эмакыв водзас вермас лоны и глагольной сказуемой динас йитчысь обстоятельство, кодй гөгөрвоөдө сказуемойсө, но определениееыс оз зависит, сылөн определениееыскөд ни определяемой субстантивной кывйыскөд некутшөм йитөд абу: *Отнас и коли Васька посводзө, инасьтөм лола* (Юшков, 1988:123). *Трасса кузя мунис пода морт. Воис сйө кысянькө вывсянь, ыджыд сьөд дукөса, еджыд лазья, көч ку шапкаа* (Изьюров, 1984:54). *Бурджык уличаыс сиктын өтй сөмын и эм. Нюжөдчөма сйө Мозын ю пөлөн салдатъяс моз кыз радөн сулалысь керкаяслөн öшиньяс увтй, векни да бусөсь* (Васютов, 1978:83).

Торйөдөм определениееа сёрникузясыс медсясө лөсялөны гижөда кывлы, торйөн нин серпаса гижөдъяслы. Колө чайтны, мый татшөм сёрникузясыс ёна сөвмисны гижөд кыв сөвмөмкөд тшөтш, серпаса литература сөвмөмкөд тшөтш. Торйөдөм определениееа сьөктөдөм прөстой сёрникузясыс паныдасьлөны нин 20-өд нэмся 20-өд воясья серпаса гижөдъясын: *Сыктывкарө еджыдъяс воисны аскинас, лун шөр гөгөрын. Пургыль кодьөсь кыссьөны – кок улөдзыс пасяөсь, винтовкааөсь, сьөрсьыныс тшөтш вайисны пулеметьяс* (Попов, 1987:67). *Иванлөн ёртыс тшөтш пыралис, шынеля да винтавкаа* (Попов, 1987:66).

Торйөдөм атрибутивной кывберда сёрникузясыс паныдасьлөны и фольклор текстъясын, сёрнисикасьясын: *Вовис гөра, зэв сэтшөм крут, каменной вичко кодь дзик* (Висер, 1986:133). *Гортө мунны пондис, нюр вовис, зэв сэтшөм паськыд, ыджыд* (Висер, 1986:111). *Аски чеччис Иван, өпеть мунис водзө. Вовис ззысь дом. Öшиньөдыс торкнитис ныв, ещө мича* (Висер, 1986:134). *Вот өтпыр сылы водзчаас'ис кутшөмкө морт, төдтөм* (Жилина, 1998:112). *Вовис ичөтик керка, буа* (Висер, 1986:185). *Вовис Саломщик гортө, зэв жугыль* (Висер, 1986:207).

КЫВБЕРДЛОН СИНТАКСИЧЕСКОЙ ЙИТДЪЯС

Коми кывбердъяс мукöд асшöр кывсикасъяс моз жö вермöны йитчыны мукöд кывсикасъяскöд, та дырйи сийö вермö ачыс лоны сюрöса кывнас, сы дорö йитчöны зависитана, сийöс гöгöрвоодысь кывъясыс, либö жö кывбердыс ачыс лоö эмакывсö гöгöрвоодысь, эмакывсö паськöдысь кывнас, ачыс лоö зависитысьнас. Сюрöса кыв пыддиыс мунигон кывбердъясыс артмöдöны адъективной кывтэчасъяс. Öня коми кывйын татшöм тэчасыс артмö зэв уна и зэв тшöкыда, тайö зэв продуктивной тэчасъяс. Адъективной тэчасъясас кывберд динас зависитысь кывъясыс йитчöны примыкание либö веськöдлöм (управление) подчинительной йитдъясөн.

Адъективной тэчасъясас зависитысь кывъяснас зэв тшöкыда овлöны урчитанъяс. Найö тöдчöдöны кывберднас нимтöм признакыслысь, качествоыслысь предметыслы лöсялöмсö, лöсялöмыслысь вынсö, петкöдлöны, ёна-ö лöсялö качествоыс предметыслы. Коми кывйын эм уна урчитан, кодъяс петкöдлöны, мый качествоыс предметыслы оз ёна лöсяв, ёна лöсялö, вывтi ёна лöсялö, индöны сы вылö, мый качествоыс предметыслы лöсялö буретша, тырмана либö, мый качествоыс предметсö шымыртöма ставнас, дзикöдз, предметыслон тайö качествоыс сэсса оз вермы лоны вылынджык. Татшöм урчитанъяснас лöоны **неуна, тöкөтьö, муртса, вель, доза, дöза, бура, зэв, ёна, вывтi, дзик, нач, скöнь** да с.в. Лыддьöдлöм урчитанъясылон кывбердыскöд йитчана поэянлуныясыс зэв паськыдöсь, найö вермöны йитчыны пöшти став качественной кывбердыскöд: *неуна ыджыд, тöкөтьö шоныд, вель мича, муртса шоныд, дöза мича, бура ыджыд, зэв ичöт, зэв сьöд, зэв паськыд, ёна ыджыд, ёна лöсьыд, ёна паськыд, вывтi еджыд, вывтi гырысь, вывтi пöсь, вывтi кöдзыд, дзик еджыд, дзик сьöд, дзик виль, дзик сöстöм, нач гöгрöс, нач гöрд, нач виль, скöнь сьöд, скöнь виль* да с.в.

Качество тшупöд вылö индысь кутшöмсюрö урчитан вермö йитчыны и торъя вежöртаса öткымын относительной кывберд динö: *зэв йöла (мöс), зэв выя (рок), вывтi выя (рок), зэв тшака (во), зэв чöдъя (вöр), зэв туруна (видз), зэв лымъя (тöв), вывтi изйöсь (му), зэв чериа (ю), дöза чериа (ю), дзик черитöм (ю), дзик кымöртöм (енэж), дзик зэра (гожöм), дзик турунтöм (видз)* да с.в.

Колö тöдчöдны, мый абу тыр качество тшупöд вылö индысь *неуна, тöкөтьö* урчитанъяс коми кывйын йитчöны **-ов, -кодъ, -джык** суффиксъяса кывбердъяскöд. Тайö суффиксъясыс сiдзжö кутöны абу тырвийö качество вежöртас. Тайö урчитанъяс да индöм суффикса кывбердъяс кос-

тас тыдовтчö аслыспөлöс ладмöдчöм: *неуна паськыдджык, неуна улёв, неуна улёвджык, неуна улёват, неуна төлакодь, неуна кодзыдов, неуна ыджыдов, неуна векниов, неуна васöдджык, неуна пемыдов, неуна събодовджык, неуна гөрдджык, неуна юмовджык, неуна курыдджык, неуна пагыров, төкөттьö кузёв, төкөттьö дженьыдов, төкөттьö кызовджык да с.в.*

Сюрöсa кывбердсьыс вермöны зависитны кывбердъяс жö. Качественной кывбердъяскöд йитöдын öткымын зависимöй адъектив вермö петкöдлыны предмет качественольсь тырмана тшупöд. Татшöмъяснас лöоны, шуам, рочысь босьтöм *прамöй* (эжва йыв, емва, изьва сёрнисикасьясын - *прамей*), *поводной* кывбердъяс, кодъяслөн вежортасыс дзикöдз вежсьöма, вушйöма веськыд вежортасыс да сöвмöма кванторной вежортас: *прамöй ыджыд, прамöй мича, прамöй ён, прамöй шоныд, прамöй кодзыд, поводной мича, поводной чöскыд, поводной кодзыд да с.в.*

Сыктыв шöр сёрнисикасын предмет качественольсь вылыс тшупöдсö петкöдлöм могысь ёна паськалöма *лөк* кывберд. Сюрöсa кывберд динас йитчигөн сылөн вежортасыс дзикöдз вежсьö, аслас веськыд вежортасыс ставнас вушйö, заводитö петкöдлыны зэв урчитанлысь вежортассö, артмö аслыспөлöс кванторной кыв, кодлөн некутшöм негативной рöм абу: *лек бур* (зэв *бур*), *лек мича* (зэв *мича*), *лек төла* (зэв *төла*), *лек зэра* (зэв *зэра*) да с.в.

Гижöд кывйын да сёрнисикасьясын сюрöсa кывберднас нимтöм качествоислысь вылыс тшупöдсö вермö петкöдлыны и *сэтшöм* адъективной нимвежтас. Сылөн тайö индöм вежортасыс ясыда тыдовтчö контекстысь. Татшöм тэчасьясылы лöсялö эмоциональной, экспрессивной рöм: *И вот, Патов петис ывлаö. Ыркыд сынöдыс сэтшöм чöскыд. Ильялөн сьölöм вылас кокнялис жö* (Изьюров, 1984:240). *Тайö вöли сэтшöм ыджыд вильтор, мый юöрыс паськалис төв ныр öдөн* (Юхнин, 1981:237). *Жар пачын лунтыр пöжсьöм шыдыс руалö, сэтшöм чöскыд да пöтöсa дукөн нырад öвтö* (Шахов, 1988:9). *Мед ме ныр улысь коляли сэтшöм мича пöжöмьяс!* (Торопов 1988:67). *А ывлаыс сэтшöм гажтöм, сэтшöм пемыд!* (Юхнин, 1981:122). *Ок, сэтшöм жö нин мичаöсь вөр-ваён чужтöмторьясыд!* (Торопов 1988:12).

Адъективной кывтэчасьясын зависитысь кывнас овлöны и кутшöмскюрö лыдакывьяс: *сё, сизим, кык*. Та дырйи найö оз кутны лыд вежортас, а индöны кывбердөн нимтöм качественлөн ыджыд тшупöд вылö, нуöны урчитанлысь функция. Артмöны зэв аслыспөлöс тэчасьяс. Налөн тыдовтчö эмоционально-экспрессивной рöм: *сё муса, кык чöскыд, сё сьöкыд, кык чöскыд, сизим мича* да с.в. Татшöм тэчасьяснас тшöкыда вöдитчöны серпаса гижöдьясын, найö паныдасьлöны и сёрнисикасьясын: *Видза олан. Биа-серья! Лэдзлы жö бара мянöс ас ордад, сё муса юй!* (Торопов, 1982:33). *Некор на сылы сэтшöм чöскыдөн эз кажитчывлы сийö, кыдзи öни. Няньыс вöли кык чöскыд сы вöсна, мый сийöс мыччис бур мортлөн кыыс* (Федоров, 1994:792). *Все равно зэв мича ним. Афродита, Аврора, Венера, Сандра! Аддзан, кутшöм лöсьыда гильöдöны пель! – Эн сэн*

йййтае! Тьотка кō кылас, петкōдлас гаж! – олōдис сийōс Сандра. Но Кура-
тов эз овсьы, важ моз гажаа сёрнитис, мый Сандра ним сизим мичаджык
быд став нимысь (Федоров, 1982:13). Сё съōкыд пальтоыс (Сахарова
да мукōд, 1976:99). Мый морла эськō тан пасьвидзан. Сё муса лоан Зоя-
ыдлы? Локтан да, кок улад уськōдчылас? (Юшков, 2001 I:493).

Колō пасйыны, мый вайōдōм лыдакывъясыс вермōны йитчыны и
морттōм предикативной кывъяс дорō, вермōны паныдасьлыны морттōм
сёрникузяясын: Аслым меным зывōк, сирōссьōма кō пилайōй. Ог нин шу,
мый кык съōкыд сэки пилитчынытō (Юшков, 1988:186). Кык кокни эськō
вōли, туйōдыс кō локтисны сикт дорōдзыс, но эз на лысьтны сэти,
вōрōдыс на писькōдчисны восьсаинōдзыс (Юшков, 1988:223). Гожъялōм
плешсьыс дōрōм соснас пōсьсō чышкис, кисō дэбыд ваас больōдыштис-
мыськалис. чужōмсō ыркōдис-пожъялис. Кык кокни лои. (Ульянов, 2001:4).

Коми кывйын лыдакывъясыс вермōны йитчыны и относительной кыв-
бердъяс дорō: Кык-куум мōска-куканьтōм да вōвтōм овмōсыд эськō,
быттō гежōд жō вōли да (Шахов, 1999:61). Унджыкыс кывтыд помын
куум-нель мōска-куканя да кык-куум вōла овмōсьяс (Шахов, 1999:61).

Коми кывйын кывбердыс сюрōсанас тшōкыда овлō и эмакывъяслы;
эмакывъясыс подчиняйтчōны кывбердыслы, примыкайтōны сы динō. Ним-
тан вежлōга эмакывйыс унаысь муно кванторной кыв пыдди. Артмōны
зэв образной, экспрессивной рōма, коми кывлы лōсялана тэчасьяс: **Лым,**
йōв, са, сīм, вир, рочысь босьтōм **кумач, смоль** эмакывъяс граммати-
кализуйтчōны да муноны качество тшупōд вылō индысь урчитанъяс пыд-
ди; найō йитчōны рōм петкōдлысь кывбердъяскōд: *йōв еджыд, лым ед-*
жыд, са съōд, сīм съōд, сīм гōрд, смоль съōд, вир гōрд, кумач гōрд. **Вир**
эмакывлōн йитōдъясыс паськыдджыкōсь, сийō вермō йитчыны и мукōд
вежōртаса кывбердъяскōд: *вир тшыг, вир пасьтōм;* торйōн нин пась-
кыдōсь сылōн йитōдъясыс сёрнисикасьясын: *вир йōй, вир беспутнэй, вир*
ныж, вир сīсь, вир уль, вир дыш да с.в. (ССКЗД, 1961:52). Кывбердъяс
дорō татшōм ногон вермōны йитчыны и мукōд эмакывъяс, кодъяс тшōтш
босьтōны кванторной кывъяслысь функциясō: *йи кōдзыд, сир курыд, ва*
дуб; сёрнисикасьясын: *би жар, би кōдзыд, би шома* (Жилина, 1975:157).
Сёрнисикасьясын тайō вежōртасас паныдасьлō и рочысь пырōм **беда**
кыв. Сийō тшōтш жō сулалō кывберд водзас, примыкайтō сы дорō: *беда*
мича «зэв мича» (Сорвачева, Безносилова, 1990:113), *беда ён* «зэв ён»
(Сахарова, Сельков, 1976:59). Кванторной кыв вежōртасас **беда** кывйыс
паныдасьлō и серпаса гижōдъясын: *Абу жō. тыдалō, оти сикаса кол-*
хозьясыд, Митрей Олексеевич? Кольōм воясō мянō батыйд вольвлис
да беда лēкōн висьтавлис (Юхнин, 1983:120).

Предметыслы качествоыслысь вывти ёна лōсялōмсō вермōны
тōдчōдны и рочысь босьтōм **аминь, ад** кывъяс; бōръяыс пыр сулалō мед-
воддза морта индан-асалан формаын. Найō сідзжō тырвийō граммати-
кализуйтчōны, сулалōны кывберд водзас, подчиняйтчōны сылы, примы-
кайтōны сы дорō: *Кыйис Лида ёсь шыла кодъ сюсь видзōдлас и улыс нар-*

сэньыс. Сэні кокъяссө кресталөмөн гатш куйлис интиплюшка моз пась-
тасьом аминь мича чужома ныв (Куратова, 1995:114). Картупельсө нө
мый он видлы? – юалө нисьө тшөктө Володя. – Выйнас адөй чөскыд,
ачыс кылалө (Ульянов, 2001:56). Тэ өд, Катя, төдан, батьө мян адөй
чорыд вөлі (Ульянов, 2001:22). Оліс-выліс коркө важся кадө зэв-зэв озыр
морт. И вөлі сійө аминь лышкыд (Тимин, ВК, 1997 №12:44).

Изьватас сёрнисикасын зависитысь кыв пиддыс вермө мунны ро-
чысь босьтөм ватага кыв; сылы сіджө лөсялө кванторной вежөртас: ва-
тага том «зэв том», ватага ыджыд «зэв ыджыд», ватага гырысь «зэв
гырысь». Тайө змакывйыс паныдасьлө и мукөд сёрнисикасын, шуам, сійө
эм Эжва горув сёрнисикасын, но сэні сылөн вежөртасыс мөд сикас – лыд
вылө индө, йитчө змакывъяскөд и подчиняйтчө змакывлы, а оз кывберд-
лы: ватага йөз, ватага челядь, ватага зон.

Эжва йыв сёрнисикасын ёна паськалөмаось ой-ёй, ой-ой зависитысь
кывторъяса адективной кывтэчасьяс. Тайө кывторъясыс сіджө индөны
кывбердлөн ыджыд качество вылө. Йитчана позянлуньясыс налөн зэв
паськыдөсь; найө йитчөны став качественной кывбердыскөд, а сіджө и
уна сикас относительнойкөд. Эжва йыв сёрнисикас кванторной вежөрта-
са ой-ёй, ой-ой кывторъясыс дзикөдз нин воштөмаось зэв урчитансө: ой-
ёй мича, ой-ёй зиль, ой-ёй дыш, ой-ёй гажа, ой-ёй ыджыд, ой-ёй паськыд,
ой-ёй кузь, ой-ёй бур, ой-ёй пемыд, ой-ёй рам, ой-ёй востер, ой-ой мича,
ой-ой шань, ой-ой лэчыд, ой-ой сюсь да с.в. Кывбердлы подчиняйтчысь
ой-ой кывторйыс корсюрө паныдасьлө и лунвыв сёрнисикасысын: ой-ой
шань морт вөлі (Жилина, 1985:96). Кывбердыскөд йитөдын тайө кывторъя-
сыс өня кадө паныдасьлөны весиг и серпаса гижөдъясын. Сэні найө
кутөны кванторной кывлысь жө вежөртассө. Зэв аслыспөлөс, вырази-
тельной тэчасьяс артмөдөны, ёна ловзьөдөны сёрнисө: Инженералө
коймөд во, багатыр кодь ён, а вина юны оз вермы (...) Нывьяс дорад ой-
ой рам (Шахов, 1988:195). Почеркыс өд менам ой-ой бур, көть и этша
велөдчылі (Шахов, 1988:188). Ой-ой өд востер гөлөссө лөсьөдлыны (Ша-
хов, 1988:187). Первой класса нывкаяс да зонкаяс мян ой-ой бур физ-
культурникьяс (Куратова, 1995:132). А йөзсыд он тупкы, кылөны и ад-
дзөны. А йөз налөн ой-ой лэчыд кывьяёсь, шуасны да быттёб бритыш-
тасны (Куратова, 1974:84). Висьталөны, ой-ёй бур агроном Тамоыс, вот
татчө и вуджөдөмаось (Куратова, 1995:127). Кык төв сідзи и лои уд-
жалөма войся няняөн. Дерт, кык вонад быдторсө лои аддзылөма. Ставсө
кө висьтавны. Кык вотө шуныс кокни, а збыль вылас ой-ой кузь (Курато-
ва, 1983:66). Ой-ой сьөкыд тыш вөлі (Тимин, 2000:146).

Коми кывйын кывберд дорө вермө йитчыны и ок кывтор. Сійө сіджө
төдчөдө качественольсь вылын тшупөдсө: сулалө кывберд водзас, зависитө
сыысь, йитчө сы дорө примыкание йитөдөн: Вовук, тырмас дурнытө. Тэ
өд менам ок шань (Попов, 2001:73). Пувьья юм пуи, пачын со узис, ок чөскыд
да юмов, пөдикө (Куратова, 1983:6). Сөй, Ивө-Дивө, ельдөгсө. Ок өд чөскыд!
(Федоров, 1983:136). Арбуз. Купечьяслөн кольөм вося вайлөм. Лунвылысь.

Ма пытшкын видзи. Видлõй. Чõскыд. Ок и чõскыд! (Тимин, 2000:223). Не кõ õд ме, ок дõна сувтас сылы тайõ керкаыд (Напалков, 2000:268).

Адъективной тэчасьясын кывбердьяссыс вермõны зависитны и шõркывьяс. шõркывья оборотьяс. Быдпõлõс зависитысь кыв моз жõ найõ сулалõны сюрõса кывберд водзас, гõгõрвоодõны сийõс, примыкайтõны сы дорõ: Гожся войыс вõлõ шензьõдана югыд (Попов, 2001:44). Кодзувкоткар. Повзьõдана ыджыд (Тимин, 2000:236). Танõ, Чукреевлõн заимка вылын, ставыс шензьõдана мича, бур да лõсьыд (Федоров, 1989:17). Вано талун вõлõ вõвлытõм кыпыд (Юхнин, 1981:184). Татшõм тэчасьясас шõркывийыс сидзжõ кутõ качество вылыс тшупõд вежõртас.

Адъективной тэчасьясас сюрõса кывбердсыс зависитысь юкõннас вермõ лоны кывберд жõ: пелькиник тушаа (ныв), сьõд юрсиа (ныв), еджыд дõрõма (зон), мича югыд (ывлаыс), мича гõрд (асыввылыс) да с.в.

Долженствование модальной вежõртаса кывбердьяс динõ (рочысь босьтõм должен, обязан), дасьлун петкõдлысь кывбердьяс динõ (дась, рочысь босьтõм гõтов, лют), эмоциональной отношение петкõдлысь кывбердьяс динõ (рочысь пырõм рад) вермõны йитчыны кывподьяс. Татшõм тэчасьясас сюрõсанас лõ кывбердыс, кывподыс – зависитысьнас, сийõ примыкайтõ сюрõса дорас. Лыддõдлõм кывбердьяссыс да кывподсыс артмõм тэчасьясыс сёрникузяын мунõны õтувья предикат пыдди: дась ветлыны, дась отсавны, дась юавны, должен висьтавны, должен локны, должен вõчны, должен юõртны, гõтов отсавны, гõтов висьтавны, гõтов виччысьны, рад отсавны, рад аддзысьлыны, рад юõртны, лют уджавны, лют пинясьны, лют вотчыны да с.в. Серпаса гижõдьясысь õткымын видлõг: Ёртõй, видзõда, кутчысьõма нин ноп волысас, дась пõрчыны. Виччысьõ, мый ме шуа (Юшков, 1979:268). Меным кыкысь тшõктыны оз ков. Кõtь талун дась туйõ петны (Ульянов, 1992:13). Тешкодья артмис кыдзкõ. Костяõс вõтплõ. А õнõ ачым дась вõтплысьны Илья бõрся (Изьюров, 1984:205). Сьõлõм тпкõмыс эз дугды, дась чеччыштны ортсõ, кокыс лои быттьõ сõ пудья (Изьюров, 1975:82). Но и Надя сёрнитõ ськõд сидзи, синваыд дась петны (Изьюров, 1984:159). А меным кажитчõ – тэ тõдан! Должен тõдны! Вõлõ тиян сёрни еджыд пленнойяс йылысь? (Шахов, 1999:277). Начальство должен думайтны, индавны, а ми – пõртны олõмõ налысь приказьяс (Безносилов, 1964:81). Радысла гõтов сийõ кõtь õнõ мунны да кыскыны Опимõс: бурõн, ас вõляысь мунõм Опимлысь сийõ оз и сõй, оз и верит (Савин, 1985:91). Таõдз Микулай тõдõс нин Аннасõ (. . .) Но матõ лõсавлõмьяс нывкõд сзк эз вõвлыны: йõктыны и сьывны зськõ Аннаыс лют, да век кодкõ на сиктса зоньяссыс сы динын (Юшков, 1972:44). Да и бать, буракõ, эз вõв лют тышкасьнысõ (Шахов, 1988:11). Сийõ видзõдлыны рад, кутшõм гõсьтõс енмыс сетис (Куратов, 1979:311). Зэв рад газетчиккõд тõдмасьны (Шахов, 1977:72).

Вайõдõм адъективной тэчасьясас зависитысь кывьясыс сюрõса кывберд дорас йитчõны примыкание подчинительной йитõдõн. Но кывтэчасын сюрõса кыв пыдди мунысь кывбердыс вермõ и веськõдлыны (управ-

ляйтны) зависитана кывъяснас, вермё корны сувтёдны зависитысь кывсё колана вежлөгё либё колана кывбёркөд. Сідзкё, коми кывйын позьё сёрнитны и адъективнэй управление йылысь, а оз сёмын кадакывъя (глагольнэй) йылысь. Туялём кыв материалыс петкөдлө, мый коми кывйын вермас лоны и кыкпөвста веськөдлём (двойнэй управление), кор кывбердсё өттшөттш паськөдоны зависитана кык кывформа: *сылы гортас ставён радось, сылы гортас ставён донаось*. Овлё сідзжө и вариативнэй (дублетнэй) управление, кор кывбердсыс зависитысь кывйыс вермё сулавны разнэй формаясын, но грамматика вежөртасыс налөн өткодъ: *Ваыс синваысь сөдз – Ваыс синва дорысь сөдз* (Лыткин, 1985:70).

Коми кывйын кывбердлысь өткодьялан тшупөд позьё петкөдлыны синтаксическёя; признак вежөртаса кывбердысь, предмет, кодлысь признаксё өткодьялоны, нимтысь эмакывйысь да предмет, кодлөн признаккөд өткодьялоны, нимтысь эмакывйысь артмём тэчасён. Сэки ачыс кывбердыс сулалё подув формаын,сылён абу форма артмөдысь некутшөм суффикс, сійё веськөдлө петан вежлөгэ эмакывйөн, коді нимтө предмет, кодкөд өткодьявсё сетём предметыс. Петан вежлөгэ эмакывйыс лоё быть коланаён. Өткодьялан тшупөдсё синтаксическёя петкөдлігас петан вежлөгэ зависитысь эмакывйыслы лөсялө зумыд кыв арт: сійё должен пыр сулавны кывбердсыс шуйгавылас; нимтан вежлөгэ эмакывйыслөн, кодлөн признаккөд өткодьявсё мөд предметыслөн признакыс, кыв артыс абу зэв зумыд, сійё вермё вежласны: *Сы выло и энъ сюзьлөн сывйысь на паськыд бордъясыс, мед кытчө гажыс лэбзьывны, сук пармасө войяснас вожмавлыны* (Юшков, 1981:6). *Тэ тай мейысь ыджыд!* – *шензис Роза* (Цахов, 1988:133). *Но сёлөмыс... Изйысь на чорыд вёлөма* (Ульянов, 1992:117-118). *Пыжас куйліс пызанысь на кузь сир* (Коданев, 1967:77). Өткодьялан тшупөдсё синтаксическёя петкөдлігөн кывбёрыс вермё веськөдлыны и **дор** кывбёра эмакывйөн либё нимвежтасён; сэки сійё петан вежлөгас корё сувтөдны кывбёрсө: *Сөстём юй, мича юй, Ваыд синва дорысь сөдз* (Лыткин, 1985:70). Лунвыв коми сёрнисикасьясын да перым коми кывйын тайё грамматическёя вежөртассө петкөдлігөн кывбердыс веськөдлө өткодьялан (сравнительнэй) вежлөгөн: *Осин ултын сэтшөм мича яблоня мыччысис, паськыд мича лисьяса (...)* *Во олісны дай теркася нин джуджыд поис* (ОКЗР, 1971:121). Татшөм сяма тэчасьясыс паныдасьлоны нин и өнія серпаса гижөдьясын, медсясө наён вөдитчөны И.Торопов да Н.Куратова: *Мортыс ставсяыс ён, ставсяыс повтём* (Торопов, 1982:149). *Ме коркө (...)* *шулі нин, мый сійё миян пөвстын ставсяыс вына, весигтө уна мужичёйлы нинөмөн оз сетчы...* (Торопов, 1988:77).

Петан (сёрнисикасьясын - өткодьялан) вежлөгөн управляйтысь либё кывбёра эмакывйөн управляйтысь кывбердыс вермё сулавны и өткодьялан либё медвылыс тшупөд формаын: *Ме тэзысь сюсьджык да пелькджык* (Федоров, 1982:326). *Көть и дядь сійё, а йёз морт дорысь мустөмджык на* (Федоров, 1979:29). *Став нывсяыс на тэ медмича...* (Торопов, 1988:133). *Дас көкъямыс арөсөн вед пöрысьджык Осип менамя* (ОКЗР, 1971:157).

Онѧ коми кывйын петан вежлӧгнас вермӧ веськӧдлыны зэв уна кывберд, пӧшти став качественнӧйыс. Этшаджык кывберд лыдыс, кодӧ веськӧдлӧ мукӧд вежлӧг формаӧн. Медся уна кывберд, буракӧ, вермӧ веськӧдлыны керанторъя вежлӧгӧн, кӧть татшӧм кывбердыс лыда жӧ. Ӑткымын кывберд керанторъя вежлӧга зависитысь кывсӧ быть корӧ, мукӧд кывберд дорас сӧйӧ абу быть колана, зависитысь кывйыскӧд йитӧдыс вермас лоны факультативнӧйӧн. Керанторъя вежлӧгнас веськӧдлӧ **озыр** кывберд. Кывберднас петкӧдлӧм признаксӧ гӧгӧрвоӧдӧ, стӧчмӧдӧ зависитысь кывйыс; сюрӧса да зависитысь кыв костас артмӧны объектно-ограничительнӧй отношенѧеяс. Керанторъя вежлӧгӧн веськӧдлысь **озыр** кывбердыс сӧрникузяын пырджык нуӧ предикативнӧй функция: *Озыр татчӧс пармаыс тшак-вотӧснад* (Напалков, 2000:122). *Сэтчӧс вӧръяс вӧліны озырӧсь донѧ куѧ пемӧсьясӧн, ѧ юяс – чӧскыд, госѧ чериӧн* (Тимин, 2000:125). *Вӧлі тӧв, кор суис неминучаыс. Сэж ягъясыд озырӧсь на вӧліны бур вӧрнад* (Напалков, 1994:30). *Нидзӧс дӧ озыр и гырысь да посни тыясӧн* (Коданев, 2001:30). *Юѧла на либӧ, вомӧ ӧд он кучкӧй. Мыйкӧ... чайнад тӧ абу озырӧсь?* (Юшков, 2001 1:33).

Тайӧ кывбердыслӧн вермас лоны и атрибутивнӧй функция, сы бердын сӧдзжӧ быть коланаӧн лӧӧ сӧйӧс гӧгӧрвоӧдысь, сылысь вежӧртассӧ векнӧдысь змакыв. Определение пыдди мунысь кывбердыслысь вежӧртассӧ векнӧдысь керанторъя вежлӧга зависитысь кывйыс пыр сулалӧ шуйгавылас, быдпӧлӧс гӧгӧрвоӧдысь кыв моз сулалӧ сюрӧса кыв водзас, а ачыс кывбердыс сулалӧ аслас сюрӧса змакыв водзас, кодлысь признаксӧ сӧйӧ петкӧдлӧ. **Озыр** кывбердыс да сӧйӧн управляйтана змакывйыс артмӧдӧны вежӧртас сертиыс ӧтувъялун, юӧр пас сертиыс юкны позьтӧм тэчас, нуӧны ӧтувъя синтаксическӧй функция: *Чериӧн, зверьясӧн да мукӧд кыйдӧсӧн озыр места и водзӧ кыскис татчӧ быд сикас йӧзсӧ* (Доронин, 1995:6). *Сэсся накӧд ӧттшӧтш Изьва йывса сьӧлӧмӧ мӧрччан мичѧ да зверь-пӧткаӧн да чериӧн озыр местаяссӧ вочасӧн аслыныс вылӧ бӧръялісны не сӧмын Эжва йывса, но и Висер вожса кыйсьысьяс да кутісны поздысявны Изьва пӧлӧныс* (Шахов, 1999:60). *Чӧсмасянторьясӧн озыр пызан сайын пукалісны Ольга, Нина Петровна* (Напалков, 1994:112). *Абу ылын тасянь и тшакӧн-вотӧсӧн озыр мутшкӧс вӧрыс* (Напалков, 1994:132). *Найӧ эз зновтчыны быд лунъя тӧждъясысь: вӧралісны пемӧс-пӧткаӧн озыр вӧръясын, видз-му вӧдитісны, пода видзлісны...* (Тимин, 2000:142).

Озыр кывбердыслӧн зависиттӧм кывтӧгыс вежӧртасыс вывтӧ паськыд, ӧтноссӧ, сӧйӧс гӧгӧрвоӧдысь, стӧчмӧдысь зависитысь кывтӧгыс сӧйӧ паныдасьлӧ сӧмын сэж, кор колӧ тӧдчӧдны субъектыслысь тайӧ зэв паськыд признаксӧ, кор колӧ тӧдчӧдны, мый субъектыс быдторйӧн озыр, кор тайӧ признакислысь вежӧртассӧ нинӧмӧн абу векнӧдӧма, та дырйи субъектнас лӧӧ морт: *сӧйӧ зэв озыр, озыр йӧзыд ӧнӧ быдторсӧ вермӧны*. Тайӧ сӧрникузяясысь тыдовтчӧ, мый субъектыс быдторнас озыр, ставыс сылӧн эм.

Керанторъя вежлөгнас вермө веськөдлыны и **озыр** кывбердлы паныд вежөртаса **гөль** кывберд: *Да, Егор Павлович, - сэк босьтыс кыв Конө, - йöзнад ми гөльöсь лоим, öтнанным колим* (Юхнин, 1983:125).

Рочысь босьтöм **скуп** кывберд тшöтш вермө веськөдлыны керанторъя вежлөгн, сийö сідзжө веськөдлө и кывбөра эмакывйөн: *Ыбса войтыр няньён-солөн абу скупöсь* (Доронин, 1987:126). *Батьö скуп челядьыс дорö, мян дорö, сёрнинас, ошкөмнас и видчөмнас* (Шахов, 1988:55).

Гөль да **скуп** кывбердъясыс зависиттөм кывтөгыс сідзжө кутöны зэв паськыд вежөртас: *Найö нэмсö зэв гөльöсь вöліны. Миронычлөн татшөм смел думъясыс эз вермыны не воны сёлөм вылө налы, кодъяс вылө сийö арталіс найöс Петроградысь петтöдз на тшöтш и скуп да горш Торчлы* (Рочев, 1984:27).

Керанторъя вежлөгэ эмакывйөн веськөдлө **тыр** кывберд. Сийö ассьыс вежөртассö тырвийö петкөдлөм-восьтөм могысь быть корö зависитысь кывсö. Сюрöса кывберд да зависитысь юкөн костас йитöдыс лоö быть колана, зэв вына (сильнöй). **Тыр** кывбердыс вермө веськөдлыны сöмын керанторъя вежлөг формаөн. Тайö вежлөгэ зависитысь субстантивнöй кывйыс нуö объектно-ограничительнöй функция. **Тыр** кывбердыс сёрникузяын вермө лоны сказуемöйөн (а) и определениөн (б), но тшөкыдджыка сказуемöйөн: *Озыр Емдін сулалө вөрзёдылтөм, кумъясыс эмбурөн тырöмаось, картаясыс тырöсь быд сикас подаөн* (Тимин, 2000:90). *Найö кыкнанныс вöліны чукйөн тырöсь асланыс югыд шудөн* (Федоров, 1979:272). *Сёлөмöй и морөсöй тыр шогөн, дойөн, синваён... ставыс ортсö солькъясьö* (Шахов, 1999:330). *И вөрзисны йöграяс. Тырöсь гөгөрвотөм лөггунөн* (Тимин, 2000:136). *Ордым бокыс тыр вөлі тшакөн: ягсерөн, гөрд гобөн* (Напалков, 2000:141). *Зэптыс öд сылөн век тыр юмов кампетъясөн* (Изьюров, 1984:50). *Чуманыс тыр чөдйөн* (Напалков, 1994:35). *Неважөн на туй вөлі тыр йöзөн, машинаясөн, и сэтшөм öдйö кушмис* (Изьюров, 1980:85); (б): *Педот Вась эз мусмы. Лизаёс эз öтдор-тны ни кедзөвтны, но сийö гөгөрвоис – эз ло тайö, озыр эмбурөн тыр керкаас том көзяйкаөн* (Шахов, 1999:163). *Пуксисны шляка сора көдзыд зэръясөн тыр арся лунъяс* (Изьюров, 1984:25). *Клоп корсис первосортнöй вөр, но таысь на ёнджыка сылы копіс озырлунөн тыр* Коми крайысь му площадь (Юхнин, 1981:229). *Мөдөд во Елизавета Павловна том ичмоняліс зумыд подула да топыд вевта, озыр, эмбурөн тыр, уна вежөса керкаын* (Шахов, 1999:162).

Тайö кывберд дорас сылысь вежөртассö векнөдысь (ограничительнöй функциясö нуысь) объект пыдди мунысь эмакывйыс пырджык нимтö ловтөм предмет. Став вайөдөм видлөгас зависитысь эмакывйыс ловтөм, сöмын öтиын (*тыр йöзөн*) объект пыддиыс мунö ловъя предмет.

Быть колана, зэв вына управление тыдовтчö и рочысь босьтөм **дөвөлен** кывбердлөн. Сийö тöдчөдö субъектыслысь состояниесö, эмоциональнöй отношениесö, сёрникузяын босьтö предикатлысь функция. Ассьыс вежөртассö восьтөм могысь быть корö объектной вежөртаса зави-

ситысь кывсö, кодi векнöдö, стöчмöдö сылысь вежортассö. Тайö кывбердысь зависитысь кывсö сiдзжö корö сувтöдны керанторъя вежлөгö и корö сийöс сувтöдны веськыдладорас, ас сертиыс шуйга бокас сулалö нимтан вежлöга эмакывйыс. Управляйтана объетнас вермас лоны ловья (а) и повтöм (б) предмет: (а) *Тэ, Егорша, мыйкö зэв зумыш. Олег Александрович со аддзан. кутшöм дöвöлен тээн* (Куратова, 1995:38). *Марпа вöли дöвöлен пияннас да помся сёрнитiс-ласкöвитiс* (Юхнин, 1955:107). *Да и ачыс Степанов вöли дöвöлен татчöс йöзөн: кызвыннас найö вöлины ыджыд сөвестя, удж вылö зиль да йöз мортöс пыдди пуктысь крестьяна-вöралысьяс* (Юхнин, 1981:84). *Шурыд да варов вöлом роч том бабайö, öдйö велалiс комиөн сёрнитны и видз-му уджъяс вылад пö сюсь да сяма. Дöвöленöсь сиктын роч аньнад* (Куратова, 1974:98); (б) *Но сийö вöли дöвöлен учитель висьталöмөн* (Юхнин, 1955:69). *Но колiс дöвöлен вöчöм уджнас* (Шахов, 1998 №3:6). *Ми абу дöвöленöсь тэнад уджөн, Модест Платонович* (Изьюров, 1975:57).

Актуальной членение дырйи кывбердысь зависитысь эмакывйыс корсюрö вермö сулавны кывберд водзас. Сэки нимтан вежлöга эмакывйыс и керанторъя вежлöга эмакывйыс веськалöны кывберд шуйга бокас: *Аслас вокөн Петра дöвöлен* (Юхнин, 1981: 298). *А öд Ласей первойсö, кор Илья мöдiс казачитны сы ордын, сыён вöли зэв дöвöлен* (Юхнин, 1981: 66).

Керанторъя вежлөгö формаөн корсюрö веськöдлö рочысь босьтöм слаб дженъид кывберд. Зависитысь кывйыс сiдзжö векнöдö сылысь вежортассö: *Таво вöралöмъяс лöө нин, тыдалö, шыбитны. Кокъясөн слаб да синъясöй быри* (Доронин, 1987: 118). *Мыйөн ме омöльджык Митяысь? – шуиc аслыс. – И вынён абу слабджык* (Изьюров, 1980: 78).

Керанторъя вежлөгөн факультативной вермöны веськöдлöны и кос, шуда, веськыд, пöт кывбердъяс: *Пöрысь учительöс сиктын уважайтöны. Арпыда нин, кузь тушаа да веськыд, воясыс абу гөрбыльтöмаöсь сийöс. Тушанас и чужöмнас коснöдiник. Турьевлы эз позь сетны сизимдас арöссö* (Изьюров, 1975: 34). *Муслуннас абу шуда лöма Гелялөн мамыс* (Васютов, 1978: 98). *Толка мужик, велöдчöмаяс пöвстысь. Сернинас веськыд, повтöм* (Васютов, 1978: 42). *Новгород эз суйсьыс в татчöс оланогö. пöт вöли быд вося ыстöм вуз-вотнас, а мöскуаса великöй князьлы тайö этша – кöсийö нылыштны миянöс ставнас* (Тимин, 2000: 167).

Зависитысь кыв формаяснас вермö веськöдлыны и дона кывберд. Сийö кутö донъялана вежортас, серникузьян медясö мунö предикативной функцияын. Тайö кывбердыс веськöдлö сетан вежлөгөн, и тайö формаа зависитысь кывйыс сы дорын лöө быть коланаөн: *Чужан позйид быдöнлы дона* (КПП, 1983: 144). *Арся дженъидик лунъясыс вöралысьяслы вöлины донаöсь сiдзи жö, кыдзи пöк лэдзысь черияслы донаöсь тувсов лунъяс, кöть кутшöм лекöсь найö эз вöвны* (Юхнин, 1981: 113). *Ныв танi радейтли ме ена. И ме тшöтш вöли сылы дона* (Фролов, 1985: 57).

Предикативной функцияын тшöкыда паныдасьлö и рочысь босьтöм дженъид формаа рад кывберд. Сийö петкöдлö субъектыслысь объект дiнас

эмоциональной отношением. Зависитесь кывыйсы сы дорын эксплицитной либо имплицитной быть должен лоны. **Рад** кывбердыс веськөдлө эмакывыйслон либо нимвежтаслон сетан вежлөг формаон, и сийө пыр быть колана; серникузяс кө абу вайөдөма сийөс, сідзкө, сийөс сёрнитысьыс да кывзысьыс төдөны нин сёрни ситуациясьыс либо контекстсьыс. Сказуемой пидди мунысь тайө кывберд дырйиыс подлежащойнас вермө лоны сөмын ловья предмет, морт, а объектнас, код вылө вуджө эмоциональной отношениемыс, вермө лоны и ловья, и ловтом предмет: *Ольоксей Прокөлөн лөнъ гөлөсыс быттьө төдчөдіс, мый сийө весиг и рад на рытья гөсьтьяслы* (Шахов, 1999: 113). *Не сэтшөм кадъяс бур йөзъыс виччысьөны. Миянлы радось лоанныд* (Юхнин, 1983: 78). *Көр дорын ветлысьяс пыр радось ловья мортдылы* (Рочев, 1984: 429). *Но тыдалө, броткысь гөтырыс эз сет сылы вөля чөсмасьны курыдторнас. Со и веськөдчывліс миян керкаө. Көть эськө бать эз жө вөв быд пөраө рад татшөм гөсьтыдылы* (Белых, 1997: 84). *Өдвакө Малыгин талы рад лоө, - шыасис Гордеев* (Изьюров, 1980: 130). ... *абу рад пырөмыслы, мыктавны кутіс* (Шахов, 1988: 107). *Важөн абу рад выль лунлы* (Фролов, 1985: 50).

Рад кывбердлөн валентностьыс вариативной (дублетной). Сийө вермө веськөдлыны тшөтш и кывбөра эмакывьясьон да нимвежтасьясьон: *Марпа аддзис, мый верөсыс ас вылас абу рад, да водзө эз мөд юасьны* (Юхнин, 1981: 41). – *Аслыс абу рад. Батьыс ас вылас абу рад, а шуны веськыда, мый Пиля петіс чомйысь водздзык – оз отсав* (Тимушев, 1986: 15).

Рад кывберд бердын сетан вежлөга зависитесь кыв формаыс быть колана, сийө кө абу, сёрникузяс вермас лоны вайөдөма эмоциональной состояниемыслысь помкасө. Тайө помка вылас вермас индыны придаточной сёрникузя, и сийө лоө быть коланаон: *Даньщиков кутшөмакө вөлі весиг рад, мый талун Исаковөс критикуйтісны* (Изьюров, 1975: 72). *Да, стөча кө сёрнитны, Егор и збыль вөлі рад, мый сюрини ловьяөсь Игө да Хватов* (Куратова, 1995: 45). Сідзкө, тайө кывберд дорын кутшөмкө зависитесь юкөн лоө быть коланаон.

Сетан вежлөг формаон веськөдлөны и эмоциональной отношением, состоянием петкөдлысь **муса**, **төдса** кывбердьяс: *Нидзөс ді! Кутшөм тэ төдса да муса меным* (Коданёв, 2001: 30). *Көнікө пыдын-пыдын медся бөръя юр вем позьяс вөрзыштіс аснас нимкодьясян мөвп: а колөкө. збыльысь тайө зонкаыслы ме муса лои* (Шахов, 1999: 55). *Лавкаысь петөны кык ныв. Отикыс меным неуна төдса* (Uotila, IV: 328). *Пожөмыд дыр быдмө. Ар сө кызьөн медбур сийөс кералны – ён на сэки и кыз нин, сымда быдсяма добра петө... Мортлы и зверь-пөткалы ёна муса сийө* (Торопов, 1982: 98).

Зависитесь кывыйслон вежлөг формаон вермө веськөдлыны **мелі** кывберд. Тайө тырвийө вежөртаса кыв, вермө тырвийө восьтны предмет йывсьыс юөртөмсө, вермө паныдасьлыны ашшөра, оз быть кор зависитесь кывсө. Но торья юөртөмьясын (высказываниеясын) сы дорын вермас лоны зависитесь кывыйсы, коді кутө объектно-ограничительной веж-

ортас. **Мелі** предикативной адъектив дорас подлежащейнас вермө лоны сөмьн ловья предмет. Тайо кывбердыс веськөдлө отвытан вежлөгөн: *Лена век вөлі сыкөд сэтшөм мелі* (Васютов, 1979:110). *Сійо пыр вөлі мелі том уджалысьяскөд*, *кужис казяены налысь унатор* (Изьюров, 1984:298). *А сійо, веськыда шуны, эз ёна мелі вөв нылыдкөд* (Куратова, 1974:111).

Зависитысь кывьяснас веськөдлөны и мортос вежөр сертиыс гөгөрвоодысь **сюсь**, **йөй** кывбердыас. Найо короны зависитысь кывсө сувтөдны матыстчан вежлөгө, коді векнөдө сюрөса кывбердыслысь вежөртассө. Тайо кывбердыасылөн сказуемой пыдди мунігөн подлежащейнас пыр лөо ловья эмакыв, морта нимвежтас, матыстчан вежлөг формаа объекнас – нимвежтас: *Сюсь асланьыд* (Юшков, 2001 I:145). *Асланьыс зэй сюсь* (Жилина, 1998:102). *Сюсь өд асланьыс кань-корысьыд!* (Юшков, 2001 I:505). *Йөзыд өд асланьыс абу жө йөйөсь да абу и пышкыдасьөмаөсь сыкөд* (Юшков, 2001 I:60). *Аслэньыс абы йөй* (Жилина, 1976:107).

Пөт кывберд вермө веськөдлыны петан вежлөгөн: *Оз ков сэтшөмыд. Пөт сэтшөмьяссьыс* (Напалков, 2000:277).

Зависитысь кывьяснас вермөны веськөдлыны и **сюсь**, **зіль**, **горш**, **дошлөй**, **дыгыд**, **крут**, **пышкыд**, **лөг**, **збой**, **скөр** кывбердыас. Найо сетөны субъектыслы качественной характеристика, донъялөны субъектсө. **Востер**, торья контекстын **горш** кывбердыас дорын найөс паськөдысь кывьясыс быть коланаөсь, сюрөса да зависитысь кыв костас йитөдыс лөо зэв вына (сильной), на костын артмөны объектно-ограничительной отношенииас. Мукөд кывбердыслөн управлениеыс пырджык факультативной, зависитана кывьясыс на дінын объект вылө жө индөны. Став вайөдөм кывбердыс веськөдлө *вылө* кывбөра эмакывьясөн. Субъектнас на дырйи пыр лөо ловья предмет: *Төда, кыв вылад тэ востер* (Изьюров, 1984:77). *Кыдзи висьталісны, дедыс ветлөм-мунөм морт, сёрни вылад дошлөй* (Изьюров, 1975:85). *Чөскыд сэян-юан вылад тай йөзыд*, *Ванюк, век өддөён горшөсь...* (Торопов, 1982:84). *Митрей – мортыд топыд, сись вылад абу пышкыд* (Тимушев, 1986:26). *Начальствоыд миян горш банйөм чужөма нывьяс вылад* (Жугыль, 2001:149). *Дедө миян удж вылад вьветі горш да зіль вөлөма и киподтуя пө зэв* (Куратова, 1983:6). *Трөш Иван Ольош котыр көть и эз пыддысьны озырджык олысьяс пыдын, но Изьва йылын нималісны кыдз бур йөз: удж вылө зільөсь, абу полысьсөсь, и мукөд вылө абу лөк кутысьяс (Шахов, 1999:62). Он өд тон шу – ме зня-ныла вылө лөг, найө меным олөм оз сетны да... (Жугыль, 2001:33). И Габөлөн, коді некор эз вөв пышкыд синва вылө, понмыслысь быд увтышталөм кыпігөн, *тюрөбтліс бандзиб кузяыс сола войт* (Тимушев, 1986:124). *Лина лөсьыдик да зумыдик, и удж вылад сюсь* (Куратова, 1995:16). *Сія сёрни вылад зэв дошлөй* (Жилина, 1998:152). *Кыв вылад унаөн збойөсь, а видзөдан да, аслас юрыс медся дона* (Изьюров, 1980:6). *Шурыд да варов вөлөм роч том бабайд, өдйө велалас комиөн сёрнитны и видз-му уджьяс вылад пө сюсь да сяма* (Куратова, 1974:98). *Ольош ышловзис. Сійө гөгөрвоис, мый Прокопей абу сы вылө скөр* (Юхнин, 1983:46). *Томджык пиыс сылөн быдмө**

крепид, удж вылө зіль да абу ышнясьыс (Юхнин, 1981:12). Тэ ачид тодан, Мишкалы колө вежора да удж вылө зіль готыр (Юхнин, 1981:71). Катя батыс моз жө нейджид тушаа, но юр вундыс кодь тэрыб да вөраса (...). А кыв-ворыс мамыслөн, и сы кодь жө крут сёрни вылас (Изьюров, 1975:7). Шуда тай тэ вөлөмыд пөткаыс вылө, - ошкыштөм пыдди шуис дедушыс (Торопов, 1982:91).

Вылө кывбөра эмакывнас (нимвежтаснас) вермө веськөдлыны и **дась** модальной вежортаса кывберд, кор сийө сказуемой пыддиыс мунө ашшөра примыкайтесь кывподтогыс: Абу дасьось та вылө. Бандзибө менө окыштөмыс тиянлы грекөн кажитчис (Шахов, 1988:36). Василий вөли дась та вылө (Шахов, 1988:114). А дасьось-ө найө татшөм удж вылас? (Игнатов, 1963:7).

Кызд нин вөли пасйөма, **вылө** кывбөра эмакывйөн (нимвежтасөн) веськөдлө сідзжө и рочысь босьтөм **рад** кывберд: Нянтөм воө кач вылө рад (Сахарова да мукөд, 1976:145). Прокопей Хуторковлөн таво тулыс шогыс нөшта на джудждаммис, ас вылас не рад, луньюгыдыс пемыд; опис мудз, лөнь, чөв (Юхнин, 1983:113).

Вайөдөм кывбердъясьыс өткымыньяс дорын зависитесь эмакывйыслөн (нимвежтасыслөн) абутөмыс юөртө кывбердыслөн вежортас вежсьөм йывсьыс: вежортасыслөн паськалөм йылысь, шуам, удж вылө горш морт тэчасысь кө лэдзны удж вылө зависитесь кывсө, горш кывбердыслөн вежортасыс өна паськалө, лоө горш, быдтор вылө горш.

Объекта-мога отношениеяс петкөдлысь тэчасьясын кывбөра эмакывсө позьө вежны синонимичной мога кывподөн: удж вылө зиль и уджавны зиль, удж вылө горш и уджавны горш, удж вылө дась и уджавны дась, удж вылө сюсь и уджавны сюсь да с.в.

Өнiя коми кывйын рочысь босьтөм **мастер** кыв вермө вежны асьыс вежөртассө, сийө вермө петкөдлыны предметлысь качественной характеристика, вермө вуджны кывбердьяс лыдө, та дырйи сийө босьтө став кывбердыс моз жө **-ось** (найө мастерось) уна лыда предикативной суффикс. Сы дорө вермөны йитчыны качество тшупөд вылө индысь **зэв, вывті** да мукөд урчитан (зэв мастер, вывті мастер). Сёрникузяын вермө лоны определениеөн (мастер йөзыд быдторсө кужоны). Предикативной функцияын сийө босьтө модальной вежортас и вермө веськөдлыны кывбөра эмакывьясөн. Управлениеыс сы дырйи факультативной. Сы вөсна мый **мастер** кывйыслөн эм тырвийө вежортас, предмет йывсьыс юөрыс лоө тырвийө. Тайө сюрөса кыв да зависитесь кыв костас артмөны объекта-мога отношениеяс: Збойсь еджид салдатьяс, мастерось удж вылө (Осипов, 1987:288). –Ме? – синьяссө паськөдис Зюзев. – Ме ещө мыйла? Комсомольской собрание тэныд поручитис...Кызкө нин асьныд вай нывьяс...Ті тай быдтор вылө мастерось... (Изьюров, 1984:143). Быдөнөс мастеритө, быдөн вылө мастер (Жилина, 1998:112).

Торья контекстын кывбөра эмакывнас веськөдлөны и **синтөм, пельтөм** кывбердьяс, но найөс гөгөрвоөдысь зависитесь кывьясыс колөны сөмын

налысь вежортассо петкөдлөм могысь, веськыд вежортасас тайо кывбердьясыс оз корны управляитана кывсо. Вайодом кывбердьяс динас валентностьыс индивидуальной сикаса (характера): *Зина воли синтом и пельтом Василий дорө* (Шахов, 1988:49). Татшом жо ногон кывбөра змакывйон вермө веськөдлыны и кын кывберд; сийо зависитана кывсо коро ассыс вуджодана вежортассо петкөдлгөн: *Тянкөд, велөдчөм йөзкөд, ськөд сёрнитны ми коддьөмлы... Кын кө сьолөмыд му дорас, коть тэ сизим академия помав* (Васютюв, 1978:183).

Рочысь босьтом **крут** кывберд мортлысь пытшкөсса качеством, характерлысь аслыспөлөслунсо петкөдлгөн зависитысь субстантивной кывсо быть коро. Сийо веськөдлө керанторья вежлөгөн либө коро *вылө* кывбөра змакыв: *Характернас сийө крут. Лейтенант Гордеев, разведка взводса командир, сямнас круткодь, но сьолөмыс сіджө өдийө небзьө, кыдзи и пузылө* (Изьюров, 1980:76). *Айө мяян ёна крут воли характернас* (Шахов, 1977:17). *Катя батьыс моз жо нейджыд тушаа, но юр вундысь кодь тэрыб да вөраса (...)* *А кыв-ворыс мамыслөн, и сы кодь жо крут сёрни вылас* (Изьюров, 1975:7). Но тайо кывбердыс кө петкөдлө лөвтөм предметлысь признаксо, то косвенной вежлөга либө кывбөра зависитысь змакывйыс оз ков. Тайо вежортасас сийос позьө паськөдны сомын кванторной вежортаса урчитанон: *чойыс зэв крут, кыркөтшыс вывти крут.*

Кывбердыс ачыс вермө гөгөрвоодны змакывлысь вежортассо, векнёодны, стөчмөодны змакывйыслысь вежортассо, сетны субстантивной кывнас нимтом предметыслы признаксо, качествомсо. Сэки сийо зависитө змакывсьыс, подчиняйтчө сыысь, некыдз оз вежлась, йитчө сы динө примыкание йитөдөн: *көдзыд ар, шань нывка, сьөкыд удж, бур йөз, зиль нывка, водз тулыс, ыджыд чери, посни чери, кымөра лун, пужья асыв, уль лым, гөгрөс пызан, тшака во, выя нянь, кортөм пуяс да с.в.*

Кывбердыс вермө зависитны и ногакывйысь, вермө подчиняйтчыны сылы. Ногакыв дорас йитчө примыкание йитөдөн жө: *асья биасигкежлө воны, рытъя ужнайтигкежлө воны да с.в.*

Сідзкө, кывбердыс вермө лоны кывтэчасын сюрөса кывнас, сылы подчиняйтчө уна пөлөс кывсикас, и ачыс вермө гөгөрвоодны сюрөса кывсо, ачыс овлө подчиняйтчысь юкөннас. Кывберд дорө йитчөны урчитаньяс, змакывьяс, лыдакывьяс, нимвежтасьяс, кывподьяс, кывбердьяс жө. Адъективной кывйыс вермө веськөдлыны зависитысь кывнас. Но зависитысь кывьясыс сы динө йитчөны и примыкание йитөдөн. Ачыс кывбердыс йитчө медсясө змакыв дорас либө сы пыдди мунысь кыв дорө, корсюрө – ногакыв дорө.

1. Кутшом синтаксической функция вермө нуны коми кывйын кывберд?
 2. Мыйон торъялоны торйодтом да торйодана определениеяс?
 3. Гөгөрвоодой, кутшом определение лоо торйодоманас?
 4. Гөгөрвоодой, кутшом определение лоо предикативнойон?
 5. Гөгөрвоодой, кор да кызди вермө вежласьны кывберд?
 6. Висьталой, кор, кутшом подчинительной йитодъясон вермө йитчыны кывбердыс?
 7. Висьталой, мый сэтшом определениеяс?
 8. Гөгөрвоодой, кутшом кывсикасьяс вермөны йитчыны кывберд дорө?
- Кутшом подчинительной йитодон найо йитчоны?
9. Гөгөрвоодой, кутшом вежлөгьясон вермө веськөдлыны кывбердыс?
 10. Висьталой, кутшом кывсикасьяс дорө вермө йитчыны ачыс кывбердыс? Кутшом йитод артмө зависитана кывберд да сюрөса кыв костас?
 11. Гөгөрвоодой кывбердлысь сёрникузаян кыв артсө?

Асшөра вөчөм вылө уджъяс

1 удж. Сетөм сёрникузяясыс торйөдөй кывбердьяссө да гөгөрвоөдөй налысь синтаксической функцияссө.

1. Урлөн төвся паськөм мичаысь-мича нин (И.Коданёв). 2. Енэжыс пыдөстөм, өти помсяныс мөдөдзыс лөзсыс-лөз, кымөртор некөн абу (А.Ульянов). 3. А луныс мичасыс-мича, шондыс енэжын биа огыр кодь, чужомыс сотчө (А.Ульянов). 4. Паськыд курьялөн веркөсыс шылпыдсыс-шылпыд, югыдсыс-югыд, черияс долыдпырысь гыбалёны сэни (И.Торопов). 5. Жар гожомын косьмёны нюръяс да посни шоръяс (И.Коданёв). 6. Нидзөс ді озыр и гырысь да посни тыясөн. И мойяс татчөс өти ыджыд тыё овмөдчисны, кодьясөс вайисны рөдмөдчөм могысь (И.Коданёв). 7. Нэмъяс чөж шывгө-визувтө Вой саридзё ю. Заводитчө сийө көнкө ылын, Урал гөраяс дорын, кызди татчөс йөзыс шуёны, Издорын, да визувтө помтөм вөръяс пыр, гырысь нюръяс пөлөн (М.Игнатов). 8. Оні Машалөн мича гырысь синьясысь ыльөбөн петис кутшөмкө вөвлытөм югыд, кодй кажитчис шоныдсыс-шоныдөн да мелісыс-меліөн (И.Торопов). 9. А дзескалөм лола Ваньёлы өні найө, дедушыскөд, көть и пиццалёсь, сэтшөм ичөтикөсь да жебиникөсь кажитчөны найөс топөдысь пыдөстөм Вын водзас, гымалысь-зэрысь, краждөдчысь-омлялысь Выныс водзын (И.Торопов). 10. Медся кокни шоныд ва дырйи кыбны сирьясөс. Найө сэк рамөсь, матөдз сибөдөны (И.Пыстин). 11. А ме ещө, йөй, мый вылө кө надейтчи да верөс сайө быйкниті сы сайө... Сэтшөм места воштис... Дерт, ставсыс сюсьө кө көсян пуксыны. Вот тэныд и петкөдлісны, чеччавсис (П.Шахов). 12. Шывгө вой саридзё ю. Заводитчө сийө ылын, Издорсянь, визувтө помтөм вөръяс пыр, гырысь нюръяс пөлөн, вежлалө ассыс ва туйсө. Но визувтө пыр водзө и водзө, и кымын матысмө морелань, сымын ёнмө, ыдждө, паськалө. Гырысь и посни юяс, шоръяс да ключьяс босьтө ас пытш-кас (М.Игнатов). 13. Матыстчысь арыс чишкалыштөма нин пушкыр льөм кустьяссө вижа-гөрдөн, да синмад шыбитчанаджыка сярвидзёны чим съөд тусьяса розьяс (И.Торопов). 14. Вой төлыд усьласьө, пөльтө, Эжваыд пемыд, сім лөз. Ва дорын шензигтыр шөйтө Пестера, Курана йөз (В.Лыткин).

2 удж. Сетөм сёрникузяясыс торйөдөй кывбердьяссө да төдчөдөй сылысь синтаксической йитөдьяссө: кутшөм кывсикасьяс динө сийө йитчө либө, сийө кө ачыс лоө сюрөса кывнас, кутшөм кывсикасьяс сы динө йитчөны. Гөгөрвоөдөй, кутшөм подчинительной йитөдөн йитчөны зависитысь кывьясыс сюрөса кывберд дорас.

1. Асья биасигьяс кежлө бөр лоа гортын (В.Юхнин). 2. Сийө пыр вөлі мелі том уджалысьяскөд, кужліс казьявны налысь унатор (И.Изьюров). 3. – Кывзы,

батьо, - нюкрасьыштис да шуис Олексейыс. - тэ од тодса Башлыковыскөд (Г.Юшков). 4. Ме зэв рад Тян да Хруст Евглогий Иванович письмояс вылө, кодьяс воисны өттшөтш (А.Тимушев). 5. Тайо гажа местаясыс озырёсь быд-сяма пөтканас (А.Тимушев). 6. Кор ме вөли кык арөса, Меддона мем вөлис мам; Кор ме лои кызь арөса, Пыр мем медся дона мам (И.Куратов). 7. Аслас внук-внучка динө пыр вөли зэв мелі (И.Белых). 8. Кымын вой со тадзи коллявлі Эжва дорын (...) И кызкө быттө озырджыкөн лөлі тайо вөр-ва олөмнас (И.Белых). 9. Сэтчөс вөрьяс вөліны озырёсь дона куа пемөсьясөн, а юяс – чөскыд, гөса чериөн (В.Тимин). 10. Сійо арсө ме некор ог вунөд. Кузь сійо вөлі да шоныд. Тшак-вотөсөн озыр (А.Ульянов). 11. Ывла вылын войбыд пессис төв да шарөдчис зэр, а асылыс пуксьөма вывті нин лөнь да яр шондіа (Н.Куратова). 12. Войыс бура югыд вөлі, ылысь тыдаліс (Г.Юшков). 13. Кузь төвбыд пөрөдасны сортовка вөр да кыскаласны юяс дорө (Тима Вень). 14. Быд асыв пө колө чуксавны, төвся кузь войсө на унмыд оз веськав. Кос косьмөдмыд пө нин колльөдчөмыдла (Г.Юшков). 15. Арся зэрышталөм бөрын бара на пуксисны мича, лөнь луньяс (Г.Фёдоров). 16. Шуи тадзтө и нерад лои шубмыслы (И.Торопов). 17. Ме дась лэбзыны тэкөд төлысь вылөдз! (В.Напалков) 18. Тэ меным, Сора, мусатө эн кыскав. Ме сідз нин скөр, дась керавны став пусө, Да мыжтөм вылад кийд оз на лыб-а (Г.Юшков). 19. Пасьяліс, кымын градусөдз муыс должен шонавны, мед кйдысыс чужис, озимыс өдйөджык петіс, быдмис–розьяліс да сөвмыны вермис (П.Шахов). 20. Шондібан, горш и вөвлі Васьөыс удж дорад, нинөм шуны (Н.Куратова). 21. Век гажа серама, мелі да йөз дорө сибыд Аня ставсьыс кутіс өтдортчыны, зумышмис, сьөдөдісны син гураньяс, пемдіс видзөдласыс (П.Шахов).

3 удж. Сетөм сёрникузяясыс торйөдөй предикативнөй определени-еяссө, төдчөдөй, сёрникузяса кутшөм членьяс динө найө йитчөны; гөгөрвоөдөй налысь вежласьөмсө. Сёрникузяясас сувтөдөй колана пунктуация пасьяс да гөгөрвоөдөй найөс.

1. Дерт служба боксянь некутшөм чин сылөн зэ вөв, удждон босьтис ичөтөс пасьтасис гөлиника, типографияс ветлөдліс типографскөй краскаөн сьөдасьөм халата (Г.Фёдоров). 2. Öти кывйөн кө, тыр-бурөс виччысис Латкин гожөмсө (Г.Юшков). 3. Ваймөм синьяса Калина пукаліс росйысьөм важ пася, дышиника тшынасис (Я Рочев). 4. Дед тай со жугыль пукалө би дорын, мыджсьөма гыррдзаяснас пидзөсас, киясас босьтөма юрсө (В.Торопов). 5. Мися керка строитам вильөс, жөникыд өдйөджык сюрө (И.Изьюров). 6. Локтөм мыстыиыс сьөд ракаяс пыр жө босьтөны удж бердө: дзоньталөны асьыныс позьяс кодлөн оз нин шогмы оланіныс, заводитөны стрөитны вильөс, бурджыкөс (И.Коданөв). 7. А тэныд, нылө, сөвет сета, мун гортад. Да адвокатөс корсьлөй бурджыкөс (Н. Куратова). 8. - Энө шогсьөй, миян граф Монте-Кристолы замок вөчам зэв ёнөс да бурөс! – гажтөма серөктыштис Паклевский (Г.Фёдоров). 9. Колө төдчөдны статьяын, мый только удж да удж медвылө доньявсьө Печора бердса Ниа Шар грездын. Обязательствояс миян босьтөма гырысьөс (П.Шахов). 10. Коз пуяс быдмөмаөсь гырысьөсь, дзугсьөм рой тошкаөсь, дзор туньяс кодьөсь сулалөны шувгөны кутшөмкө повзьөдла-на шыөн, быттө дөзмөмөн шуалөны. мыйла пө локтанныд миянлысь вөрса

олѳмсѳ дзугны (Г.Фѳдоров). 11. Няняс, кодъяс дзик на ѳні гажѳдісны син да гыалісны вежѳсь, сувтсаѳсь, мичаѳсь, ѳні вольсассъѳмаѳсь му бердын, быттьѳкѳ вѳв табунъяс гѳняйтѳмаѳсь на кузя, няйтѳ пѳртѳмаѳсь (Г.Фѳдоров). 12. Шѳндіыс вылын нин пѳртмасис-дзирдаліс сѳстѳм мича, быттьѳ сьѳлѳмся-ныыс мыссьѳм-пывсьѳм бѳрын (Б.Шахов). 13. Лук градсѳ чѳйыслысь весаліс Густя, а Ваньѳ кыськѳ чера локтіс и сувтіс потшѳс сайѳ весьтасас да юаліс: - Мый нѳ вѳчан? – Весала тай со. Тырѳма нявданас (Г.Юшков). 14. Йидж улысь мыччысьѳм асья кыаыс гѳрда-вижа оръясян лѳддзѳн ѳшаліс вѳр-пу йылас, ззра-тѳлаѳ висьталіс пуксьысь лунсѳ (Г.Юшков).

4 удж. Сетѳм сѳрникузяссьыс аддзѳй торійѳдѳм определениеяссѳ, гѳгѳрвоѳдѳй определение торійѳдѳмсѳ.

1. Гырысьджык койтъяс вылѳ чукѳртчылѳны 30-50 чукчиѳдз. Торъя нин гажа видзѳдны, кор найѳ ыжъяс моз котралѳны му вывтї: гырысьѳсь, мичаѳсь, ѳнѳсь. Кодї аддзылас тайѳ серпассѳ, дыр оз вунѳд (И.Коданѳв). 2. Сись кодъ пипуяс да кызъяс видз дорѳсьясас быдмѳны, шылъыд банаѳсь, быттьѳ сулалігас кодкѳ увйѳма найѳс (И.Торопов). 3. Вѳлі нин рыть-яыв, кор Лина мѳдѳдчис аслас сиктѳ. Кузь бѳжа, шылъыд гѳна вѳв надзѳникѳн рѳдтѳ буса туйтї. Гѳжся шѳндї кокныѳдика малалѳ Линалысь гѳжъялѳм чужѳмсѳ, шѳнтѳ мудзѳм ки-коксѳ. Кѳрѳба телегаѳ вольсалѳма турун, кодысь ѳвтѳ аслысьяма чѳскыд дук. Да и турун вылас-пукалігѳн туйвывса тѳпканъяссѳ онджык казяв (И.Коданѳв). 4. Рытыввывсянь и войвывсянь, енѳж пасьталаыс, кыпѳдчис лѳзов-сьѳд кымѳр – кыз, топыд, зралысь гундыр кодъ, дзикѳдз вылѳ тупйис шѳндісѳ, вѳчасѳн пыр кызіс и быдмис (И.Торопов). 5. Но со, Хрустальной Замоклань туйсѳ налысь бара потшис неважѳн на пѳрѳм коз, пашкыр увъяса, ковмис бѳсьтны чер да увтїыс керавны пыжѳн тѳрмѳн розь (И.Торопов). 6. Туй пѳлѳн сулалысь веськыд пуяс вѳйтчисны войся рѳмыдѳ. Гѳгѳр лои шыч ни рач. Унмовсис парма. Тыдалѳ, и сійѳ мудзис кузь лун чѳж шувгѳмысь. Корсюрѳ кылыштліс войся пѳтка-яслѳн чуксасьѳмыс да тувсов шоръяслѳн бузгѳмныс (И.Коданѳв). 7. Рѳдѳ локтіс рытнас вѳр керка дорѳ и аслас синъяслы оз эскы. Сулалѳ сѳні дзик выль керка, куим ѳшина, мича посводза (И.Коданѳв). 8. Деда-внука петісны пыжысь, Ваньѳ, киас пищала, ур моз пелька тьювѳдіс-кайис рѳч вылѳ (И.Торопов). 9. Настя сулаліс кильчѳ вылас, киас ыджыд пу ведраа, сьѳд кѳсясыс чеччалѳны серамысла вылын морѳс вылас (С.Тимушев). 10. Ѳтнас и коли Васька посводзѳ, инасьтѳм лола (Г.Юшков). 11. Сись кодъ блед чужѳма, матыстчис сійѳ Логинов дїнѳ (В.Напалков). 12. Неыджыд тушаа, косѳдіник гырысь синъяса, Левѳнь том дырйиыс вѳлі зѳв шань морт (И.Изьюрѳв). 13. Бурджык уличаыс сиктын ѳти сѳмын и эм. Нюжѳдчѳма сійѳ Мозын ю пѳлѳн салдатьяс моз кыз радѳн сулалысь керкаяслѳн ѳшиньяс увтї, векни да бусѳсь (Ю.Васютов). 14. Неыджыд тушаа, кызкодъ ныр-вома, нориник сьѳдоват синъяса, нѳриник лы-сьѳма, лабутнѳй сѳрниа да сѳтшѳм жѳ вѳраса, сійѳ, кажитчѳ, зз тѳдлы ки-кокыслы мудзѳм, миянысь водз зз водлы, миянысь сѳрѳн зз чеччыв (Ю.Васютов). 15. Ас мѳвпьяснас тыр, Ирьянко дыр видзѳдіс ылыстчысь ѳртланьыс (В.Тимин).

Адмони 1955 – Адмони В.Г. Введение в синтаксис современного немецкого языка. М.: Изд-во л-ры на иностр. языках, 1955. 391 с.

Алатырев 1970 – Алатырев В.И. Сказуемое // Грамматика современного удмуртского языка: синтаксис простого предложения. Ижевск, 1970. С.53-68.

Алатырев 1983 – Алатырев В.И. Краткий грамматический очерк удмуртского языка // Удмурт - зуч словарь. М.: Русский язык, 1983. С.563-591.

Балашша 1951 – Балашша Й. Венгерский язык. М.: Изд-во иностр. лит-ры, 1951. 376 с.

Бубрих 1949 – Бубрих Д.В. Грамматика литературного коми языка. Л.: Изд.-во Ленингр. ун-та, 1949. 203 с.

Голикова 1995 – Голикова Н.А. Атрибут и предикат в современных лингвистических исследованиях: проблема взаимодействия // Функционально-текстовые аспекты языковых единиц. СПб.: СПб ун-т, 1995. С.98-109.

Грабье 1978 – Грабье В. О полупредикативной конструкции и второстепенной предикации // Языкознание в Чехословакии. М.: Прогресс, 1978. С.232-255.

ГСУЯ 1962 – Грамматика современного удмуртского языка. Фонетика и морфология / Отв. ред. П.Н.Перевощиков. Ижевск: Удмуртск. Кн. изд-во, 1962. 376 с.

ГСУЯ 1970 – Грамматика современного удмуртского языка: Синтаксис простого предложения / Под ред. В.И.Алатырева. Ижевск, 1970. 250 с.

Гуя 1976 – Гуя Я. Морфология обско-угорских языков // Основы финно-угорского языкознания: Марийский, пермские и угорские языки. М.: Наука, 1976. С. 277-332.

Дубровина 1972 – Дубровина З.М. Инфинитивы в финском языке. Л.: Изд-во Ленингр. ун-та, 1972. 208 с.

Золотова, Онипенко, Сидорова 1998 – Золотова Г.А., Онипенко Н.К., Сидорова М.Ю. Коммуникативная грамматика русского языка. М., 1998. 528 с.

Каракулова 1995 – Каракулова М.К. Удмуртское прилагательное. Проблемы отражения его особенностей в учебных пособиях // Узловые проблемы современного финно-угроведения: Материалы I Всероссийской научной конференции финно-угроведов. Йошкар-Ола, 1995. С.329-330.

Каракулова, Каракулов 2000 – Каракулова М.К., Каракулов Б.И. Сопоставительная грамматика русского и удмуртского языков. Глазов, 2000. 91 с.

Кельмаков 1990 – Кельмаков В.К. Образцы удмуртской речи. Ижевск, 1990. 365 с.

Клаас 1988 – Клаас Б.М. Сходные черты синтаксиса эстонского и литовского языков и их происхождение: Автореф... канд. дис. Тарту, 1988. 15 с.

Коведяева 1976 – Коведяева. Марийский язык // Основы финно-угорского языкознания: Марийские, пермские и угорские языки. М.: Наука, 1977. С.3-96.

КПЯ 1962 – Коми-пермяцкий язык / Под ред. В.И.Лыткина. Кудымкар: Коми-пермяцкое кн. изд-во, 1962. 340 с.

Кривошекова-Гантман, Ратегова 1980 – Кривошекова-Гантман А.С., Ратегова Л.Г. Коми-пермяцкие говоры. Пермь, 1980. 69 с.

Кручинина 1990 – Кручинина И.Н. Определение // Лингвистический энциклопедический словарь. М.: Советская энциклопедия, 1990. С.348-349.

КЭСК 1970 – Лыткин В.И., Гуляев Е.С. Краткий этимологический словарь коми языка. М.: Наука, 1970.

Лаанест 1975 – Лаанест А. Прибалтийско-финские языки // Основы финно-угорского языкознания: Прибалтийско-финские, саамские и мордовские языки. М.: Наука, 1975. С. 5-166.

Лыткин 1952 – Лыткин В.И. Древнепермский язык. М.: Изд-во АН СССР, 1952. 174 с.

Майтинская 1960 – Майтинская К.Е. Венгерский язык: Синтаксис. М.: Из-во АН СССР. 1960. Ч.3. 375 с.

Майтинская 1974 – Майтинская К.Е. Сравнительная морфология финно-угорских языков: Вопросы сравнительного синтаксиса финно-угорских языков // Основы финно-угорского языкознания: Вопросы происхождения и развития финно-угорских языков. М.: Наука, 1974. С.214-397.

Майтинская 1976 – Майтинская К.Е. Венгерский язык // Основы финно-угорского языкознания: Марийский, пермские и угорские языки. М.: Наука, 1976. С.342-414.

Перевощиков 1956 – Перевощиков П.Н. Краткий очерк грамматики удмуртского языка // Русско-удмуртский словарь. М.: Гос. изд-во иностр. и нац. словарей, 1956. С.1273-1360.

Поздеев 1978 – Поздеев В.В. К вопросу об именном сказуемом современного удмуртского языка // Советское финно-угроведение. 1978. I. С.41-45.

Рятсеп 1974 – Рятсеп Х.К. Структура простого предложения в эстонском литературном языке: Ориентированные на глагол модели предложения: Автореф. ... докт.дисс. Тарту, 1974. 91 с.

Сидоров 1992 – Сидоров А.С. Влияние русского языка на грамматический строй коми языка // Сидоров А.С. Избранные статьи по коми языку. Сыктывкар, 1992. С.102-120.

Силкина 1990 – Силкина З.А. О предикативном определении как особом члене предложения и его обособлении // Простое предложение: научный анализ и преподавание школе и вузе. Воронеж: Изд-во Воронеж. ун-та, 1990. С.13-20.

СКЯ 1955 – Современный коми язык: Фонетика, лексика, морфология / Под ред. В.И.Лыткина. Сыктывкар: Коми кн. изд-во, 1955. Ч.1. 312 с.

СМЯ 1961 – Современный марийский язык. Йошкар-Ола: Мар. кн. изд-во, 1961. 324 с.

ТФТ 1990 – Теория функциональной грамматики: Темпоральность: Модальность. Л.: Наука, 1990. 263 с.

Федотова 1990 – Федотова В.П. Очерк синтаксиса карельского языка. Петрозаводск, 1990. 156 с.

Феоктистов 1975 – Феоктистов. Мордовские языки // Основы финно-угорского языкознания: Прибалтийско-финские, саамские и мордовские языки. М.: Наука, 1975. С.248-345.

Цыпанов 1997 – Цыпанов Е.А. Причастие в коми языке: история, семантика, дистрибуция. Екатеринбург, 1997. 211 с.

Чеснокова 1972 – Чеснокова Л.Д. Конструкции с предикативным определением и структура предложения в современном русском литературном языке. Ростов н/Д., 1972. 135 с.

- Itkonen 1966 – Itkonen E. Kieli ja sen tutkimus. Helsinki, 1966. 427 s.
- F-Fuchs I – Fokos-Fuchs D.R. Syrjänisches Wörterbuch. Von I. Budapest, 1959. 714 s.
- F-Fuchs II – Fokos-Fuchs D.R. Syrjänisches Wörterbuch. Von II. Budapest, 1959. 1564 s.
- Kalima 1911 – Kalima J. Russischen Lehnwörter im Syrjänischen Helsingfors, 1911.
- Ravila 1946 – Ravila P. Johdatus Kielihistoriaan. Helsinki, 1946. 72 s.
- Rintala 1976 – Rintala P. Lukion Kielitieto. Helsinki, 1976. 118 s.
- Stipa 1960 – Stipa Y. Funktionen der Nominalformen des Verbs in den permischen Sprachen. Helsinki, 1960. 290 s.
- Uotila II – Syrjänische Texte. Band II. Komi-syrjänisch: Ižma-Pečora-und Vym-Dialekte. Gesammelt von T.E.Uotila. Übersetzt und Herausgegeben von P.Kokkonen. Helsinki, 1986. 241 s.
- Uotila IV – Syrjänische Texte. Band IV. Komi-syrjänisch: Ober-Vyčegda-Dialekte. Gesammelt von T.E.Uotila. Übersetzt und Herausgegeben von P.Kokkonen. Helsinki, 1995. 522 s.
- Wichmann 1916 – Wichmann Y. Syrjänische Volksdichtung. Gesammelt und Herausgegeben. Helsinki, 1916.
- Баталов 1974 – Баталов В. Шапка-пожум // Пармаын асыв. Кудымкар: Пермской кн. изд-во, 1974. 169-252 л.б.
- Безносиков 1964 – Безносиков В. Жар гождом. Сыктывкар, 1964. 143 л.б.
- Безносиков 1995 – Безносиков В. Чужан сиктын олам-вылам. Сыктывкар, 1995. 168 л.б.
- Безносиков 2001 – Безносиков В. Ок, и мортлөн олём. Сыктывкар, 2001. 367 л.б.
- Белых 1997 – Белых И. Озыы, билурой менам. Сыктывкар, 1997. 191 л.б.
- Васютов 1978 – Васютов Ю. Быдёнлөн аслас сьолём. Сыктывкар, 1978. 192 л.б.
- Васютов 2001 N9 – Васютов Ю. Мусукасян керка // Войвыв кодзув. 2001. N9. 4-19 л.б.
- Висер 1986 – Висер вожса сьыланкывъяс да мойдкывъяс. Сыктывкар, 1986. 256 л.б.
- Доронин 1995 – Доронин П. Парма сьолёмын. Сыктывкар, 1995. 255 л.б.
- Ермаков 1992 – Ермаков А. Көмтөг вундөмпод вылёт. Кудымкар: Пермская книга, 1992. 151 с.
- Жилина 1975 – Жилина Т.И. Верхнесыольский диалект коми языка. М.: Наука, 1975. 267 с.
- Жилина 1985 – Жилина Т.И. Лузско-летский диалект коми языка. М.: Наука, 1985. 271 с.
- Жилина 1998 – Жилина Т.И. Вымский диалект коми языка. Сыктывкар: Пролог, 1998. 438 с.
- Жилина, Бараксанов 1971 – Жилина Т.И., Бараксанов Г.Г. Присыктывкарский диалект и коми литературный язык. М.: Наука, 1971. 276 с.
- Жугыль 2001 – Жугыль (Н.Попов). Олан гаж. Сыктывкар, 2001. 191 л.б.
- Игнатов 1963 – Игнатов М. Шоръяс визувтоны юб. Сыктывкар, 1963. 143 л.б.
- Изьюров 1970 – Изьюров И. Сиктса повестьяс. Сыктывкар, 1970. 263 л.б.
- Изьюров 1980 – Изьюров И. Салдатлөн туй. Сыктывкар, 1980. 191 л.б.
- Изьюров 1984 – Изьюров И. Миян грездса нывъяс. Сыктывкар, 1984. 352 л.б.
- Изьюров 1987 – Изьюров И. Остаплөн туй. Шуд // Ытва дырйи. Сыктывкар, 1987. 255-274 л.б.
- Климов 1963 – Виль нянь-сов. Кудымкар. Коми-пермяцкой кн. изд-во, 1963. 88 с.

- Коданёв 1970 – Коданёв И. Тылён гусяторъяс. Сыктывкар: Коми кн. изд-во, 1970. 71 л.б.
- Коданёв 2001 – Коданёв И. Шувгы, муса пармаой. Сыктывкар, 2001. 135 л.б.
- Колегова, Бараксанов 1980 – Колегова Н.А., Бараксанов Г.Г. Среднесыольский диалект коми языка. М.: Наука, 1980. 226 с.
- КПП 1973 – Коми пословицы и поговорки / Сост. Ф.И.Плесовский. Сыктывкар, 1973. 215 с.
- КПП 1983 – Коми пословицы и поговорки / Сост. Ф.И.Плесовский. Сыктывкар, 1983. 207 с.
- Куратов 1979 – Куратов И. Менам муза. Сыктывкар, 1979. 606 л.б.
- Куратова 1974 – Куратова Н. Радейтана, муса. Сыктывкар, 1974. 176 л.б.
- Куратова 1983 – Куратова Н. Бобонянь көр. Сыктывкар, 1983. 213 л.б.
- Куратова 1995 – Куратова Н. Аддзысьлам на тшук. Сыктывкар, 1995. 239 л.б.
- Лихачёв 1974 – Лихачёв М. Выль туйот // Пармаын асыв. Кудымкар: Пермской кн. изд-во, 1974. 7-42 л.б.
- Лыткин 1985 – Лыткин В. Дзордзав жё, Коми му. Сыктывкар, 1985. 255 л.б.
- Минин 1974 – Минин И. Паньт уйис тóлысь // Пармаын асыв. Кудымкар: Пермской кн. изд-во, 1974. 87-166 л.б.
- Напалков 1988 – Напалков В. Томъяс. Сыктывкар, 1988. 216 л.б.
- Напалков 1994 – Напалков В. Ме тiянос радейта. Сыктывкар, 1994. 287 л.б.
- Напалков 2000 – Напалков В. Чолóm и прóщай. Сыктывкар, 2000. 319 л.б.
- ОКЗР 1971 – Образцы коми-зырянской речи.
- Осипов 1987 – Осипов И. Заводитчóm // Ытва дырйи. Сыктывкар, 1987. С.280-291.
- Изьюров 1975 – Изъюров И. Судзёд меным óшкамóшка. Сыктывкар, 1975. 168 л.б.
- Парначёв 1999 N10 – Парначёв А. Аддзыліс сóмын лымва // Войвыв кодзув. 1999 N10. 3-37 л.б.
- Попов 2001 – Попов А. Чудь мыльк. Сыктывкар, 2001. 287 л.б.
- Пыстин 1987 – Пыстин И. Бушкала вояс. Сыктывкар, 1987. 255 л.б.
- Рочев 1951 – Рочев Я. Кык друг. Сыктывкар, 1951.
- Рочев 1965 – Рочев Я. Кык друг. Сыктывкар, 1965.
- Рочев 1984 – Рочев Я. Изьва гызьó. Му вежóm. Сыктывкар, 1984. 480 л.б.
- Рочев 1998 – Рочев Е. Кузь вót. Сыктывкар, 1998. 238 л.б.
- Савин 1985 – Савин В. Мусюр сайын. Сыктывкар, 1985. 367 л.б.
- Сажин 1981 – Сажин И. Сё сикас. Сыктывкар, 1981. 79 л.б.
- Сажин 1987 – Сажин И. Ён тыш // Ытва дырйи. Сыктывкар, 1987. 80-110 л.б.
- Сахарова 1976 – Сахарова М.А., Сельков Н.Н., Колегова Н.А. Печорский диалект коми языка. Сыктывкар: Коми кн. изд-во, 1976. 151 с.
- Сахарова, Сельков 1976 – Сахарова М.А., Сельков Н.Н. Ижемский диалект коми языка. Сыктывкар: Коми кн. изд-во, 1976. 288 с.
- Сорвачёва 1966 – Сорвачёва В.А., Сахарова М.А., Гуляев Е.С. Верхневьчегодский диалект коми языка. Сыктывкар: Коми кн. изд-во, 1966. 254 с.
- Сорвачёва 1960 – Сорвачёва В.А., Сахаров М.А., Гуляев Е.С. Верхневьчегодский диалект коми языка. Сыктывкар: Коми кн. изд-во, 1960. 254 с.
- Сорвачёва 1961 – Сорвачёва В.А. Краткий грамматический справочник по диалектам коми-зырянского языка // Сравнительный словарь коми-зырянских диалектов. Сыктывкар: Коми кн. изд-во, 1961. С.456-489.
- Сорвачёва, Безносилова 1990 – Сорвачёва В.А., Безносилова Л.М. Удорский диалект коми языка. М.: Наука, 1990. 283 с.

Тимин 1997 N12 – Тимин В. Эжа перымса зонка // Войвыв кодзув. 1997. N12. 7-50 л.б.

Тимин 2000 – Тимин В. Эжа перымса зонка. Сыктывкар, 2000. 254 л.б.

Тимин 2002 N3 – Тимин В. Еджыд ру // Войвыв кодзув. 2002. N3. 37-63 л.б.

Тимушев 1986 – Тимушев С. Зумыш пармаын. Сыктывкар, 1986. 144 л.б.

Торопов 1982 – Торопов И. Тян. Сыктывкар, 1982. 275 л.б.

Торопов 1988 – Торопов И. Ме верма, батьö. Сыктывкар, 1988. 332 л.б.

Ульянов 1992 – Ульянов А. Съöd ар. Сыктывкар, 1992. 157 л.б.

Ульянов 2001 – Ульянов А. Изъя чой. Сыктывкар, 2001. 127 л.б.

Фёдоров 1979 – Фёдоров Г. Повестьяс. Сыктывкар, 1979. 445 л.б.

Фёдоров 1982 – Фёдоров Г. Востым. Сыктывкар, 1982. 382 л.б.

Фёдоров 1987 – Фёдоров Г. Ытва дырйи. Полошуйтчöм. Шуштöм кад // Ытва дырйи. Сыктывкар, 1987. 195-254 л.б.

Фёдоров 1989 – Фёдоров Г. Чужан мусянь ылын. Сыктывкар, 1989. 166 л.б.

Фёдоров 1994 – Фёдоров Г. Бöрийöм гижöдъяс. Медводдза книга. Сыктывкар, 1994. 627 л.б.

Фёдоров 1994 I – Бöрийöм гижöдъяс. Сыктывкар, 1994. Т.1.

Федосеев 1991 – Федосеев С. Кусöм бизз. Кудымкар: Пермской кн. изд-во, 1991. 301 с.

Фролов 1985 – Н.Фролов. Эжа дорын. Сыктывкар, 1985. 80 л.б.

Шахов 1977 – Шахов П. Повестьяс. Сыктывкар, 1977. 279 л.б.

Шахов 1988 – Шахов П. Лöз патефон. Сыктывкар, 1988. 256 л.б.

Шахов 1989 – Шахов Б. Гöрд дзоридзъяса съöd шаль. Сыктывкар, 1989. 287 л.б.

Шахов 1998 N3 – Шахов Б. Овлісны-вывлісны // Войвыв кодзув. 1998. N3. 3-41 л.б.

Шахов 1998 N4 – Шахов Б. Овлісны-вывлісны // Войвыв кодзув. 1998. N4. 7-39 л.б.

Шахов 1999 – Шахов Б. Овлісны-вывлісны. Сыктывкар, 1999. 541 л.б.

Шестаков 1987 – Шестаков М. Пöжар // Ытва дырйи. Сыктывкар, 1987. 144-151 л.б.

Щадрин 1974 – Щадрин И. Дёма // Пармаын асыв. Кудымкар: Пермской кн. изд-во, 1974. 45-84 л.б.

Юхнин 1955 – Юхнин В. Алöй лента. Сыктывкар, 1955. 368 л.б.

Юхнин 1981 – Юхнин В. Алöй лента. Сыктывкар, 1981. 456 л.б.

Юхнин 1983 – Юхнин В. Дінъельса вöрпункт. Сыктывкар, 1983. 174 л.б.

Юшков 1972 – Юшков Г. Аски лоö мича. Сыктывкар, 1972. 224 л.б.

Юшков 1975 – Юшков Г. Югыд вой, кока вой. Сыктывкар, 1975.

Юшков 1979 – Юшков Г. Ловъя лов. Сыктывкар, 1979. 527 л.б.

Юшков 1981 – Юшков Г. Чугра. Сыктывкар, 1981. 415 л.б.

Юшков 1988 – Юшков Г. рöдвуж пас. Сыктывкар, 1988. 431 л.б.

Юшков 2001 I – Юшков Г. Нель небöгö öтувтöм гижöд чукöр. Сыктывкар: Коми кн- изд-во, 2001. Т. 1. 687 л.б.

Юшков 2001 III – Юшков Г. Нель небöгö öтувтöм гижöд чукöр. Сыктывкар: Коми кн- изд-во, 2001. Т.3. 703 л.б.

СОДЕРЖАНИЕ

Водзкыв	3
Кывберд предикативной функцияын	5
Кывберд-определение	33
Кывберд – предикативной определение	62
Кывберд торйодом определение функцияын	70
Кывбердлön синтаксической йитодъяс	80
Асшõра вõчõм вылõ уджъяс	94
Дженьдõдõмъяс да вõдитчан литература	97

Валентина Матвеевна Лудыкова

КОМИ КЫВБЕРДЛӨН СИНТАКСИС

Учебное пособие

Компьютерный макет А.А. Пруцевой
Корректор Е.М. Насирова

Подписано в печать 19.09.2003. Печать офсетная.
Гарнитура Arial. Бумага офсетная. Формат 60x84/16.
Усл.п.л. 6,0. Уч.-изд.л. 5,8.
Заказ № 115. Тираж 100 экз.

ИПО СГУ
167001. Сыктывкар, Октябрьский пр., 55.

